

**C.P. Мутаева**

**ЛАККУ МАЗ**

**2- мур классрал учебный пособиялұңғыннса  
методикийсса маслихатту**

**Махіачкъала – 2019**

**С.Р. Мутаева**

**2- мур классрал учебный пособиялұңсса  
методикйссаса маслих1атру (учебный пособие  
«Лакку маз» 2 класс, автор – М.И.Шурпаева,  
К.Р.Рахимов, М.«Просвещение», 2018)**

## **Хъхьич1махъ**

Байбихъулул классирттаву дулайсса к1улшиву хъанахъискар дянивмур даражалул школалул к1улшиву ласаврил системалул яла агъанмур, яла чара бакъамур бут1ану, цанчирча аымсса дянивмур к1улшиву ласаврил гъануну байбихъулул школалул дулайсса к1улшиву хъанай дуну т1ий.

Ц1усса Федерал паччах1лугърал байбихъулул классирттаннса стандартирттал хъунмур мурад оърч1ру гъарца чулуха итххяххан бансса гъану бизаву, ц1анасса ч1умул т1алавшиннардац1ун бавкъуну ялун нанисса ник тарбия даву, лич1и-лич1исса миллатирттал оърч1ру куннащал кув бавкъуну, куннал х1урмат кув буллай, ялапар хъун лахъхин баву хъанахъискар. Гиву хъуннасса къулагъас оърч1ан цала ниттил маз, миллатрал айдатру лахъхин даврих дурну дур.

Ва пособие лакрал школарттай к1илчинмур классраву зузисса учительтуран кумагран сакин бувну буссар. Ванил мурад учительнал даву бигъя даву хъанахъискар. Шиву 2-мур классраву лакку маз лахъхин баврил методикийсса маслих1атру, мисалдарансса дарсирдал разработкарту дуллуну дуссар.

Ва пособие, Ц1усса Федерал паччах1лугърал байбихъулул классирттаннса стандартирттал т1алавшиннардайн бувну, сакин бувну буссар. Шиву к1илчинмур класс къуртал буллалисса дуклаки оърч1ал хъун дан ккаккан дурсса резултатру ккаккан дурну дуссар.

## **I. Глава. 2 – мур классраву «Лакку маз» т1исса предмет лахъхъаврил элмийсса гъанурду**

### **1.1. «Лакку маз» т1исса предмет лахъхъаврил элмийсса ва методикийсса гъанурду**

Лакрал школарттай байбихъулул классирттаву оърч1ан к1улшиву дулаврил ишираву ца агъамсса к1ану лакку мазрал бугълагъискар. Миву хъхъич1ра - хъхъич1сса к1улшиву лакку мазрайри ласайсса, мунихлуну лакку маз ххуйну к1улну бик1ан айкинссар.

Лакку мазрал курсирал гъанусса мурадну хъанахъискар: оърч1ан литературийсса мазрай к1улши дуну, анаварну ва бюохханну, гъалат1 бакъя буккин, чичин ва гъалгъа т1ун лахъхъин баву, оърч1ал гъалгъа магъир баву, гайннаву за лахъхъаврил чулухунмайсса бюхъу - тяхъа хъун баву, оърч1ан мазрал гъанусса элементру бувч1иншиврул, гайннавун мазрал чулухунмайсса гъира багъаншиврул, мазрая хъхъич1ра - хъхъич1сса к1улшиву дулаву, оърч1аву, цала оърмулун лавхъхъуну, мазрал къараплу (дак1них ва чичрулий) лахъхъинсса бюхъу - тяхъа хъун бан кумаг баву.

Байбихъулул классирттаву оърч1ал грамматикалуя ласайссар лавайми классирттаву лахълахъисса содержаниялуц1ун ц1акъну дарх1усса ца балжисса к1улшиву. Грамматика ва чичрулул къайдарду лахълахъисса байбихъулул курсировун лавайми классирттаву грамматикалул ва чичрулул къайдардал курс ххуйну лахъхъиншиврул чара бакъя айкинсса материал дуртун дур.

Байбихъулул школалий лахълахъисса предметирттаву «Лакку мазрал» к1ива агъамсса мурад щаллу буллалиссар:

- 1) дуклаки оърч1ру мазрал элмулущал к1ул баву ва гайннал пикри баву х1асул хъун даву;
- 2) дуклаки оърч1ал гъалгъа баврил компетенция х1асул хъун баву: дак1нихсса ва чичрулийнусса гъалгъа магъир баву, ца инсаннал цалалу буллалисса ва к1ия инсаннал буллалисса гъалгъа магъир баву ва мукунма

инсаннал аымса культуралул показательну хъанахъисса грамотныйисса, гъалат1ру бакъасса чичруулул вардишру хъун даву.

Ц1анасса ч1умал лакку маз лахъхъаву - му дуклаки оърч1ру мазрал системалущал ва ганивусса правиларттащал к1ул баврийну, гъалгъалул бюхъурду ва вардишру хъун баврийну щаллу къашайссар. Ва предметрал хъинну хъуннасса агъамшиву дуссар дуклаки оърч1ал мировоззрения хъун давриву, гайннан дуклан лахъхъин баврил гъану бизавриву, аъкълу - к1улши хъун давриву ва оърч1ру адад - инсапрал чулуха тарбия бавриву.

Ва предметрал лялич1ишиву хъанахъиссер ганил ц1акъну литературийисса буккаврищалсса даҳ1аву, вай к1иннилагу «Филология» т1исса предметный областъравун бухлахисса агъанми масъалартту щаллу буллалиссар.

Лакку мазрал курсирал лялич1ишивуну хъанахъиссер аымса литературийисса буккаврищал арх1ал гъалгъа баврил ва за к1ул баврил гъану бушиву. Гивун лакку маз лахъхъаврил шанна аспект духлахиссер: мазрал система, гъалгъа баву ва литературийисса текст.

Лакку маз лахъхъаву, буккин - чичин лахъхъин баврия байбихъуну, дайдишайссар. Хъунмур къулагъас га ч1умал оърч1ан буккин ва чичин лахъхъин бан дайссар, гайннущалва арх1ал вич1и дишаврил ва гъалгъа баврил бюхъурдугу магъир байссар.

Байбихъулул классирттал оърч1ру дус шайссар: мукъул фонетикийисса сакиншиннаращал; махъру слогирттайх ва бут1райх (морфемарттайх) бач1аврищал; гъалгъалул бут1ращал ва гъануми формардащал; предложениялул жуардащал; предложениялул члентращал; чичруулул къайдардал правилардащал. Ца агъамсса к1ану оърч1ру мукъул лексикийисса мяъналущал, ч1яру мяънарду ду мукъуртищал ва синонимикалущал иширайну дус баврил бугълагъиссер.

Байбихъулул классирттал грамматикалул ва чичруулул къайдардал курсирал гъанусса разделълуну хъанахъиссер: «Ч1урду ва x1арпру», «Махъ»,

«Предложение», «Махъру кунниң1ун кув бавх1усса гъалгъа», «Мары1ну чичаву».

«Ч1урду ва х1арпру». Ч1урдая ва х1арпирдая гъанусса к1улшиву ласайссар дуклаки оърч1ал «Букварь» лахълахъисса ч1умал бик1у, чичруул къайдардал дарсирдай бик1у.

К1айннал лахъхин айкинссар т1ивт1у ва лавкъу ч1урдая ва х1арпирдая, к1илийнусса х1арпирдая, мукъурттиву ай, ой, э, я, ю, е, ё х1арпру чичаврия, х1арпру х1 ва гъ ва миннуч1а т1ивт1у ч1урду чичавриясса сведенияртту. Программалуву ккаккан бувну бур гуж бусса лавкъу ч1урду (кк, сс, тт, хх, хъхъ, пп, цц, къ, щ) гуж бакъами лавкъу ч1урдая лич1и баву.

Схемарттайн чул бившуну, дуклаки оърч1ан ч1урдал ва х1арпирдал анализ дан лахъхин байссар.

«Махъ». Программалий махъ лексикалул ва грамматикалул чулуха бувч1ин буллай бур. Ганил хъуннасса къулагъас мукъурттищалсса давурттах дуллалиссар. Грамматика ва чичруул къайдарду лахълахъийни, оърч1ан х1исав шайссар мукъурттил затру ягу хъанахъисса ишру ккаккан байшиву, гайннул мяъна душиву. Лич1и-лич1исса предложениярттаву, гъалгъалуву, мукъурттил мяънарду даххана шайшиву, махъру мяъналул чулуха гъансса ягу къаршиssa бик1айшиву.

«Гъалгъалул бут1ри» т1исса тема лахъхинсса х1адуршинна дайдишайссар 1 классравура, оърч1ру дус шайссар цу? ци? цукунсса? т1исса суаллан жаваб дулисса мукъурттищал, ванищала арх1ал – затирттан, хасиятирттан ва давурттан ц1арду т1исса терминнащал. Укунсса терминну загъир шайссар оърч1ал лич1и-лич1исса затру жуардайх дач1лач1исса давуртту дуллалийни ва гай жуардан жям бай махъру ляхълай.

Лакрал школарттай байбихъулул школа къуртал буллалисса оърч1ан синтаксисрайсса к1улшиву дуллай бур «Предложение» т1исса раздел лахълахъийни мукъвагу (1-4) классраву, му к1улшивугу дур:

1) предложениярттал жуардуду (бусай, ц1уххай, буюр бай ва оъвчай), мукунна простойсса предложение;

- 2) предложениялул члентру (цалчинмур даражалул - подлежащее, сказуемое; к1илчинмур даражалул - ц1а къакуну);
- 3) предложениялувусса мукъурттил дянивсса дах1аву, предложениялувусса бавх1умукъурттия.
- 4)сложный предложениялия аймесса к1улшиву дулайссар. Укунсса к1улшиву дуклаки оърч1ал ласайссар чан-чанну т1ий, мукърагу шинал мутталий.

Оърч1ан синтаксисраясса к1улшиву гъартану ва ххуйну лахъхъаврил иширан хъунмасса кумаг байссар махъру кунниц1ун кув бавх1усса гъалгъа ишла буллалийни, цала пикри дак1нихгу, чичрулийгу бусан лахъхъин булларча.Дак1нихсса ва чичрулийнусса давуртту кунниц1ун кув дарх1уну дуссар.

## **1.2. Учебный пландалуву лакку мазрал предметрал бугълагъисса к1ану**

Байбихъулул школалий лакку маз лахъхъин, шяраваллил школарттансса дуккаврил пландалийн бувну, ккаккан дурну дур циняр **354** ссяят.

2- 4 классирттаву - 204 ссяят: 68 ссят гъарца классраву ( нюжмардий к1и-к1ира ссяят, 34 дуккаврил нюжмар).

## **1.3.Федерал паччах1лугърал ц1усса стандартирттайн бувну, сакин дурсса лакку мазрал программалул т1алавшиннарду.**

**Лакку мазрал курсирал мурад.**

**Тикрал баву. Махъ. Предложение. Текст.**

Махъ, предложение, текст гъалгъалул единицарду х1исаврай.Текстрал ва предложениярттал лич1ишиву.

**Ч1урду ва х1арпру тикрал даву.**

**Гъалгъа.** Текст. Текст гъалгъалул яла хъунмур единица х1исаврай. Текстрал жуарарду (к1ул баву). Текст бут1райх дач1аву. Текстрал тема ва гъанумур пикри.

**Ч1урду ва x1арпру.** Т1ивт1у ч1урду ва лавкъу ч1урду. Махъру т1айлану зумух ласун ва чичин бюхъаву.

Т1ирт1у x1арпру ва гайннул ккаккан байсса ч1урду.

Мукъурттиву **аь, оь, я, ю, е, й** x1арпру ишла даву.

Мукъурттил бак1рай **аь, оь, э** x1арпру чичаву, мукъурттил дянив (ларкъу x1арпирдал хъирив) **аь, оь, э** x1арпирдан к1анай **я, ю, е** чичаву.

Ларкъу x1арпру **х1** ва **гь**, миннуч1а **я, ю, е** къачирчуну **а, и, у** x1арпру чичаву.

К1илийнусса x1арпру **кк, пп, сс, тт, цц, чч, хъхъ, хх** ва миннул ккаккан байсса гуж бу ч1урду.

Аслийсса лакку x1арпру ва гайннул ккаккан байсса ч1урду.

**Ь** ва **ъ**, гайннул мяъна.

Оърус мазрава лакку мазравун бувк1есса цаппара мукъурттил ахирданий ва дянив **ь** (к1ук1лу лишан) дишаву (пальто, учитель).

Лакку мукъурттиву т1ивт1у слограл хъирив **ъ** дишаву (бяъли, Муъминат).

**Алфавит.** Алфавитрал агъамшиву. Словарьданий аъркинсса махъру лякъин бюхъаву. Махъру алфавитрал низамрай чичаву так цалчинсса x1арп x1исав дурну.

**Слог. Ударение. Махъру ххуттая ххуттайн ласаву.** Махъру слогирттайх бач1аву. Махъру ххуттая ххуттайн ласаву, слогру x1исав бувну.

## **Предложение.**

Предложение гъалгъалул единица х1исаврай.

Гъалгъа предложениярттайх бач1аву. Предложениялуву щия ягу ссая гъалгъа т1ий буссарив бусласисса махъру лич1и баву. Суаллал кумаграйну предложениялувусса махъру қунниң1ун кув бавх1уну бушиву ккаккан бан бюхъаву(дак1них).

Предложениялул ахирданий к1унт1 ва ц1уххаврил лишан дишаву. Предложениялул бак1рай хъун х1арп дишаву.

Предложениялул члентру, цалчинмур даражалул члентру: подлежащее ва сказуемое. Предложениялул гъану.

### **Гъалгъалул бут1ри. Аьмсса характеристика.**

**Существительное.** Существительниral мяъна, суаллу. Аьмсса ва хасъесса существительнирду. Инсантурал ц1ардал, фамилиярттал, х1айвантран дирзесса ц1ардал, шагъурдал, щархъал, неххардил ц1ардал бак1рай хъунмур х1арп чичаву. Гъансса ва къаршиssa мяънарду дусса существительнирду.

Существительнирду аьдадирттайх баххана шаву (иширайну к1ул баву).

**Глагол.** Глаголданул мяъна, суаллу. Глагол лицордайх ва аьдадирттайх баххана шаву (иширайну к1ул баву). Глагол ч1уннайх баххана шаву ( иширайну к1ул баву). Гъансса ва къаршиssa мяънарду дусса глаголлу.

**Прилагательное.** Прилагательниral мяъна, суаллу. Прилагательниral существительниращалсса даҳ1аву. Прилагательнирду гъалгъалуву ишла баву. Гъансса ва къаршиssa мяъна дусса прилагательнирду.

**Ц1анинк1анаймур.** Ц1анинк1анаймунил мяъна, суаллу (иширайну к1ул баву).

**Тикрал баву.** 2-мур классраву лавхъхъумур тикрал баву.

**Гъалгъа магъир баву. Текст ва махъру кунниц1ун кув бавх1усса гъалгъа.<sup>1</sup>**

Ца темалия багъайсса суаллахъхъун (учитель ялув авц1уну) дак1них ва чичрулий жавабру дулаву.

Текст цирив к1улшиву. Бигъасса (150- ннийн бивсса махъру бусса) текстрал тема ва гъанусса мурад к1ул баву. Текстрал жуарарду (текст - бусаву, текст - ссал - дунугу сурат даву, текст- ссал - бунугу ялув цала пикри бусаву) (к1ул баву). Абзацрашал к1ул баву. Текстру сакин даврил ялув зун.

Сюжет дусса суратирттах буруглай, предложенияртту сакин даву. Учительнал кумаграйну дуллусса пландалийн бувну, (3 -4 пункктрая сакин хъусса, хъун дакъасса, 30- 40 махъ бусса) текстрал мурад чичаву, суратирттах буруглай, ягу ми дакъана.

Оърч1ал цала т1урк1урдая (учительнал кумаг бувну) хавар сакин бан бюхъаву.

### **Марц1ну чичаву<sup>2</sup>**

Мюрщи х1арпру чичаву ва ми кунниц1ун кув лач1ун дан лахъхъаву:

---

<sup>1</sup> Махъру кунниц1ун кув бавх1усса гъалгъа т1исса темалун дагъайсса давуртту программалул материал лахълахъисса щалагу ч1умул мутталий дайссар.

<sup>2</sup> Марц1ну чичаврин гъарца грамматикалул дарсирай 8-10 минут дулун буч1иссар.

1) и, ш, г, п, т, р, у; 2) л, м, и, щ, ь ; 3) гъ, п1, т1, ц1, ы; 4) о, оь, а, аь, ю; 5) ф, д, б, я; 6) с, е, е, ч, ч1, ъ, в; 7) э, х, х1, хъ, хъ; 8) ж, з, к, к1, къ, къ.

Хъуни х1арпру чичаву ва гай лач1ун дан лахъхъаву.

1) И, Ш, Ц, Щ, Ч; 2) М, Л, А; 3) Ц1, Ч1, АЬ; 4) О, ОЬ, С, З, Х; 5) Х1, Хъ, Хъ; 6) Е, Е, Э, Я; 7) Ж, У, Н; 8) К, К1, Къ, Къ; 9) Ю, Р, В, Ф; 10) Г, Гъ, Гъ; 11) П, П1, Т, Т1; 12) Б, Д.

Чичруулул буши, чан-чанну т1ий, анавар буккан баву. Хъуними ва мюрщими х1арпру алфавитрал низамрай чичаву. Махъру ва предложенияртту ххуттайх саргъунну чичаву.

**Дуклаки оърч1ан к1улну бик1ан аъркинсса шинал мутталий правиларттал кумаграйну чичин зах1мат шайсса махъру:** алх1ат, аньак1и, аърчи, ах1вал, Ах1мад, барх1, варакъи, вяркъу, вярч1у, гыи, гъилисса, дараччи, дежурный, доска, ляълу, мяъдан, нехъа, нюжмар, ппиринж, пальто, рах1, рах1му, рах1у, Саэд, стол, х1алу, х1илла, х1исилу, шаэр, эбрат, элму, Эса, эяллу, ят1улсса, ях1.

#### **1.4. «Лакку мазрал» учебникрал сакиншинна**

Лакку мазрал учебник, Федерал паччах1лугърал ц1усса байбихъулул классирттансса программалийн бувну, сакин бувну бур. Га учебник ишла буллан ккаккан бувну бур щала дуккаврил шинай. Гивун духлай дур лув ккаккан дурсса разделлу:

1. Цалчинмур классраву лавхъхъумур тикрал баву.
2. ДақIнихсса ва чичрулийсса гъалгъа.
3. Предложение.
4. ЧIурду ва хIарпру.
5. Гъалгъалул бутIри. Существительное.
6. Прилагательное.
7. Ц1анинк1анаймур.

8. Глагол.

9. КИилчинмур классраву лавхъхъумур тикрал баву.

Ц1усса 2-мур классрансса лакку мазрал учебникрай дуклаки ойрч1ал гъарца раздел лахълахъийни хъун дан айкинсса результатру ккаккан дурсса шмуцтитуллу дуллуну дур.

«ДакIихсса ва чичрулийсса гъалгъа» т1исса раздел лахълахъийни, «Гъалгъа. Текст» т1исса тема лахъхъин ккаккан дурну дур.

«Предложение» т1исса раздел лахълахъийни лахъхъин ккаккан дурну дур лув ккаккан дурсса темарду: предложениялул цалчинмур даражалул члентру, подлежащее ва сказуемое.

«Ч1урду ва x1арпру» т1исса раздел лахълахъийни, лахъхъин ккаккан дурну дур лув ккаккан дурсса темарду:

-Лакку мазрал алфавит.

-Ч1урду ва x1арпру.

-Т1ивт1у ч1урду ва x1арпру.

-Лавкъу ч1урду ва ларкъу x1арпру.

-Слог.

-Махъру ххуттая ххуттайн ласаву.

-X1арпру **и**, **й** ва гайннул ккаккан байсса ч1урду.

-Ч1у [э] ва x1арп **е** мукъул дянив.

-Ч1у[аь] ва x1арп **аь**.

-Ч1урду [я] ва x1арп **я**.

-Ч1у [э] ва x1арп **э**.

-Ч1у [оь] ва x1арпру **оь** ва **ю**.

-X1арп **ь** (кIукIлу лишан).

-Ч1у бялич1ан бай **ь**.

-Килийнусса лавкъу ч1урду ва x1арпру.

2-мур классраву хъхъич1ва-хъхъич1 гъалгъалул бут1раясса аымсса к1улшиву дурайссар ва «Гъалгъалул бут1ри» т1исса тема дуллуну дур.

Гъалгъалул бут1рая лахъхын ккаккан бувну бур: существительное, прилагательное, ц1анинк1анаймур ва глагол.

«Существительное» т1исса раздел лахълахъийни, лахъхын ккаккан дурну дур лув ккаккан дурсса темарду:

-Существительное

-Хасъсса ва аымсса существительнирду. Инсантуран ц1ардал ва фамилиярттал бакIрай хъунмур xlarp дишаву.

-Х1айвантран дирзсса ц1ардал бакIрай хъунмур xlarp дишаву.

-Шагъурдан, щархъан ва неххардин дирзсса ц1ардал бакIрай хъунмур xlarp дишаву.

«Прилагательное» т1исса раздел лахълахъийни, дуклаки оърч1ран, цалчинмур классраву лавхъхъумунийн чул бивщуну, прилагательнирдаясса аымсса к1улшиву дулайссар, гай гъалгъалуву ишла бан лахъхын бан айкинссар.

«Ц1анинк1анаймур» т1исса разделдануву ц1анинк1анаймунил мяъна, суаллу иширайну к1ул байссар.

«Глагол» т1исса раздел лахълахъийни, глаголданул мяъна, суаллу, га лицордайх, айдадирттайх ва ч1уннайх баххана шаву иширайну к1ул баврищал дуклаки оърч1ру к1ул байссар.

2-мур классрансса лакку мазрал учебникраву «Инава лавхъхъумур ххал ба» т1исса рубрика дуллуну дур. Ганил дуклаки оърч1ал хъун дан айкинсса результатру ххал дуллай дур. Учебникраву мукунна ххуйну дуклакисса оърч1ансса, зах1матсса давурттугу дуллуну дур.

## 1.5. «Лакку мазрал» дарсиral сакиншинна ва мурад

Дарс дуклаки оърч1ан к1улшиву дулаврил яла агъанмур журархъанахъиссар. Мунияту Федерал паччах1лугърал к1улшиву дулаврил стандартирттай хъуннасса къулагъас дарсру дишаврил даража лавай баврин дурну дур. Ц1усса Федерал паччах1лугърал стандартирттай

каккан бувну бур, дуклаки оърч1ан цайнурा цала к1улшиву ласун лахъхин бан аркиншиву. Учительнал бурж дуклаки оърч1ал ц1усса материал лахъхин, къак1улмур к1ул буллан лахъхин баву хъанахъиссар.

Лакку мазрал дасирдал, цайми предметирттал кунна, ч1яруssa жуарду дуссар.

Дарсиral сакиншиннаравун буссар чара бакъа буххан аркинсса бут1ри:

1. Дарсиral тема
2. Дарсиral мурад
3. Дарсиран аркинмур
4. Дарсиral жура (Ц1усса материал лахъхин дуллаисса дарс, лавхъхумур жам буллаисса дарс, лавхъхумур тикрал буллаисса дарс, дуклаки оърч1ал к1улшиву ххал дуллаисса дарс ва м.ц.)

Дарс нанаву т1исса бут1уву дарсиral план диялну каккан дурну дик1ан аркинссар. Гиву бик1ан бюхъайссар лув каккан бувсса бут1ри:

- 1.Дуклаки оърч1ру дарсирайн х1адур баву.
- 2.Дуклаки оърч1ру ц1усса материал лахъхаврийн х1адур баву.

Шикку дуклаки оърч1ру х1адур байссар ц1усса материал лахъхаврийн.Гай цивппа бусан байссар дарсирай ци лахълан т1ий буссарив, дарсиral тема.

- 3.Учебниращалсса даву.
- 4.Физкультминутка.
- 5.Рефлексия

1.Дарсирай лавхъхумунил жамру даву:

- Цуманал бусанну х1акыну жува ци лавхъхуссарив?
- дуклаки оърч1ал бусан аркинссар дарсирай лавхъхумур, к1ул хъумур.
2. – Дарсирай зура дурсса даврин кымат бишара.Бусияра зунна ци ххуй дирзуссарив дарсирай, цукунсса зах1матшивуртту хъунадаркъуссарив.
- 6.Дарсиral жамру даву (дарсиral жамру даву, кыматру бишаву).

7.Шардайнсса даву (шардайнсса даву дурч1ин даву).

## **1.6.К1илчинмур класс къуртал буллалисса дуклаки оърч1аясса т1алавшиннарду**

ФГОС-айн бувну, к1илчинмур класс къуртал буллалисса дуклаки оърч1ан к1улну бик1ан айкинссар:

### **Гъарца дуклаки оърч1ан хасъсса (личностьныисса ) результатру**

1.Цува Айрасатнал х1укуматрал инсан ушиву к1улну бик1ан, цала буттал к1анттухлу ва Ватандалухлу, Айрасатнал халкъуннахлу, тарихрахлу пахру бан к1улшиву х1асул даву.Дуклаки оърч1ру ч1яву миллатру бусса Айрасатнал обществалул яла ххуймунийн чул бивщуну, инсантал ххирлану ва демократикийну тарбия даву.

2.Цува дуклаки оърч1 ушиву бувч1уну ик1аву, дуккаврихсса гъира багъаву, ганил агъамшиву бувч1аву. Ниттил мазрал агъамшиву, га лахъхаврихсса гъира бик1аву ва га к1улну бик1ан айкиншиву.

3.Цама инсаннал пикрилух, чил миллатрал тарихрах ва маданиятрах х1урмат буну уругаву х1асул даву.

4.Цала дуллалисса даврил, цала т1уллан жаваб дулун бюхъаву.

5.Анаварну даххана хъанахъисса ва оърму хъхьич1унмай нанисса дуниялий ялапар хъун лахъхъин бюхъаву.

6.Цайминнан хъинбала хъуну чисса, мяърипат, инсаншиву дусса, куннан кув бувч1айсса, цайми инсантурал дак1ниймур бувч1ин бюхъайсса инсантал шаву.

7.Цаярва хъуниминнащал ва ч1унарх1ал оърч1аштал ч1умух, тагъарданух ва к1анттух бурувгун, ихтилат бан, маз лякъин к1улну бик1ан, бяс - ччаллу къабуллай, оърмулул лич1и-лич1исса тагъарданух бурувгун, ххуллурду ляхълан.

8. Чурххан зарал бакъа, дуллалисса давриву цукуннса - дунугу ккаккияртту хъунну зузаву.

### **Метапредметныйсса результатру**

1. Цайнуратца гихуннайсса к1улшиву ласун бюхъаву, дуккаврихсса, за к1ул баврихсса мотивация дик1аву.

2. Лич1и-лич1исса стильлайн дагълагъисса текстру мяньна бувч1инсса куццуй дуккин бюхъаврил вардишру хъун дан. Буллалисса гъалгъалул мурадрах буровгун, дак1них ва чичрулийну текстру сакин дан бюхъаву.

3. Лув ккаккан дурсса давуртту дан лахъхын: лащен баву, анализ, синтез, жуардайх бач1ин ва жям буллан, лавхъхъусса к1антту лич1и бан ва м.ц.

4. Гъалгъат1иманах вич1и дишин к1улну бик1ан, щищал - бунугу гъалгъа бан к1улну бик1ан. Гъарца инсаннал ссал - бунугу ялув цала - цала пикри бик1айшиву к1улну бик1ан. Цала пикри бусан, га бувч1ин бан бюхъан. Щищал- бунугу гъалгъа т1исса ч1умал диалограл ва монолограл журалийсса гъалгъа ишла бан бюхъаву.

5. Бяс бусса к1анттурдаву, циняннал мурадирттах буровгун, т1айласса сант, ххуллу лякъин х1адурну ик1аву.

### **Предмет к1улшиврул результатру**

1. Махъру ва предложенияртту каллиграфиялул чулуха т1айлану ва саргъунну чичаву.

2. Махъру ца ххуттай гамур ххуттай ласайсса куццуй бач1аву.

3. Мукъуртил дянив **аь, оь, э** х1арпирдан к1анттурдай **я, ю, е** чичаву.

4. **х1, гь** х1арпирдач1а **а, и, у** чичаву.

5. Лакку мукъуртиву х1арп ь чичаву: Муъминат, бяъли, Сяъдуллагъ, Люъман.

6. 40- 50 махъ бусса предложенияртту дусса текстрал изложение чичаву.

7.Дуллусса темалун хасъсса предложенияртту сакин даву, гай чичаву.

8.Гъалгъалул бут1ри (существительное, глагол, прилагательное, ц1анинк1анаймур) ва гайннул мяъна, суаллу, дак1нихсса ва чичрулийнусса гъалгъалуву гай лякъин к1улну бик1аву.

9.Предложение гъалгъалул единица х1исаврай. Предложениялул гъану.

## **Глава II. К1илчинмур классраву «Лакку маз» лахъхъаврил методика.**

### **2. 1. Мисалдарансса тематикийсса планирование**

<b>Тематический планирование</b>	<b>Дүклаки оърч1ал дуллалимур</b>
Тикрал баву. Махъ. Предложение. Текст. Ч1урду ва х1арпру. (5 ссят)	
Лакку мазраясса аымсса бусаву. Тикрал баву. Ч1урду ва х1арпру. Аслийсса лакку х1арпру. К1илийнусса х1арпру. Махъ. Предложение. Текст.	Ниттил мазрал инсаннал оърмулуву бугълагъисса к1ану, ганил агъамшиву к1улну бик1ан.Лакку мазравусса ч1урду ва х1арпру дак1нихсса ва чичрулийнусса гъалгъалуву ишла дан к1улну дик1ан.
Махъ, предложение, текст гъалгъалул единицарду х1исаврай. Текстрал ва предложениярттал лич1ишиви.	Махъ, предложение, текст гъалгъалул единицарду х1исаврай к1улну дик1ан. Текстрал ва предложениярттал лич1ишиви.
<b>Гъалгъа. Текст. (3 ссят)</b>  Гъалгъа. Текст. Текст гъалгъалул яла хъунмур единица х1исаврай. Текстрал жуарарду ( к1ул баву). Текст бут1райх дач1аву. Текстрал тема ва гъанумур пикри.  Абзацращал к1ул баву.	Текст гъалгъалул яла хъунмур единица х1исаврай к1улну дик1ан. Текстрал жуарарду лич1и дан бюхъян.Текст бут1райх дач1ин бюхъян. Текстрал тема ва гъанумур пикри к1ул баву.

<p><b>Гъалгъа магъир баву.</b></p> <p>Дуллусса темалийн бувну, дак1них ва чичрулий текстру сакин дуллан бюхъан.</p>	
<p><b>Гъалгъа магъир баву.</b></p>	
<p>Дурккусса ягу вич1и дирхъусса текстрал мурад бусаву.</p>	<p>Дурккусса ягу вич1и дирхъусса текстрал мурад бусан бюхъан.</p>

### Предложение ( 12 ссят)

<p>Предложение гъалгъалул единица х1исаврай.</p>	<p>ца буши б бушиву бик1ан.</p>
<p>Гъалгъа предложениярттайх бач1аву. Предложениялуvu щия ягу ссая гъалгъа т1ий буссарив бусласисса махъру лич1и баву. Суаллал кумаграйну предложениялуусса махъру кунниц1ун кув бавх1уну бушиву ккаккан бан бюхъаву (дак1них).</p>	<p>Гъалгъа предложениярттайх и к1улну бик1ан. Предложения луvu ссая ягу щия гъалгъа т1ий буссарив бусласисса махъру лич1и ллал кумаграйну предложениялуусса махъру кунниц1ун</p>
<p>Предложениялул ахирданий к1унт1 ва ц1уххаврил лишан дишаву.Предложениялул бак1рай хъун х1арп дишаву.</p>	<p>кув бавх1уну бушиву ккаккан бан бюхъан.</p> <p>Ссая- бунугу бусласисса предложениялул ахирданий к1унт1</p>

<p>Предложениялул члентру, цалчинмур даражалул члентру: подлежащее ва сказуемое.</p> <p>Предложениялул грамматикийсса гъану.</p> <p>Контрольный диктант.</p>	<p>бишин к1улну бик1ан. Ци- бунугу ц1ухлахисса предложениялул ахирданий ц1уххаврил лишан дишин к1улну бик1ан. Предложениялул бак1рай хъунмур x1арп дишин к1улну бик1ан.</p> <p>Предложениялуу цалчинмур даражалул члентру лич1и бан к1улну бик1ан. Предложениялул грамматикийсса гъану лич1и бан бюхъян.</p>
--	--

### Ч1урду ва x1арпру (25 ссят)

<p><b>Ч1урду ва x1арпру.</b> Т1ивт1у ч1урду ва лавкъу ч1урду.</p> <p>Т1ирт1у x1арпру ва гайннул ккаккан байсса ч1урду.</p> <p>Мукъурттиву <b>аь, оь, я, ю, е, й</b> x1арпру ишла даву.</p> <p>Мукъурттил бак1рай <b>аь, оь, э</b> x1арпру чичаву, мукъурттил дянив (ларкъу x1арпирдал хъирив) <b>аь, оь, э</b> x1арпирдан к1анай <b>я, ю, е</b> чичаву.</p> <p>Ларкъу x1арпру <b>х1</b> ва <b>гъ,</b> миннуч1а <b>я, ю, е</b> къачирчуну <b>а, и, у</b> x1арпру чичаву.</p>	<p>Лакку мазравусса т1ивт1у ва лавкъу ч1урду к1улну бик1ан, гай цивппалу ва мукъурттиву т1айллану зумух ласун ва чичин к1улну бик1ан.</p> <p>X1арпру <b>аь, оь, э</b> мукъул бак1рай дакъа къадишайшиву к1улну дик1ан.</p> <p>Ч1у <b>аь</b> ккаккан бан мукъул дянив x1арп <b>я</b> ишла дайшиву к1улну бик1ан.</p> <p>Ч1у <b>оь</b> ккаккан бан мукъул дянив x1арп <b>ю</b> ишла дайшиву к1улну дик1ан.</p> <p>Ларкъу x1арпирдал хъирив <b>я, ю,</b> ex1арпру чичаву к1улну бик1ан.</p>
---	--

<p>К1илийнусса х1арпру <b>кк, пп, сс, тт, цц, чч, хъхъ, хх</b> ва миннул ккаккан байсса гуж бу ч1урду.</p>	<p>Ларкъу х1арпру х1 ва гъ- лущал <b>а, и, у</b> х1арпру чичаву к1улну бик1ан, <b>я, ю, е</b> х1арпру къачичайшиву к1улну бик1ан.</p>
<p>Аслийсса лакку х1арпру ва гайннул ккаккан байсса ч1урду.</p>	<p>Мукъул бак1рай <b>я, ю</b> х1арпирдал к1ива ч1у ккаккан байшиву к1улну бик1ан.</p>
<p>Оърус мазрава лакку мазравун бувк1сса цаппара мукъурттил ахирданий ва дянив <b>ь</b> (к1ук1лу лишан) дишаву ( пальто, учитель).</p>	<p>Гужбу ч1урду ккаккан бан к1илийнусса х1арпру ишла дан к1улну дик1ан.</p>
<p>Лакку мукъурттиву т1ивт1у слограл хъирив <b>ь</b> дишаву (бяъли, Муъминат).</p>	<p>Аслийсса лакку х1арпру ва гайннул ккаккан байсса ч1урду к1улну бик1ан, гай мукъурттиву т1айллану зумух ласун ва чичин к1улну бик1ан.</p>
<p><b>Алфавит.</b> Алфавитрал агъамшиву. Махъру алфавитрал низамрай чичаву так цалчинсса х1арп х1исав дурну.</p>	<p>Оърус мазрава лакку мазравун бувк1сса цаппара мукъурттил ахирданий ва дянив <b>ь</b> (к1ук1лу лишан) дишин к1улну дик1ан.</p>
<p><b>Слог. Ударение. Махъру ххуттай ххуттайн ласаву.</b></p>	<p>Лакку мукъурттиву т1ивт1у слограл хъирив <b>ь</b> дишин к1улну дик1ан. Словарьданий аркинсса махъру лякъин бюхъан. Махъру алфавитрал низамрай чичин к1улну бик1ан.</p>
<p>Слог. Ударение. Махъру ххуттай ххуттайн ласаву. Махъру слогирттайх бач1аву. Махъру ххуттай ххуттайн ласаву, слогру х1исав бувну.</p>	<p>Махъру слогирттайх бач1ин к1улну бик1ан. Слогру х1исав бувну, махъру ххуттай ххуттайн ласун к1улну бик1ан.</p>
<p>Мукъурттил диктанту.</p>	
<p>Контрольный диктант.</p>	

Гъалгъалул бут1ри ( 1 ссяят)

Гъалгъалул бут1ри Аймсса характеристика.	Гъалгъалул бут1ри лич1и бан к1улну бик1ан.
---	---

### Существительное (7 ссят)

Существительнирал мяъна, суаллу.  К1улши думи ва дақъами существительнирду. Аймсса ва хасъсса существительнирду. Инсантуран ц1ардал, фамилиярттал, х1айвантран дирзсса ц1ардал, шагъурдал, щархъал, неххардил ц1ардал бак1рай хъунмур х1арп чичаву. Гъансса ва къаршиssa мяънарду дусса существительнирду.  Существительнирду айдадирттайх баҳхана шаву (иширайну к1ул баву).  Контрольный диктант.  <b>Гъалгъа магъир баву.</b> Дуллусса темалийн бувну, сочинение чичаву.	Существительнирал ккаккан дуллалимур, ганил суаллу к1улну бик1ан. К1улши думи ва к1улши дақъами существительнирдач1ан суаллу бишин бюхъан. Аймсса ва хасъсса существительнирду лич1и бан к1улну бик1ан, гай чичин к1улну бик1ан. Инсантуран ц1ардал, фамилиярттал, х1айвантран дирзсса ц1ардал, шагъурдал, щархъал, неххардил ц1ардал бак1рай хъунмур х1арп чичин к1улну бик1ан. Гъансса ва къаршиssa мяънарду дусса существительнирду буцин. Существительнирду айдадирттайх баҳхана буллан.
---	--

### Глагол ( 5 ссят)

Глагол. Глаголданул мяъна, суаллу. Глагол лицордайх ва айдадирттайх баҳхана шаву (иширайну к1ул баву).	Дак1нихсса ва чичрулийнусса гъалгъалуву глаголлу лич1и бан бюхъан ва гайннун суаллу
--	---

Глагол ч1уннайх баххана шаву ( иширайну к1ул баву). Гъансса ва къаршиssa мяънарду дусса глаголлу.	бишин. Глаголлу лич1и-лич1исса лицордай ва аьдадирттай ишла буллан. Дак1ниҳисса ва чичрулийнусса гъалгъалуву глаголданул ч1ун к1ул дан. Гъансса ва къаршиssa мяънарду дусса глаголлу буцин ва гай гъалгъалуву ишла буллан.
---	--

### Прилагательное ( 3 ссят)

Прилагательное. Прилагательниral мяъна, суаллу. Прилагательниral существительниращалсса даҳ1аву. Прилагательниrdу гъалгъалуву ишла баву. Гъансса ва къаршиssa мяъна дусса прилагательниrdу.  Контрольный диктант.	Дак1ниҳисса ва чичрулийнусса гъалгъалуву прилагательниrdу лич1и буллан ва гайннун суаллу бишин. Прилагательниrdу существительниrdац1ун баҳ1ин ва гай гъалгъалуву ишла буллан. Гъансса ва къаршиssa мяънарду дусса прилагательниrdу буцин ва гай гъалгъалуву ишла буллан.
---	--

### Ц1анинк1анаймур ( 2 ссят)

Ц1анинк1анаймур. Ц1анинк1анаймунил мяъна, суаллу.(иширайну к1ул баву)  Ц1анинк1анайми гъалгъалуву ишла баву.	Дак1ниҳисса ва чичрулийнусса гъалгъалуву ц1анинк1анайми лич1и буллан, гай та ишла байссарив к1улну бик1ан, гайннул мяъна ва суаллу к1улну бик1ан.  Ц1анинк1анайми гъалгъалуву ишла буллан.
--	--

### Тикрал баву ( 5 ссят)

<p>2-мур классраву лавхъхъумур тикрал баву. Гъалгъа. Текст. Предложение.</p> <p>Ч1урду ва х1арпру.</p> <p>Гъалгъалул бут1ри: существительное, глагол, прилагательное, ц1анинк1анаймур.</p> <p>Существительное, мяъна, суаллу.</p> <p>К1улши думи ва дақъами. Аъмса ва хасъсса существительнирду.</p> <p>Инсантурал ц1ардал, фамилияртал, х1айвантран дирзсса ц1ардал, шагъурдал, щархъал бак1рай хъун х1арп чичаву.</p> <p>Глагол, мяъна, суаллу.</p> <p>Прилагательное, мяъна, суаллу.</p> <p>Ц1анинк1анаймур, мяъна, суаллу.</p> <p>Контрольный диктант.</p> <p><b>Гъалгъа магъир баву.</b> Изложение чичаву.</p>	<p>2-мур классраву лавхъхъусса гъалгъалул бут1ри ва гайннул лишанну к1улну дик1ан.</p> <p>Гъалгъалул бут1ри: существительное, глагол, прилагательное ва ц1анинк1анайми гъалгъалуву ишла буллан.</p>
---	---

## **2.2. Программалуву дуллусса материал лахъхъаву**

2- мур классрансса лакку мазрал курс сакин хъуну буссар лув ккаккан бувсса бут1рая:

- мазрал системалия (мазрал элмулул гъану): фонетика, графика, грамматика (морфология ва синтаксис);
- орфография ва пунктуация;
- гъалгъа магъир баву.

Курсирал мурадрал дуссар концентрический сакиншинна, цилгу царайра-царай разделлу ва темарду гъарца классраву лахъхъин ккаккан дуллалисса. Укунсса сакиншиннарал кумаграйну бюхъайссар: дуклаки оърч1ан ц1усса материал лахъхъинсса х1адуршиннарал даража к1ул бан; ц1усса материал лахъхъаву ялу- ялун зах1мат дуллай, лахълахъисса грамматикал ул материал гъарца чулуха лахъхъин кумаг байссар ва чичруулул ва гъалгъа баврил вардишру хъун байссар.

Лакку мазрал УМК –лувун бухлахиссар: учебник, методикйсса пособие ва рабочий программа.

УМК –лул мурад хъун дан ккаккан дурсса личностныйсса, метапредметныйсса ва предметрал резултатру(х1асиллу) хъун даву хъанахъиссар.

### **Гъалгъа. Текст.**

Гъалгъа магъир бавриву текстращалсса даву даврил хъуннасса агъамшиву дуссар. Методистъурал хъуннасса агъамшиву текстращалсса даврил душиву ккаккан бувну бур.

Текст методикйсса понятие х1исаврай маҳъесса ч1умал лахълан байбивхъунни.

Методикалуву «текст» калима т1исса мукъул синонимну (инсаннал гъалгъалуя хъумур (ганил ахир) ишла дайссар.

Махъесса ч1умал текстрал лингвистика лахъхъаву хъинну анаварсса бушилий хъхъич1уннай хъунни, мугу мазрал ахттар буллалисса чуллу гъарза шаврищал дарх1уну дур.

«..хъунмасса х1аллай языкоznаниялуу ч1явуми хъиривлаявурту мазрал система лахъхъаврищал дарх1уну дия, 60-ку шинная шиннай хъунмур къулагъас гъалгъа баврих ва гания хъумуних - махъру кунниц1ун кув бавх1усса саргъунсса текстрах дуллан бивк1ун бур.»[1, с.9]

Текст т1исса понятие лингвистикалуу хъхъич1рагу дирк1ссар, амма ганихсса бургаву лич1и-лич1исса мазрал единицарду ишла баврих ва гай ишла байсса формалух куннасса дирк1ссар. Ц1анасса ч1умал текст маз лахъхъаврил объект х1исаврай ххал дигълагъиссар, га лахъхъаврих, лич1и-лич1исса журалул текстирдал аымсса к1антту лич1и баврих, сакин шайсса күц ва ц. ххал бигъаврих къулагъас дайссар.

Лич1и-лич1исса автортурал текстран журо-журасса определенияртту дуллуну дур.

Методист Саяхова Л.Г.чичлай бур «текст - му пикри гъарта, магъир буллалисса, куннищал кув дарх1усса предложениярттур».

Ганил агъанми лишанну темалул цашиву, логикалул ва мазрал чулуха дах1аву, ссая-бунугу бусаву, сакиншиннарал чулуха дах1аву ва ахир дуч1ан даву (къуртал шаву) хъанахъиссар.

Языкоznаниялуу текст учин ккаккан бувну бур лексикалул, грамматикалул, логикалул чулуха куннищал кув дарх1усса, цил кумаграйну ссая-бунугу бусласисса предложениярттайн. Текст мазрал ва мукунма гъалгъалул единица хъанахъиссар, текстраву маз лахъхъаву - му маз лахъхъаврил яла лахъмур даража хъанахъиссар. Текстрал характеристика дуллалисса яла агъанми лишанну хъанахъиссар:

- аймсса темалийн бувну, кунниңүн күв дархылусса цаппара предложениярттай сакин шаву;
- текстравусса предложенияртту сакиншиннарал чулуха кунниңүн күв дахылаву (махъру кунниңүн күв баҳылаву ишла дуллай);
- текстраву яла ағынмур бутында личиңи бан бюхъаву (текст бутында дарчынын).

Текст мәйналул, сакиншиннарал ва мазрал чулухасса қашиву хъанахъиссар. Ганил қашиву авторнал пикрилия, къастрая ва темалия хъар шайссар ва муқъурттил кумаграйну щаллу дайссар.

Ціланасса лингвистикалуу текст гъалгъалул яла хъунмамур единицану ххал дигълагыссар.

Текст аймсса мәйна ва сакиншинна дусса предложениярттайн учайссар. Ганил кіива кунниңүн күв бавхылусса чул буссар: темалул қашиву ва сакиншиннарал чулуха дахылаву.

Текст мұкунна балжисса мазрал материал хысаврайгу ххал дигълагыссар. Текст цукуннса-дунугу дарсирай ишла дайсса дидактикалык материалданингү учайссар, масала, муқъурттил диктанттал текст, лархъхъусса грамматикалук материал ціакъ дуллалисса текст.

Текстрал лишанну хъанахъиссар: га бутында дачын бюхъаву, текстрал темалул қашиву, сакиншиннарал чулуха дахылаву.

### **Текст темалул (мәйналул) чулуха қашиву**

Текстревусса циняв предложенияртту куннищал күв, аймсса темалийн бувну, дархылуну диктан айрынссар. Тема- му текстрал мәйнар. Ххал даннудук ккаккан дурсса текст.

*Бюрххул оърчыл*

*Цал на хъув ниттич1ан лавгссияв. Марицайх най уна, урттуву цирив суку хъусса х1исав хъуна.На къяпа бивщуссия.Къяпа т1айланма ца затрайн багьуна.Ххал барча- бюрххул оърч1.Га бюрххул оърч1 на шаппай лавсъссия.Яла школалий ящикравун бавкъуссия.Гиву ябуллай буссияв.Ганил махъми чканну лахъисса дия.Цуппа лап нигъа бусайсса бия.Цаппара х1аллава га сивсуна.*

*Интту бюрххул оърч1 бизар хъанан бивк1уна. Жу га къурппай итабавкъуссия.*

Ва текстравусса циняв махъру бусласимуницал бавх1усса бур. Текстраву 60 махъ бур, шиву бюрххул оърч1 т1исса махъ 3 тикрал хъуну бур, га т1исса ц1анинк1анаймур 5 тикрал хъанай бур. Гайми махъругу текстрал темалущал бавх1усса бур. Предложенияртту кунниц1ун кув дарх1уну дур, агар гайннул низам зия дарча, текстрал мяъналийнусса цашиву зия хъанай дур. Темалул цашиву заголовокралгу ккаккан дурну дур. Ганил авторнал бусласимур ккаккан бувну бур. Ц1адуркесса лингвист И.Р.Гальпериннул ккаккан дурну дур текстрал ц1а- му текстрал ца яла агъанмур лишан душиву[4, л.525]. Ва лишандалущал текстрал цамур лишанг - текстрал ахир дуч1ан даву дарх1уну дур. Гай кунницил кув дарх1уну душиву текстрал заголовокрайн, ахирданийн ва ганил мурадрайн бувну, ч1алан дик1айссар. Текстрал мурад ганил ц1аницил бавх1уну бик1айссар. Махъра-махъмур предложениялул къуртал хъшиву ккаккан байссар. Цалчинмур предложениялуву ягу хъхич1ми предложениярттаву текстрал тема ккаккан дурну дик1айссар. Га гайми предложениярттащал дарх1уну къадик1айссар, хъиривми предложениярттавусса махъру язи бугъаву цалчинмур предложениялужа хъар шайссар ва гивусса пикри бусаву магъир байссар. Хъиривсса предложениярттаву пикри бусаву, ссая-бунугу бусаву гихунмай къуртал байссар.

Текст - му цаппара цукун-дунугу дарх1усса предложенияртту дакъарча, мяъналул ва сакиншиннарал чулуха цасса, къуртал хъусса пикри бусласисса гъалгъалул бут1ар.

Хъуннасса лагру дусса текстраву тема подтемардайх, гайгу микротемардайх дарч1уну дик1айссар.

Микротема гъалгъалул мяъналул яла ч1ивимур бут1а хъанахъиссар. Текстраву ч1явуну ганин абзац багъайссар. Абзац мяъналул чулуха гихунмай къабач1айссар.

Текстрал мяъналул цашиврущал мукунна бусласимур къуртал баву т1исса понятиегу дарх1уну дуссар. Р.И.Гальпериннул чичлачаврийн бувну, бусласимур къуртал баву т1исса понятие так хъуннасса лагру дусса текстращал, хъунмасса гъалгъалул произведениялул чулухуннай ишла дан бюхъайссар. Агар текстраву авторнан бусан чимур биялну ккаккан бувну бухъурча, гиву бусласимур къуртал бувсса хъанахъиссар. Агар укунсса текст дагъайкун х1адур дурну духъурча, гиву дайдихъу ва ахир дик1айссар. Щаллусса текстрал ца бут1ая, масала, абзацрая гъалгъа т1ий бухъурча, гиву так микротема аьч шайссар ва ганил къуртал хъусса мяъна ккаккан дайссар.

Агар абзац цаппара предложениярттая сакин хъуну бухъурча, ганилгу дайдихъу ва ахир дик1айссар. Дайдихъу - му тематикийсса предложенияр ягу абзацral фразар, ахир т1урча мяъналийну ва сакиншиннарай куннищал кув дарх1усса предложенияртту кунния кув дуцан давур. Ахир дак1нихсса гъалгъалуву къуртал хъусса интонациялийну ва цахъий лахъину бац1аву даврийну ккаккан дайссар.

Текст къуртал хъушиву ккаккан дайссар, агар ганил мурад ккаккан буллалисса ц1а дизан бюхълай бухъурча. Заголовокраву (текстрал ц1аниву) бусласимунил тема ва гъанусса мурад ккаккан бувну бик1айссар.

Мяъналул цашиву ххал дигълагьийни, текстрал лув ккаккан дурсса лишанну лич1и дан бюхъайссар:

- текст - му цумур-дунугу ца балжисса темалийн бувну, бусавур;
- текстраву бусласиманал пикри ккаккан бан бюхъайссар;
- цукуннса-дунугу текст – му къуртал хъусса, ахир дуч1ан дурсса бусавур;
- текстрал тема ва гъанумур пикри ккаккан буллалисса ц1а дизан бюхълай бур;
- т1айлану сакин дурсса текстрал дайдихъу ва ахир дик1айссар.

Саргъуннса гъалгъа бан лахъхыин буллалийни, хъунмур къулагъас ганил темалух ва гъанумур пикрилух дан аркинссар. Дуклаки оърч1ан текстрал тема ва гъанумур пикри лич1и бан, темалуву подтемарду ва микротемарду лич1и дан, план дан, ганин ц1а дизан лахъхыин бан аркинссар. Текстрал дайдихъу чичин, ахир дуч1ан дан лахъхыин сочиненияртту чичин лахъхыин буллалийнигу байссар.

### **Текстраву бут1ри лич1и баву**

Текст цаппара предложениярттая сакин хъуну дик1айссар. Лагруул хъуннасса текстраву лич1и дан бюхъайссар: бак1ру, разделлу, сверхфразовыйсса единстварду, бут1ри, аымсса мяъна дусса бут1ри, абзацру. Чичрулий текстрал бут1ри лич1и бувну бик1айссар. Дак1нихсса гъалгъалуву текстрал бут1ри паузалийну лич1и байссар. Текстрал циняв бут1рал дуссар так га бут1ун хасъсса тема ва гиву контекстрава лич1и бувну маҳъгу «мяъналул хъар дақъашиву ва къуртал хъусса пикри ккаккан баву» яхъуну дуссар[17, л.38].

Яла ч1иримур текст хъанахъиссар сложныйсса синтаксический целое.

Гиву ч1явуну шанма сакиншиннарал ва мяъналул чулуха лич1и хъанахъиссса бут1ри лич1и бан бюхъайссар: дайдихъу, дянивсса бут1а

(даврил гъанумур мурад ккаккан байсса) ва ахир. Текстрал циняв бут1ри куннищал кув бавх1уна бик1айссар, гайннуву темалул ца бут1а, подтема ягу микротема аьч дурну дик1айссар. Ганил бут1ри куннил хъирив кув ккаккан баврил цила низам дуссар. Гайннул к1антту баххана бан къабюхъайссар. Текстрал бут1раву мукунма к1ану ккаккан буллаисса махъругу бик1айссар. Гайннул ва цаймигу текстрал бут1ул лишаннайну ганил к1ану бигъану к1ул бан буюхъайссар.

Хъуннасса агъамшиву текстрал дайдихъулул дуссар.

Текст бут1райх дач1аву бусласимунил ягу чичлачимунил хасиятрай хъар шайссар, масала, кказитрайн макъала ягу доклад чичлачийни. Гай бут1райх чичаврил хасиятрах, лялич1ишившрух бурувгун, дач1айссар. Шикку композициялул ва жанрданул лялич1ишившуртту х1исавравун ласун аркинссар.

### **Текст сакиншиннарал чулуха дах1аву**

Текстрал ца хасшиннану га сакиншиннарал чулуха дах1аву хъанахъиссар.

Текст сакиншиннарал чулуха дах1аву га бут1райх дач1аврищал дарх1уна дуссар.

Текст - му сложныйсса объектри. Га мяъналийну куннищал кув дарх1усса предложениярттая сакин шайссар. Текст сакиншиннарал чулуха дах1аврил гъану предложениярттаву «пикрирду цанил хъирив ца бусаву хъанахъиссар»[10,л.21].Гъарца хъиривсса предложениялул гъану хъхъич1мур предложениялуга ганил ца бут1а лавсун, бизлазиссар. Коммуникативный синтаксисрайн бувну, предложение к1ива бут1уйх дач1айссар: жунма к1улмур бут1а - тема ва ц1умур бут1а- рема.

Темалуву хъхъич1сса предложениялувусса информация тикрал хъанай буссар ва ганил кумаграйну предложениялул бут1ри кунниц1ун кув бах1айссар. Ремалуву ц1усса информация бик1айссар, ганил кумаграйну

бусласимуил мяъна авадан, магъир ва хъхьич1уннай дайссар. Тема ва рема дах1аврих бурувгун, текстру жура-журасса дик1айссар.

1. Яла ч1яруну хъунадакъайсса жура предложенияртту кунниц1ун кув куннил хъирив кув дарх1усса текст хъанай дур. Укунсса журалул текстирдаву цалчинмур предложениялул рема к1илчинмур предложениялул теману дик1айссар, к1илчинмур предложениялул рема- шамилчинмур предложениялул теману ва м.ц.

2. К1илчинмур текстирдал жура цалчинмур предложениялущал хъиривми предложенияртту арх1ал дачин дурну дарх1усса текстру хъанахъискар.

3. Шамилчинмур текстирдал жура предложенияртту аымсса темалий куннищал кув дарх1усса текст хъанахъискар. Укунсса журалул текстирдаву предложенияртту кунниц1ун кув аымсса темалийн бувну дарх1уну дик1айссар. Ч1яруну укунсса текстру т1абиаътрап сурат ккаккан дан ишла дайссар. Гивун духлахисса предложениярттаву тема ва рема лич1и къадайссар.

Сакиншиннарал чулуха текстрал гъану бизаву бусласимур цанил хъирив ца бусаву хъанахъискар. Текстрал дах1аву ккаккан даншиврул предложенияртту бусласимур логикалул чулуха авадан, магъир ва хъхьич1унмай хъунсса низамрай дишайссар. Текстравусса предложенияртту куннищал кув дах1ин мукунма ц1анинк1анайминнул, синонимру, антонимру ва ц. ишла баврил кумаг байссар. Хъуннасса агъамшиву мукъурттил низамралгу дуссар.

Хъуннасса текст ягу произведение параграфирттайх, абзацирттайх бач1айссар. Ганил бут1ри куннил хъирив кув бишаву бусласимуил темалия ва га авадан, магъир ва хъхьич1уннай шаврия хъар шайссар.

Хал данну шанна журалул текстру.

*Чясса интнил чIун дия. На ниттищал най уссияв. Баргъ баҳълаган буваја. Лелуххант лехлай, макъанну дуцлай бия. Барзу зунттуя гъаз хъуну, гъава буллан бивкIуна. Яла му ялавай бивгъуну лавгуна.*

*Ца къунттуй бавцIуна. Барзун бюрх бугъан ччай бия. Ганища бюрх бугъан къавхъуна. Барзун жу ххал хъунав. Га жух буруглай бия.*

Ва текстрявусса предложенияртту кунниц1ун кув ссинжирданий куна дарх1уну дур, цалчинмур предложениялул рема к1илчинмур предложениялул тема хъанай дур.

*ВацIлуу хъхъувай.*

*Баргъ зунттухун баҳълавгуна. Ссав цIан ларгуна. Цуртти бувккуна. Гъарзат шанан диркIуна. Цаппара вацIул жсанаварт ва лелуххант чIурду буллай бия. БарцI ав тIий бия. Ису бугъ тIий бия.*

Ва текстраву предложенияртту кунниц1ун кув так аымсса темалийн бувну, дарх1уну дур.

*Аслан, барцI ва цулчIа.*

*Ца ххуллухъ аслангу, барцIгу, цулчIагу дустал хъуну бур. Ца кыни ми арх1ал авли лавгун бур. Миннал бувтун бур бюрни, ттукку ва бюрх.*

Ва текстрявусса предложенияртту цалчинмур предложениялущал хъиривми дачин дурну дарх1уну дур.

Хъуннасса къулагъас дуклаки оyrч1ан мяъналийну текст бут1райх дач1ин лахъхын даврих дан айкинссар. Агар оyrч1ан текст бут1райх дач1ин лахъхырча, гайннан текстру сакин дуллангу лахъхайссар. Предложение мяъналийну дач1аврил текстраву пикри магъир булланssa бюхъурду хъун баврил яловсса даврил гъану бизайссар. Дуклаки оyrч1ан текстраву бусласимур магъир хъанан айкиншиву ва гъарца предложениялуву ци-бунугу ц1усса зат бувсуну бик1айшиву бувч1ин бан айкинссар.

Байбихъулул классиртавусса оърч1ан предложенияртту т1айлану сакин дуллан, гай т1айласса интонациялущал, гиву гъанумур пикри бусласисса к1ану лич1и буллай, зумух ласун лахъхъин дан айкинссар.

Дуклаки оърч1ан гъарца предложениялуvu ц1усса информация бик1ан айкиншиву, предложение дик1у, текст дик1у сакин хъанай душиву к1улмуниятu к1ул бакъамунийн, ц1умунийн буқ1лай, гиву к1улмургу ябувну бушиву бувч1ин бан айкинссар. Укун текстрраву информация магъир, хъхъич1унмай шаврийн тематикийсса прогрессия учайссар.

Махъсса ч1умал текстрашалсса даврин хъуннасса агъамшиву маз лахълахъисса дарсирдай дуллай бур. 1-мур классрава байбихъуну, текст лахъхъаврин, ганищалсса даврин хас дурсса материал дуллуну дур.

Текстрашалсса давтиву шанна журагул давуртту лич1и дайссар: текст дуккин хъхъич1 дайсса, текстрашалсса ва га дурккуну махъ дайсса.

Байбихъулул классиртаву текст лахъхъаврин хъуннасса агъамшиву дуллан айкинссар.

Текстрашалсса давтиву лич1и-лич1исса бут1ри ккаккан бан бюхълай бур:

- 1)текст дуккаврийн х1адур баву;
- 2)га учительнал дуккаву;
- 3)текст бут1райх дарч1ун дуккаву ва ганил мяъна ххал дигъаву;
- 4)га, ца-цаних т1ий, дуклаки оърч1ал дуккаву;
- 5)жям буллалисса ихтилат баву;
- 6)текстрал мурад бусаву.

### **Текст дуккаврийн х1адур баву**

Дуклаки оърч1ран текстрал ва ганил бут1рал мяъна бувч1иншиврул, гай текст дуккаврийн х1адур байссар. Оърч1ан ккалаккимуних гъира бутансса ихтилат байссар.

Учительнал оърч1ан циняв ц1усса, калимарттаву бувч1ин зах1матсса махъру лич1и бувну, гай бувч1ин бансса күц язи бувгъуну, доскалий чичайссар. Доскалий мукунма зумух ласун зах1матсса махъругу чичайссар.

Оърч1ру текст дуккаврийн х1адур буллалийни байсса ихтилатраву дарсиral мурад ва тема бусайссар, ц1усса махъру бувч1ин байссар, зумух ласун зах1матсса махъру учин лахъхыин байссар. Шиккува ц1усса махъру зумух ласун, буккин, гай гъалгъалуву ишла бан лахъхайссар. Дуклаки оърч1ахъ мукунма текстрал авторная бусайссар.

### **Учительнал мисалдарансса буккаву**

Дуклаки оърч1ан учительнал буккаврил кумаграйну т1айлану, пасих1ну ккалан лахъхыин аркинссар. Учительнал буккаврил оърч1ан текстрал мурад бувч1ин, лаласун кумаг байссар, гайннан бу碌акимуних гъира багъан байссар. Учительнал цалчин текст дуклакийни, оърч1ал ганал буккаврих вич1и дишайссар. Учительнал к1илчин текст ккалаккийни, оърч1ал луттирай авш дугъайссар ва ккалаккимур цавува цала тикрал буллан аркинссар. Текст анавар къаувккуну, дурч1инну, дюхханну дуккин аркинссар.

### **Текст бут1райх дарч1уну дуккаву ва ганил разбор даву**

Щала текст дурккуну махъ, текст бут1райх дарч1уну, дуккайссар. Дуклаки оърч1ру ца-цаннал ца-ца бут1а буккин байссар, гайннан буккавривусса гъалат1ру бакын байссар. Шикку ялагу мукъуртищалсса даву дайссар: зах1матсса махъру т1айлану зумух ласун лахъхыин байссар, гайннул мяньарду аьч дайссар, оърч1ал гъалат1ру итабавкъусса мукъуртищалсса даву дайссар. Гъарца бут1а бувккуну махъ, ганил мурад бувч1аву ххал дайссар, суаллан жавабру дулейссар. Гайннул текстрал мурад бувч1ин, ганил бут1раву ккаккан бувмунил дах1аву, гивусса ишру куннищал кув бах1аву к1ул бан кумаг байссар.

Текст бут1райх дарч1уну дурккун, разбор дурну махъ, текст ккалакки байссар. Агар га хъуннасса духьурча, бут1райх дарч1уну дуккайссар. Га шайссаксса ч1явусса дуклаки оырч1ру дуккин бан аыркинссар. Агар гъалат1ру итабакълай бухьурча, гайннущалсса даву дайссар. Текст дурккуну махъ, ганил мурад бувч1аву ххал дайссар, бувккумуния гъалгъа байссар.

Жям буллалисса ихтилат оырч1ан дурккусса текстрал мурад, ганил гъанумур пикри бувч1аву ххал дан байссар. Ганил дуклаки оырч1ал дак1нихсса гъалгъа магъир бан кумаг байссар. Ихтилат ч1явуну, учебникрай текстрал махъ буллусса суаллайн бувну, байссар.

Текстрал мурад бусаншиврул ц1усса, зах1матсса махъру тикрал байссар, га ялагу цал дуккайссар. Текстрал мурад бусан бигъану бик1аншиврул, план сакин дан буч1иссар.

Текстрал мурад бусан лавхъхъуну махъ, текст гивусса ч1ун, лицо даххана дурну, бусан байссар.

Яларай ккаккан данну цаппара текстращал дарх1усса давуртту:

- 1)щала текст дуккаву;
- 2)текстрал план даву;
- 3)текстрал тема айч дан лахъхъин баву;
- 4)пландалийн бувну, текст дуккаву;
- 5)текстран ц1а дизаву;
- 6)суаллан жавабру дулаву;
- 7)ххуй бивзсса бут1а буккаву;
- 8)текстраву учительнал ккаккан бувсса бут1ри лякъаву;

- 9) текстрал бут1ри куннищал кув бах1аву ккаккан буллалисса махъру лякъаву;
- 10) текст цепочкалий дуккаву;
- 11) ц1усса махъру бусса предложенияртту лякъаву ва гай дуккаву;
- 12) текст бут1райх дач1аву: дайдихъу, гъанумур бут1а, ахир лич1и даву ва гайннун ц1арду дизаву;
- 13) текстрал жура к1ул даву (хавар бусласисса, ссал-дунугу сурат дуллалисса ва цаламур пикри бусласисса);
- 14) текст рольлайх дарч1уну, дуккаву;
- 15) текст цавура цала дуккаву;
- 16) текстрал мурад бусаву ва ц.

Учительнан дуклаки оyrч1ан текст сакин дуллан лахъхин бан аркинссар. Дуклаки оyrч1ан текстрал ва цаппара предложениярттал лич1ишиву, гивусса предложенияртту аымсса темалийн бувну, куннищал кув дарх1уну дик1айшиву бувч1ин бан аркинссар. Гай текст цаппара предложениярттай лич1и дан лахъхин буллалисса давуртту дуллали байссар. Учительнал текстравусса предложениярттал низам зия дан къабуч1ишиву, гиву синонимру, антонимру ишла буллалийни, ганил мурад ххуйну, биялну ккаккан бан шайшишу бувч1ин бан аркинссар.

### **Предложение лахъхъаву**

К1илчинмур классраву «Предложение» т1исса раздел лахъхъаврил даву лархъхъумунил гъанулий дачин дайссар ва хъхъич1ра лархъхъумур материал ц1акъ ва курт1 дайссар. Дуклаки оyrч1ан хавар буссар: предложениялул къуртал хъусса пикри бусайшивруя, бусай, ц1уххай ва оъвчай предложениярттай, предложениялул ахирданий чичрулул лишанну дишаврия ва бак1рай хъунмур x1арп чичаврия.

«Предложение» т1исса тема лахълай байбишайссар мунил аымсса тема к1ул даврия: Предложениялул къуртал хъусса пикри бувч1ин байссар. Предложение – му гъалгъалул ца агъамсса бут1ар.

Мунияр махъ предложениярттал жуардаятусса к1улшиву курт1 дайссар ва миннул чичрулул лишанну дишаву ххуйну тикрал дайссар.

Дуклаки оърч1ал лич1и – лич1исса журалул предложенияртту т1айллану зумух ласаврил бюхъурду магъир баншиврул, гай интонациялийну предложениярттал жуарду лич1и дуллали байссар.

Учительнал хъуннасса къулагъас дуклаки оърч1ал цала пикри т1айллану ва бувч1инну бусаврих дайссар, мунияту предложенияртту цил багъайкун т1айллану сакин дурну дик1ан айкинссар.

Предложение сакин шаврил хаҳ, гъануми махъру, подлежащее ва сказуемое хъанахъиссер. Миннуйн цалчинмур даражалул чентру учайссар. Ми бакъасса предложение къадик1айссар. Предложение ххал дигълагъийни хъхъич1ва– хъхъич1 подлежащее ва сказуемое лякъин айкинссар. Вай махъру кунниц1ун кув бавх1уну буссер: сказуемилия подлежащилухъхъун ва подлежащилия сказуемилухъхъун суаллу булун айкинссар. Суаллу к1ива журавса бик1айссар: а) мяъналул чулухасса ва б) грамматикалул чулухасса.

«Подлежащее ва сказуемое» т1исса тема лахълахъийни хъхъич1 кут1а предложенияртту ласун буч1иссер. Гай предложенияртту мяъналул ва формалул чулуха ххал дигъайссар. Бак1рай цалчинмур даражалул чентрахъхъун: подлежащилухъхъун ва сказуемилухъхъун мяъналул чулухасса суал булайссар. Ми суаллал предложениялуву щияту/ссаяту/ ва ци буслай буссарив ккаккан байссар. Мунияр махъ грамматикалул формалул чулухасса суаллу булайссар: цу? ци? – подлежащилухъхъун ва ци дуллай ур? – сказуемилухъхъун. Предложенияртту к1укун ххал диргъукун, аымсса жямгу дан бюхъант1иссер: подлежащилул предложениялуву щия ягу ссая гъалгъа т1ий буссарив ккаккан байссар ва цу? ци? т1исса суаллахъхъун жаваб дулайссар, сказуемилул подлежащилул дуллалимур ккаккан дайссар ва ци дуллай ур? т1исса суалданун жаваб дулайссар.

Лакку мазраву подлежащилул мукъра падежрал суаллахъхъун жаваб дулайссар: ц1анил, гъаншиврул, дулаврил ва шаврил. Дуклаки оърч1ру цал цу?ци? т1исса суаллахъхъун жаваб дуллайми подлежащирдащал к1ул байссар. Мунияр махъ дуклакими гъаншиврул падежрай қкаккан бувми подлежащирдащал к1ул байссар.

Предложенияртту так џавай цалчинмур даражалул члентрая дакъассагу, вайннущала арх1ал вайннун хъарсса цайми мукъурттиягу сакин хъуну дик1ан бюхъайссар. Ми к1илчинмур даражалул члентру хъанахъиссар. Дуклаки оърч1ру к1илчинмур даражалул члентращал к1ул байссар, амма миннул жуардал ц1арду къабусайссар. Ми лахълахъийни предложениялуvu миннул бувгъусса к1ану қкаккан байссар. Мунияту кут1а предложенияртту лахъи дурну, ми к1ирайрагу цанниха–ца лащен дуллай ххал дигъайссар. К1ай предложенияртту ххал дигълагъийни, дуклаки оърч1ан цалчинмур предложение подлежащилуя ва сказумилуя сакин хъусса душиву бувч1ин байссар. К1илчинмур предложениялуvu, лахъи дурсса предложениялуvu, цалчинмур предложениялуvu бувсумур курт1 байссар ва , лич1и–лич1исса чулухаллурду х1исавравун лавсун, бувч1ин бувну бушиву қкаккан байссар. К1илчинмур даражалул члентрал цалчинмур даражалул члентру бувч1ин бувну бушиву қкаккан байссар.

К1укунсса предложенияртту, цач1у дирхъуну, ххал дуллалисса ч1умал ххибувсса махъру, яъни к1илчинмур даражалул члентру, цалчинмур даражалул члентру бувч1ин байсса махъруну бушиву қкаккан бан айкинссар. Дуклаки оърч1ан предложениялуvu мяъналул чулуха кунниц1ун кув бавх1уми махъру, цумур махъ цумунийн хъарну буссарив лякъин лахъхъин байссар. Предложениялуvu кунниц1ун кув бавх1усса мукъурттиву мукъуя мукъухъхъун суал булун буюхъаву предложение ххал дигълагъисса даврил гъанури. Суаллу булаврийх1ин дуклаки оърч1аша мукъурттил дянивсса даҳ1аву қкаккан дан буюхъант1иссар, предложениялуvu лях қъабивтсса махъру биял бан. Оърч1ан предложениялуvu махъру низамрай ва къайдардай кунниц1ун кув бавх1уну бушиву ва мукун бусса ч1умал бакъа

гивусса мукъурттил мяъна дурч1лай къадик1айшиву бувч1ин бан аркинссар.

Дуклаки оърч1ан кут1а ва лахъи предложенияртту дурч1ин дайссар. Гайннан кут1а предложенияртту лахъи дуллан лахъхин байссар. Мукунма оърч1ан так к1илчинмур даражалул члентрая сакин хъусса предложенияртту къадик1айшиву бувч1ин байссар, гиву чара бакъа цания - ца цалчинмур даражалул член бик1ан аркинссар.

Оърч1ан к1улну бик1ан аркинссар:

- предложениялул къуртал хъусса пикри бувч1ин байшиву;
- гиву махъру куннищал кув мяъналийну бавх1уну бик1айшиву;
- предложениялул жуарарду;
- предложениялул бак1рай хъунмур x1арп чичайшиву;
- дак1нихсса ва чичрулийнусса гъалгъалуву предложениярттал жуарарду к1ул дуллан;
- предложениярттал ахирданий дагъайсса чичруул лишанну дишин;
- предложениялул цалчинмур даражалул члентру;
- подлежащее, ганил ккаккан даймур ва суаллу;
- сказуемое, ганил мяъна ва суаллу;
- подлежащее ва сказуемое предложениялул гъану бушиву;
- предложениялул к1илчинмур даражалул члентру(ц1арду къакуну) ва гайннул предложениялувусса бияла;
- кут1а ва лахъи предложенияртту;
- кут1а предложенияртту лахъи предложениярттайн к1ура даен дуллан;
- лич1и- лич1исса журалул предложенияртту дак1нихсса ва чичрулийнусса гъалгъалуву ишла дуллан.
  - предложениялул разбор дуллалийни, цалчинмур ва к1илчинмур даражалул члентру лич1и буллан: подлежащилул луртту ца аыш, сказуемилул луртту к1ира аыш ва к1илчинмур даражалул члентирттал луртту – щат1ари аыш дурккун.
  - предложение – гъалгъалул ца агъамсса бут1а бушиву.

## **Ч1урду ва х1арпру лахъяву**

К1илчинмур классраву «Ч1урду ва х1арпру» т1исса тема лахълахъийни, лахъын ккаккан дурну дур лув ккаккан дурсса материал:

Т1ивт1у ч1урду ва лавкъу ч1урду. Махъру т1айлану зумух ласун ва чичин бюхъаву.

Т1ирт1у х1арпру ва гайннул ккаккан байсса ч1урду.

Мукъурттиву **аь, оь, я, ю, е, й** х1арпру ишла даву.

Мукъурттил бак1рай **аь, оь, э** х1арпру чичаву, мукъурттил дянив (ларкъу х1арпирдал хъирив) **аь, оь, э** х1арпирдан к1анай **я, ю, е** чичаву.

Ларкъу х1арпру **х1** ва **гь**, миннуч1а **я, ю, е** къачирчуну **а, и, у** х1арпру чичаву.

К1илийнусса х1арпру **кк, пп, сс, тт, цц, чч, хъхъ, хх** ва миннул ккаккан байсса гуж бу ч1урду.

Аслийсса лакку х1арпру ва гайннул ккаккан байсса ч1урду.

**Ь** ва **ъ**, гайннул мяъна.

Оърус мазрава лакку мазравун бувк1сса цаппара мукъурттил ахирданий ва дянив **ь** (к1ук1лу лишан) дишаву (палто, учитель).

Лакку мукъурттиву т1ивт1у слограл хъирив **ъ** дишаву (бяъли, Муъминат).

Алфавит. Алфавитрал агъамшиву. Словарьданий аъркинсса махъру лякъин бюхъаву. Махъру алфавитрал низамрай чичаву так цалчинсса х1арп х1исав дурну.

Слог. Ударение. Махъру ххуттая ххуттайн ласаву. Махъру слогирттайх бач1аву. Махъру ххуттая ххуттайн ласаву, слогру х1исав бувну.

Ва разделданун лакку мазрал программалий 25 ссят ккаккан дурну дур.

## **Гъалгъалул бут1ри лахъхъаву**

К1илчинмур классраву гъалгъалул бут1ри лахълай байбишайссар. Ва тема лахъхъинсса х1адуршинна, цалчинмур классрава байбивхъуну, дуллан ккаккан дурну дур. Га ч1умал дуклаки оърч1ан к1ул хъуссар цу? ци? цукунсса? ци дуллай ур? т1исса суаллахъхъун жаваб дуллайсса махъру ва миннул мяъналуюсса аымсса дурч1ала, яни цалчинмур классраву дуклаки оърч1ан лахъхъин бан айкинссар существительнирду, прилагательнирду, глаголлу кунния кув лич1и буллан, гай дак1нихсса ва чичрулийнусса гъалгъалуву ишла буллан.

К1илчинмур классраву, ц1усса программалийн бувну, лахъхъин ккаккан бувну бур:

Гъалгъалул бут1ри. Аымсса характеристика.

**Существительное.** Существительнирал мяъна, суаллу. Аымсса ва хасъсса существительнирду. Инсантуран ц1ардал, фамилиярттал, х1айвантран дирзсса ц1ардал, шагъурдал, щархъал, неххардил ц1ардал бак1рай хъунмур х1арп чичаву. Гъансса ва къаршилла мяънарду дусса существительнирду.

Существительнирду айдадирттайх баххана шаву (иширайну к1ул баву).

**Глагол.** Глаголданул мяъна, суаллу. Глагол лицордайх ва айдадирттайх баххана шаву (иширайну к1ул баву). Глагол ч1уннайх баххана шаву (иширайну к1ул баву). Гъансса ва къаршилла мяънарду дусса глаголлу.

**Прилагательное.** Прилагательнирал мяъна, суаллу. Прилагательнирал существительниращалсса дах1аву. Прилагательнирду гъалгъалуву ишла баву. Гъансса ва къаршилла мяъна дусса прилагательнирду.

**Ц1анинк1анаймур.** Ц1анинк1анаймунил мяъна, суаллу (иширайну к1ул баву).

К1илчинмур классраву гъалгъалул бут1ри лахъхъаву цалчинмур классраву дуклаки оърч1ан лавхъхъумунийн чул бивщуну дан айкинссар.

## **Существительное лахъхаву**

Жунма күлли существительное ца яла агъанмур гъалгъалул бута бушиву.

Килчинмур классраву лахъхин ккаккан бувну бур:

Существительное. Существительнирал мяньна, суаллу. Аымса ва хасъсса существительнирду. Инсантурал цардал, фамилиярттал, хайвантран дирзса цардал, шагъурдал, щархъал, неххардил цардал бакрай хъунмур харп чичаву. Гъансса ва къаршиssa мяньарду дусса существительнирду.

Существительнирду аьдадирттайх баххана шаву (иширайну күл баву). Килчинмур классраву существительное лахъхаву цалчинмур классраву дуклаки ойрчлан гания лавхъхъумунийн чул бивщуну дан айкинссар. Дуклаки ойрчлан күлссар существительнирдал аымса мяньна, суаллу ва м.ц.

Лакку мазрал грамматикалуу ца агъамssa масъалану цу? ци? тисса суаллу бишин лахъхин баву хъанахъиссар. Дуклаки ойрчлан лахъхин бан айкинссар существительнирдан суаллу буллан, цу? тисса суал так күлши дусса затирттал цардайн бакъа къабулайссар, ци? тисса суал булиссар рух1 дакъасса затирттал цардайн ва рух1 дусса, амма күлши дакъасса затирттал цардайн. Учитель дуклаки ойрчлан укунssa к1антту лахъхаврил ялув ац1ан айкинссар.

Существительнирдал аьдад тисса тема лахълахъийни дуклаки ойрчлан лахъхин бан айкинссар:

1.ца аьдадрайсса ва ч1яру аьдадрайсса существительнирду, мяналух бурувгун, дак1нихсса ва чичрулийнусса гъалгъалуву лич1и бан.

2. ца аьдадрайсса существительнирду ч1яру аьдадрай бишин.

3. ч1яру аьдадрайсса существительнирду ца аьдадрай бишин.

Существительнирал ч1яру аьдадрал дайлит1уртту килчинмур классравура лич1и дурну, ккаккан дарча къулайну бик1ант1иссар ва лавайми классиртаву существительнирал ч1яру аьдадрал категория лахъхавринсса х1адуршинна дайссар. Существительнирдал ч1яру аьдадрал

дайлит1уртту(суффиксру) ч1яруssa дуссар, амма ми даk1них лахъхыин дулланса аркиншиву даkъассар. Дуклаки оyrч1ан существительнирдал ч1яру айдадру цанма хасъесса суффиксиртал кумаграйну сакин шайшиву бувч1ин байссар.

К1илчинмур классраву мукунма существительнирду падежирттайх баххана шаврия аымса k1улшиву, гай падежирттайх баххана баву иширайну лахъхыин бан ккаккан бувну бур.

Ва тема лахъхаву дуклаки оyrч1ал хъхьич1ра лархъхъусса материалданийн чул бившуну дайссар. Дуклаки оyrч1ан k1улссар существительное цирив, мунил цукунсса суаллахъхъун жаваб дулиссарив, существительнирду айдадирттайх баххана шайшиву. Оyrч1ан лахъхыин бан аркинссар существительнирду цайми мукъуртийн хъарну буний баххана хъанахъаву ва ми падежирттайх баххана шаву.

Существительнирал падежрал ккаккан дурну дуссар му мукъул предложенияловусса гайми мукъуртищалсса даx1аву. Мукун бухъувкун, падежру лахъхаву чул бившуну дуссар предложенияловусса мукъуртил цанниц1ун – ца баx1аву оyrч1ан дурч1уну ва k1улну душиврийн.

### **Прилагательное лахъхаву**

Гъалгъалул бут1раясса дурч1ала дуклаки оyrч1ач1а x1асул шайссар махълич1и-лич1исса чулуха ххал бигълай бухъурчан: мянаул чулуха, грамматикалул лишаннал чулуха ва м.ц. Вайва k1анттурду x1исавравун ласун аркинссар прилагательное лахълахъийнигу. Тема лахълан байбишайни предложениялову прилагательнирдал мянаул агъамшиву ва миннул жула гъалгъа авадан ва пасих1 буллалаву ккаккан буллалисса мисаллу буцин аркинссар. Учительнаща дуклакиминнач1а укунсса буюхъурду x1асул бан буюхъант1иссар, агарда оyrч1ал мисаллан буцлацисса прилагательнирду затирттал лишанну лич1и- лич1исса чулуха ккаккан дуллалисса бухъурча. Дуклаки оyrч1ан мукунсса махъру лякъин ва ми т1айлану цала гъалгъалуву ишла буллан лахъхыин баврил ялув учитель мудан авц1уну ик1ан аркинссар.

Прилагательнирду лахълахъийни ми существительнирдац1ун бах1аврил чулухунмайсса бюхъурду ва вардишру оърч1ач1а х1асул хъун айкинссар. Миннан существительнирая прилагательнирахъхун суал т1айлану булун лахъхыин бан айкинссар.

Прилагательнираясса к1улшиву курт1 дан къулайсса давуну хъунт1иссар мяъналул чулуха къаршиssa прилагательнирду цашаласса существительнирдащал арх1ал дуклаки оърч1ру лякъин булларча. Прилагательнирду мисаллан буцлацийни мудан миккун хасъсса суалгу /цукунсса?/ буцайссар.

Лакку мазрал прилагательнирдал - сса дақъассагу, цайми дайлит1урттугу дуссар: - ма, - мур, - ми, укунсса прилагательнирдал цанмасса суаллугу буссар: цукунма? цукунмур? цукунми? Ва журалул прилагательнирду оърч1ан бувч1ин байссар – сса бусса прилагательнирдая аымсса к1улшиву ларсун маҳъ. Укунсса прилагательнирдащал оърч1ру к1ул буллалийни вай группардайх баххана хъанахъишивугу бувч1ин байссар.

### **2.3. К1илчинмур классравусса дуклаки оърч1ал гъалгъа баврил компетенция хъун баву**

#### **2.3.1Дуклаки оърч1ал дақ1нихсса гъалгъа баврил компетенция хъун баву**

Инсан щала оърмулий гъалгъа магъир буллайна, цала маз магъир буллайна ик1айссар.

Инсаннал культуралул даражада, ганал интеллект, айкълу-пикри баврил даражада ккаккан баврил барану ганал гъалгъа хъанахъиссар.

Оърч1аву ч1ивину унува цайминнащал ихтилат буллансса мюхтажшиву загъир шайссар. Гъалгъа т1ун лахъхавтиву агъамсса к1ану бугълагъисса оърмулул ч1ун дарсирайн лагайсса ч1ун хъуннинсса ва дарсирайсса ч1ун хъанахъиссар. Дарсирайн лагайсса ч1ун хъуннин мюрши оърч1ан биялну маз лахълай бур. Ц1убут1уй оърч1ал цала асадруду ва

пикрирду грамматикалийну къабавх1усса, так-туксса мукъуртийну бувч1ин буллан бик1айссар. Ганал гъалгъа ялу-ялун авадан хъанай, магъир хъанан бик1айссар.

Гъалгъа – му инсаннал даврил ца журап. Гиву инсаннал бак1равусса пикрирду мазрайну, мукъуртил, бавх1умукъуртил ва предложениярттал кумаграйну ккаккан байссар.

Гъалгъа буллалийни ци-бунуугу бусайссар, инсантуран куннал куннащалсса х1ала – гъурттушиву щаллу дайссар ва халкъуннайн асар биян байссар. Агар инсаннал гъалгъа магъирсса бухъурча, ганаща инсантурашал зун бигъану бик1айссар. Дуклаки оърч1ал маз, гъалгъа магъирсса бухъурча, ганаща бигъану дуклан хъунт1иссар.

Гъалгъалул кумаг байссар оърч1ан дуниял к1ул дан. Гъалгъа т1ун лахъхъаву – му оърму к1ул баврил къядар. Гъалгъалул аваданшиву хъунмурч1ин оърч1ал пикри авадан ва камил шаврийн, ганал оърмуул опытрайн хъар хъанахъиссар. Гъалгъа магъир хъанахъиссаксса ганан чара бакъа мазрал дакъассагу, иширайнусса материал аъркин шайссар. Мугу гъалгъа магъир баврил шамилчинмур шарт1ри. Цуксса инсаннан маз гъартану ва магъирну к1улну бурив, цуксса га авадансса бурив, муксса ххуйну ганан обществалуву ва т1абиаътраву хъанахъиссса ишру к1ул шайссар.

Дуклаки оърч1ал гъалгъа магъир башиврул цаппара шарт1ру дузал дан аъркинссар:

1) куннал куннащалсса аарду, х1ала-гъурттушиву даврихсса мюхтажшиву, т1алавшинна. Мунийн бувну, учительнан дуклаки оърч1ру гъалгъа т1унсса шарт1ру дузал дуллан аъркинссар, гъалгъа бансса гъира, мюхтажшиву дагъансса шарт1ру, к1анттурду дузал буллан аъркинссар.

2) к1илчинмур шарт1 гъалгъа бансса материал к1улшиву, гъалгъа ссая т1унссарив к1улшиву хъанахъиссар. Цуксса гъалгъа бамур авадансса, щаллусса, аъркинсса дурив, муксса гъалгъагу авадансса бик1айссар.

Гайннал гъалгъа логикалул чулуха бик1у, т1айлашиврул чулуха бик1у х1адур баврия хъар шайссар. Мунияту дуклаки оърч1ру х1адур баву гъалгъа магъир баврил ца шарт1ну хъанахъиссар.

Х1ала-гъурттушиву цинняннан дурч1айсса лишанийнур, яньни мукъурттийнур, гай кунниц1ун кув бах1аврийнур дайсса.

3) шамилчинмур гъалгъа магъир баврил шарт1 мазрал ярагъ к1улшиву хъанахъиссар.

Гъалгъа магъир баврил методикийсса шарт1ну дуклаки оърч1ру лич1и-лич1исса журанул мазрал материалданул ва гъалгъалул эбратрансса мисаллал щаллу баву ва оърч1ал лавхъхъусса мазрал ярагъ ишла бувну, цува гъалгъа буллансса шарт1ру дузал даву хъанахъиссар.

Дуклаки оърч1ан маз инсантуращал гъалгъа т1ий лахъхъайссар. Амма му къагъассар: цайва цуппа лавхъхъусса маз дахъва-къахъвасса, цуппагу т1айла бакъасса бик1айссар. Мазрал тамансса к1анттурду цайва цивпану лахъхъин къашайссагу буссар, мунихлуну маз лахъхъаврил иширай школалул каялувшиву дан айкинссар.

Му, цалчин, литературийсса маз лахъхъавур. Школалий литературийсса маз, ганил магъир литературалул, элмийсса ва гъалгъалул жуарарду х1исавравун лавсун, лахъхъин байссар. Ва хъуннасса лагру дусса материал хъанахъиссар, цурдагу оърч1аша цащара гъалгъа т1ий, луттирду ккалай, щаллу дан къашайссар.

К1илчин, гъалгъалул агъамсса вардишру: буккаву ва чичаву гъарца инсаннан к1улну дик1ан айкинссар. Буккин ва чичин лавхъхъукун, дуклаки оърч1ан чичрулийнусса гъалгъалул лялич1ишиву лахъхъайссар.

Школалий гъалгъа магъир баврил шамилчинмур ххуллу - му оърч1ал вардишру ца балжисса даражалийн диян давур, гъалгъа магъир бавур, мазрал культура ларай давур.

Гъалгъа баврил компетенция хъун баврил давриву шанма ххуллу лич1и буллалиссар, мийгу, мукъурттищалсса даву (лексикалул уровень);

бавх1умукъуртищалсса ва предложениярттащалсса даву (синтаксисрал уровень) ва махъру кунниц1ун кув бавх1усса саргъунсса гъалгъалущалсса даву(текстрал уровень). Ва бакъассагу, «гъалгъа баврил компетенция хъун баву» т1исса понятиялувун ч1урду зумух ласун лахъхын баврин хас дурсса даву- мазрал пасих1шиву, ч1урду т1айлану зумух ласун лахъхын баву духхайссар.

Вайннува хъхьич1сса к1ива ххуллунсса лингвистикалул гъану лексикология, махъру х1асул шаву, фразеология, стилистика, морфология ва синтаксис хъанахъискар. Саргъунсса гъалгъа магъир байссар текстрал теориялийн (лингвистикалийн), логикалийн ва литератуralул теориялийн чул бившуну.

Вай шанмагу ххуллу арх1ал магъир буллай бачайссар, к1ай цивплагу куннищал кув бавх1усса, куннин кув хъар хъанахъисса ххуллурдур. Мукъуртищалсса даврил предложениялунсса материал дулиссар. К1ай к1иннилагу саргъунсса гъалгъа х1адур байссар. Оърч1ал цала ляхъан бувсса хавардал ва сочинениярттал мукъуртил луртан авадан дайссар.

Дуклаки оърч1ал гъалгъа магъир бан лич1и-лич1исса давуртту ишла дайссар. Махъру кунниц1ун кув бавх1усса гъалгъалущалсса давуртту: хавар, мурад бусаву, сочиненияртту чичаву ва м.ц. гъалгъалул давурттал системалувусса яла лахъмур даражалул давуртту хъанахъискар. Шиву цинявплагу бюхъурду, яни мукъуртил, синтаксисрал, материал цач1ун даврил, логикалул ва композициялул чулуха материал т1айлану цач1ун даву ва м.ц. ч1алан бик1айссар.

Федерал паччах1лугърал к1улшиву дулаврил стандартирттай хъуннасса къулагъас дан ккаккан дурну дур дуклаки оърч1ал гъалгъа баврил компетенция хъун баврих. Цуксса дуклакиманан ххуйну гъалгъа т1ун к1улну бурив, муксса мунаща дарсирай учительнал бусласимур ххуйну бувч1айссар ва лаласайссар, цала бусласимургу ххуйну бусан бюхъайссар.

Гъалгъа баврил компетенциялул (компетенция – латиннал competentia т1исса мукъуя хъусса махъ хъанай бур, куннищал кув дах1аву, кунниц1ун кув дакъаву т1исса мяъна дусса) инсантал куннащал кув гъалгъа баврил даража ва гъалгъа бавриясса мюнпат ккаккан буллай бур.

Гъалгъа баврил компетенция т1исса понятиялувун духлахиссар инсантуран куннал куннащал буллалисса гъалгъалуйнсса т1алавшиннарду: т1айласса гъалгъа, гъалгъа т1унсса куц к1улшиву, гъалгъат1иманнах урувгун гъалгъа баву ва м.ц.

Гъалгъа баврил компетенциялувун духлахиссар гъалгъа баврийнсса т1алавшиннарду, гъалгъа баврил компетентность т1урча гъалгъат1иманаша гай т1алавшиннарду дуруччин бюхъаврил даражалийн лайкъесса ик1аву.

Гъалгъа баврил компетенциялувун духлахиссар:

- мазрал мукъуртил луртан к1улшиву;
  - дак1нихсса гъалгъалул магъиршиву(т1айлану, дурусну гъалгъа баву);
  - чичрулийнусса гъалгъалул магъиршиву;
  - гъалгъалул этика ва этикет дуруччин бюхъаву.
- Жунма к1улсса куццуй, гъалгъалул буссар к1ива жура: дак1нихсса гъалгъа ва чичрулийнусса гъалгъа. Методикалул элмуулул ккаккан буллай бур хъхъич1 дуклаки оърч1ан дак1нихсса гъалгъа баврил компетенция хъун бан айкиншиву. Так дак1нихсса гъалгъа бан лавхъхъуну махъри лахъхъин байсса оърч1ан цала пикри чичрулийну ккаккан бан.

Гъалгъа баврил компетенция хъун баврил давурттал чулухуннайсса агъамсса т1алавшиннану гайннул ца балжисса система хъанахъиссар. Ца балжисса система душиву щаллу дуллалиссар мукъра шарт1ирал:

- 1) жура-журасса давуртту куннил хъирив кув дачин даву;
- 2) гайннул хайр бушиву;
- 3) жура-журасса давуртту даву;
- 4) к1ай ца мурадрайн т1айла дан бюхъаву.

Гъарца ц1усса даву хъхьич1ра дурмунищал дарх1уну духъурчагу, гиву ч1ивисса бухъурчагу ц1усса пикри, хъхьич1унмай хъун буллалисса ци-бунугу ца зат бик1ан айкинссар.

Ц1анасса ч1умал гъалгъа баврил компетенция хъун даву ниттил маз лахъхыин баврил яла агъанмур масъалану хъанахъискар. Гъалгъа баврил компетенция хъун баврин хас дурсса давуртту гъарца дарсирай дик1ан айкинссар.

Гъалгъа баврил компетенция хъун даву - му хъинну зах1матсса, хъуннасса магъиршиву ва х1арачат т1алав буллалисса давур. Хъуннасса агъамшиву дускар ва даврил байбихъулул школалий, цанчирча гиву дуклаки оърч1ал к1улшиву ласаврил ва тарбия баврил гъану бизайну т1ий.

Мукъуртищалсса даву яла агъанмур ва хъуннасса къулагъас дан айкинмур давуну хъанахъискар. Махъру лахъхыин баврищал арх1ал гай гъалгъалуву ишла буллангу лахъхыин бан айкинссар: гайннущал давх1умахъру, предложенияртту сакин дуллан лахъхыин бан, гай гъалгъалул единицарду х1исаврай саргъунсса гъалгъалуву ишла бан бюхъаншиврул. Гъалгъа магъир баврил даву к1ива бут1уйх дарч1уну дускар: 1)дак1нихсса гъалгъа баврил компетенция хъун даву ва 2)чичрулийсса гъалгъа баврил компетенция хъун даву. Вай к1ивагу журалул цинна хасъсса лялич1ишивуртту дускар. Гай духъурчагу дак1нихсса ва чичрулийсса гъалгъа магъир баврин хас дурсса даву арх1ал дачин дан айкинссар. Ккалаккийни чичрулул маз жува дак1нихсса гъалгъалийн к1ура баен буллай буру ва чичлачийни дак1нихсса гъалгъа чичрулийн к1ура баен буллай буру.

Дак1нихсса ва чичрулийнусса гъалгъа магъир буллалийни, лич1и-лич1ину дайссагу давуртту дускар. Амма гъалгъалул к1ивагу журар арх1ал ххал буллалисса ч1умал, гай магъир баврил вардишру ц1акъсса дик1айссар, гъалгъагу магъир шайссар.

**Диалограл формалийсса (куннал куннащалсса) гъалгъа баврил компетенция хъун даву**

Жунма күлсса күцүй, дак1нихсса гъалгъа к1ива журалул бик1айссар: куннал куннащалсса гъалгъа (диалог) ва ца инсаннал буллалисса гъалгъа (монолог). Вайннуву яла ч1явуну хъунабакъайссар жура куннал куннащалсса гъалгъа хъанахъиссер, буллалисса гъалгъалуву ца инсаннал буллалисса гъалгъа чанну хъунабакъайссар. Гъалгъа т1ун лахъхын буллалийни, куннал куннащалсса гъалгъа агъанмур ва хъхьич1 нанимур гъалгъалул журану хъанахъиссер. Вай к1ивагу гъалгъалул жуардаву лич1ишивурттугу дуссар.

Куннал куннащал буллалисса гъалгъа хъанахъиссер ч1умух, к1анттух бурувгун буллалисса гъалгъа. Т.Г. Винокурдул ккаккан бувну бур «диалог ва монолог инсантурал лахълахъисса мазрай гъалгъа бан ишле байсса жуарду бунугу, гъалгъа баврил функция диалограву ххуйну ч1алан бик1айшиву. Гиву бусласимур муданма куннащал кув гъалгъа т1ут1аву кунма, куннах кув вич1и дишаву ва гъалгъа т1ут1аву кунма ккаккан бувну бик1айшиву»[3, М., 1955]

2-мур классраву гъалгъа магъир баврил, гъалгъа баврил компетенция хъун баврил ялувсса даву куннал куннащал буллалисса гъалгъа бан лахъхын баврия т1айла хъуну (диалограя) дайдишин айркинссар. Диалограл формалий буллалисса гъалгъа ч1явуну хъунабакъайссар. Ва формалий буллалисса гъалгъалул сакиншинна бигъасса дик1айссар, гиву ч1явусса мудан ишле байсса, дак1ний битан бигъасса махъру, кут1а предложенияртту дик1айссар. Диалограл формалий буллалисса гъалгъа к1анттух, ч1умух, тагъарданух бурувгун буллалисса гъалгъа хъанай бур. Шикку дуклаки оърч1ан бусанмур дак1ний битан айркиншиву дакъар. Гъалгъа буллалисса к1анттух, тагъарданух бурувгун, оърч1ан гъалгъа бан бигъану бик1айссар, цанчирча гайннан ссая гъалгъа т1ун, цукун гъалгъа бан айркинссарив к1улну т1ий.

Дуклаки оърч1ан суаллу буллан ва гайннун жавабру дуллан бигъану бик1айссар. Гайннан най бунува хъунисса хаварду, кунниц1ун кув дарх1усса предложенияртту сакин дуллан зах1матссар.

Диалограл формалий буллалисса гъалгъалул цинна хасъсса лялич1ишивуртту дуссар. Миннуву яла агъанми хъанай дур: гивусса предложениялул сакиншинна бигъасса душиву, к1ия инсаннал гъалгъа бушиву, ч1явусса маз ч1юлу бай махъру, калимартту, междометияртту ишла даву, ч1умух, к1анттух, тагъарданух бурувгун, ч1у лагъ-лахъ баву, каруннил, бак1рал кумаграйну бувч1ин баву.

Диалограл формалий буллалисса гъалгъа так суаллу булун ва гайннун жавабру дулун к1улшиву къахъанахъискарча, дуклаки оърч1ан мукунма гъалгъалуву ишла байсса, мазраву х1адурнувасса махъру, калимартту, яхши-хашрал махъру (хъунабавкъусса ч1умал, ссашал-бунугу барча буллалисса ч1умал ва м.ц. ишла байсса махъру) ишла буллан лахъхыин аъркинссар. Диалограл журалийсса гъалгъа бан лахъхыин буллалийни, оърч1ан гъалгъа байбишин лахъхыин бан аъркинссар, масала, ивзрав-урав куну, суаллу буллан ва гайннун кут1ану ва диялну жавабру дуллан, буллалисса гъалгъа бачин бан, къуртал бан ва ц. Диалограл формалий дуллалисса циняр давуртту цил багъайкун лакку мазрай гъалгъа бан лахъхыин буллалисса дик1ан аъркинссар. Оърч1ан гивусса предложенияртту, суаллу зумух ласун, интонация дуруччин лахъхыин дан аъркинссар. Дуклаки оърч1ан ва формалий гъалгъа бан лахъхыин буллалийни, яла зах1матмурну, предложенияртту кунниц1ун кув дарх1уну, т1айлану гъалгъа бан лахъхыин баву хъанай дур. Куннащал кув гъалгъа т1ут1ийни, гиву лич1и-лич1исса аарду ккаккан дуллалисса к1ира ягу ххишаласса калимартту (предложенияртту) дусса репликартту х1асул хъанай дур.

Диалограл формалий буллалисса гъалгъалуйнсса т1алавшиннарду ца классрава гамуниувун бияннин хъуни хъанахъискар. Агар байбихъулий гайннан так суаллан жавабру дулун лахъхыин барчагу, гихунмай дуклаки оърч1ан ихтилат бан, гъалгъат1иманахъ ци-бунугу ц1уххин, ихтилат къуртал бан лахъхыин буллан аъркинссар. Оърч1ан куннал куннащал ягу цайми инсантуращал ихтилат бан лахъхыин бан аъркинссар.

Методикийсса литературулуу ккаккан бувну бур диалограл формалий ихтилат бан лахъхын бавриву лув ккаккан бувсса бут1ри:

- 1) диалограх вич1и дишаву ва га дурч1аву;
- 2)диалограл мисал дак1ний битаву, га зумух ласаву;
- 3)лавхъхъусса диалогирттал образецрайн чул бившуну, ихтилат баву;

Вай бут1райн бувну, диалограл формалий ихтилат бан лахъхын буллалийни:

- 1)дуклаки оърч1ан кут1асса диалограл образецзу учительнал хъирив зумух ласун лахъхъайссар;
- 2)лагма-ялттумунил х1акъираву учительнал буллусса суаллан жавабру дулун лахъхъайссар;
- 3)учительнал ккаккан бувсса образецрайн бувну, дуклаки оърч1ру куннахъхъун кув суаллу буллай, гайннун жавабру дуллан бик1айссар;
- 4)вич1и дирхъусса ягу доскалий чирчусса диалограха лархъхъусса диалог оърч1ал сакин дайссар;
- 5)диалогравусса предложенияртту лахъи-кут1а, даххана дуллали байссар;
- 6)диалогру дусса запись духъурча, ганих вич1и дишин байссар.

Конструктивныйсса давурттава цаппара жуарарду ккаккан банду: образецрайн бувну, тагъарданух бурувгун сакин дурсса лич1и-лич1исса темардайн дагълагъисса диалогру ва ихтилатру, масала, «Щаращуч1асса хъунабакъаву», «Дукия», «Лаххия», «Багъ» ва ц.; ци-дунугу даххана дурну, диалог сакин даву; учительнал дайдирхъусса диалог къуртал даву; лич1и-лич1исса темардая куннал куннащал ихтилат баву; ххал хъусса суратрая щищал-бунугу гъалгъа баву; дурккусса ягу вич1и дирхъусса текстрайн бувну, диалог сакин даву.

Диалограл формалийсса гъалгъа бан лахъхын буллалийни, ганил гъануну диалограл образецру дик1ан бюхъайссар. Байбихъулул классиртаву укунсса диалограл образецруну дуклаки оърч1ал цач1у ишла дан аъркинсса суал ва жаваб хъанахъиссар. Оърч1ахъхъун x1адурнувасса диалограл образецругу дулун буч1иссар. Дуклаки оърч1ру гай диалогирттал образецру дак1них лахъхын бан буч1иссар, яла гай даххана дуллай, ихтилат бан лахъхын байссар. X1адур къабувну, оърч1аша най дунура диалогру сакин дан къашайссар, мунияту дуклаки оърч1ахъхъун диалограл образец ва мукунма гиву ишла бансса махъру, яхши-хашрал махъру, междометияртту, гъалгъа бюч1ан бай махъру булун аъркинссар. Хъуннасса къулагъас мукунна диалогирттал интонациялух дан аъркинссар.

Байбихъулул классиртавусса оърч1аша диалогрансса тема лич1и дан къашайссар. Темарду ккаккан дурну дур программалий, гай учительнал дулун аъркинссар. Лич1и-лич1исса классиртаву цара-ца тема хъунадакъингу бюхъайссар, гай ялу-ялун курт1ну лахъхын ккаккан дурну дуссар.

Диалограл формалий ихтилат бан лахъхын буллалийни, яла ч1яруну хъунадакъайссса даврил жура суаллан жавабру дуллалисса давуртту хъанахъиссар. Гайннүяту байбишин аъркинссар шагъруулул школарттай, ниттил маз к1илчинмур мазну лахълахъисса школарттай, куннал куннашал ихтилат бан лахъхын бавугу.

Методикалий ккаккан бувну бур диалограл формалий ихтилат бан лахъхын буллалисса давуртту лич1и-лич1исса жуардайх дарч1ун душиву: гъалгъа т1ун хъхьич1сса (лархъхъусса материал гъалгъалуву ишла дан лахъхын буллалисса) ва гъалгъа магъир буллалисса (дуклаки оърч1ру гъалгъа баврийн x1адур буллалисса). Укунсса давурттайн ситуативно-направленныйссса куну учайссар. Дуклаки оърч1ру лакку мазрай гъалгъа т1унсса шарт1ру дарсирайдай дузал дуллан аъркинссар. За укунсса шарт1ну дарсирай лич1и-лич1исса т1урк1урду, щала классрал арх1ал дуллалисса давурттугү хъанахъиссар. Дарсирайдай мукунна дайссар лич1и-лич1исса

давуртту: суаллан жавабру дулаву, предложенияртту сакин даву, даххана ва лахъи-кут<sup>1</sup>а даву ва м.ц.

Диалограл формалийсса гъалгъа магъир баврил къядарду методикалуу  
лич<sup>1</sup>и дан ккаккан дурну дур тагъарданул журалух ва га ккаккан дайсса  
кущух бурувгун:

- 1.Гъалгъалул тагъар мукъурттийну ккаккан даву.Масала, к<sup>1</sup>ия дуклаки оърч<sup>1</sup>  
доскалуч<sup>1</sup>ан буккан бувну, учительнал гайннахъхъун укунсса даву дуллай ур:  
«Зу к<sup>1</sup>ич<sup>1</sup>ираву хъунабавкъунну. Цукунсса ихтилат бант<sup>1</sup>иссия зу?)
- 2.Ч<sup>1</sup>алач<sup>1</sup>и пособиялул кумаграйну тагъар ккаккан даву. Суратрай ккаккан  
бувну бур к<sup>1</sup>ия куннащал кув бяс буллалисса оърч<sup>1</sup>ру. «Гай оърч<sup>1</sup>ан к<sup>1</sup>анай  
зу цукунсса ихтилат бант<sup>1</sup>иссия?- т<sup>1</sup>ий ур учитель.
- 3.Дурккүсса текстрал сюжетрайн бувну, тагъар ккаккан даву. Текстравусса  
к<sup>1</sup>ия геройнал ихтилат дуклаки оърч<sup>1</sup>ал даву.
- 4.Дарсирай хъусса иш гъануну лавсун, ккаккан даву. Масала, оърч<sup>1</sup>  
дарсирайн ч<sup>1</sup>ал хъунни, учительнал ва ганал дянивсса ихтилат даву.  
Бувккүсса луттирая ихтилат даву ва м.ц.

### **Саргъунсса гъалгъа магъир даву**

Мукъурттищалсса даврил хъуннав, предложенияртту сакин даврил  
хъуннав мурад дуклаки оърч<sup>1</sup>ру махъру кунниц<sup>1</sup>ун кув бавх<sup>1</sup>усса гъалгъа  
баврийн х<sup>1</sup>адур даву хъанахъиссар.

Махъру кунниц<sup>1</sup>ун кув бавх<sup>1</sup>усса гъалгъану хъанахъиссар логикалул ва  
грамматикалул законнайн бувну сакин бувсса, цасса, цила тема дусса,  
къуртал хъусса пикри бувч<sup>1</sup>ин буллалисса ва кунниц<sup>1</sup>ун кув бавх<sup>1</sup>усса  
ч<sup>1</sup>иви-хъунсса бут<sup>1</sup>райх бач<sup>1</sup>ин буюхъайсса гъалгъа.

Байбихъулул классирттал методикалуу махъру кунниц<sup>1</sup>ун кув  
бавх<sup>1</sup>усса гъалгъалул укунсса жуарарду ккаккан бувну бур:

буллусса суаллан гъартасса жавабру дулаву;  
текстрашал дуллалисса лич1и-лич1исса давуртту: бувккумунил  
анализац1ун, грамматикалүл материал лахъхъавриц1ун дарх1үсса;  
лич1и-лич1исса жуардай бувккумунил мурад бусаву;  
дуллусса темалийн ягу ахирданийн бувну бусласисса хаварду;  
дак1них лавхъхъусса магъир литератураны текстру бусаву;  
магъри бусаву;  
хаварду, назмурду ляхъан баву;  
эбратрансса текстрал изложение чичаву;  
учительнал дуллусса текстру дак1них бик1у, чичрулий бик1у даххана даву;  
жура-журагасса сочиненияртту чичаву;  
бувккумуния, ххал хъумуния бусаву ягу чичаву ва м.ц.

Шикку к1иц1 лагарду аймну лавсун байбихъулул классирттал дуклаки оърч1ал махъру кунниц1ун кув бавх1үсса гъалгъа магъир баврил чулухуннай дайсса давуртту. Гай лич1и-лич1исса жуардал дик1ан айкинссар. Цаппара давуртту биттур дайссар дарсирай, учитель ялув авц1уну, цаппара-шарда. Дуссар давуртту дуклаки оърч1ал цайнура цала дайссагу, буллусса образецрайн бувну, дайссагу.

К1ай цинярдагу давурттал жуардуду дулейссар дуклаки оърч1ахъхъун иширайну, теория дакъанна дан.

Дуклаки оърч1ал цайнура цаласса даврих бурувгун, саргъунсса гъалгъа магъир буллалисса давурттаву укунсса жуардуду лич1и бандоюхъанссар:

- 1)образецрайн бувну, дан ккаккан дурсса давуртту;
- 2)конструктивныйсса давуртту;

3)творческий давуртту.

Вай жуардарду яла хъунмур к1ану творческий давурттал бугъайссар. Образецрайн бувну дайсса давурттуну хъанахъискар изложенияртту, мурад бусаву, дак1них лавхъхъумур буккаву.

Конструктивныйсса давурттуну хъанахъискар учительнал дуллусса текст даххана дуллалисса давуртту.

Махъру кунниц1ун кув бавх1усса гъалгъа магъир баву - му гайннаву цаппара балжисса бюхъурду хъун бавур. К1иц1 лаганну махъру кунниц1ун кув бавх1усса гъалгъалушал бавх1усса цаппара бюхъурду:

Цалчин, тема дурч1ин, лаласун бюхъаву; язи дургъусса темалун айкинсса материал дат1ин к1улшиву, гивусса материал куннил хъирив кув дишин бюхъаву, ккаккан дурсса темалия чичин бюхъаву, чичлачимунийсса цала пикри бусан бюхъаву.

К1илчин, му - материал дат1ин бюхъавур, яни темалун айкинмур лич1и дан бюхъаву. Темалун айкинсса материал лич1и дайссар сочинение чичлачийни дакъассагу, изложение чичлачийнигу. Изложение чичлачийнигу т1айлану материал язи дугъан к1улну дик1ан айкинссар: агъанмур лич1и бан, лич1и дурсса материал т1айлану чичин бюхъан, предложенияртту т1айлану куннил хъирив кув чирчуну, текстрал мурад ккаккан бан бюхъан.

Шамилчин, материал куннил хъирив кув т1айлану дишин бюхъаву, пландалийн бувну, хавар бусан ягу изложение ва сочинение чичин бюхъаву.

Мукыилчин, ишла бан айкинсса махъру, бавх1умахъру, предложенияртту, текстрал бут1ри х1адур бан бюхъаву, зах1матсса махъру чичайсса куц ххал баву ва м.ц.

Ххойлчин, щала текст сакин дан бюхъаву. Махъва-махъгу, чивчумур бакъин, бюч1ан бан бюхъаву, гъалат1ру бакъин баву. Ва т1алавшинна так

чичрулийсса гъалгъалийн дагълай дур, дак1нихсса ихтилатраву гъалат1ру, т1айла бакъамур вич1и дирхуминнал, учительнал ягу дуклаки оърч1ал бакъин байссар.

Вай бюхъурду гъарца махъру кунниц1ун кув бавх1усса гъалгъа бан лахъхыин буллалисса давурттаву ишла бан аркинссар. Амма вай циняв бюхъурду арх1ал дузал бан къашайссар. Мунихлуну гъарца оърч1ан махъру кунниц1ун кув бавх1усса гъалгъа бан лахъхыин буллалисса дарсирай ганил мурад ккаккан бувну бик1ан аркинссар.

Дуклаки оърч1ру сочинение чичин, хавар бусан х1адур буллалийни, учительнан га даврил мурад, ганил оърч1ан лахъхыин буллалимур ва цайми давурттаву ганил бугълагъисса к1ану балжину к1улну бик1ан аркинссар.

Оърч1ал к1улшиву ва бюхъурду чан-чанну т1ий, ч1иrimunia хъунмунийн, бигъамуния зах1матмунийн най, миннул дянивсса дах1аву ккаккан дуллай, магъир шайссар.

Учительнал дуклаки оърч1ал гъалгъа магъир баврил план сакин дан аркинссар, га шинайсса дик1ан бюхъайссар. Пландалий га оърмуул оърч1аша дан бюхъайсса жура-журасса давуртту ккаккан дан аркинссар: сочиненияртту, изложенияртту, хаварду ва цаймигу лич1и-лич1исса давуртту. Вай давурттал дуклаки оърч1ал гъалгъа авадан ва магъир бан, мукъуртил луртан гъарта дан кумаг байссар, грамматикалул формарду ишла дуллан лахъхыин байссар.

Дак1нихми давуртту ч1яруну дуллан аркинссар. Дуклаки оърч1ал махъру кунниц1ун кув бавх1усса гъалгъа магъир бавриву хъуннасса агъамшиву дидактикалул принцип, лавхъхумунил гъанулий ц1усса материал лахъхаву, бигъамуния зах1матмунийн буч1аву дуруччаврил дуссар. Мукунна ва даву мудан, гъарца дарсирай т1иссакссагу дуллан аркинссар.

Махъру кунниц1ун кув бавх1усса гъалгъа магъир баврил план даврил, дан ккаккан дурсса давурттал, гайннул мурадирттал, лахъхыин бан аркинмунил кумаграйну саргъунсса гъалгъа магъир баврил система х1асул хъанай дур.

Махъру кунниц1ун кув бавх1усса гъалгъа магъир баврил даву дайдишин аркинссар дуклаки оърч1ан учительнал ккаккан дурсса темалия, затрая, суратрайн бувну, предложенияртту сакин дуллай, къуртал хъусса пикри бусан лахъхыин баврия. Хъиривмур ярглий оърч1ан мюрщисса хаварду сакин буллан, суратрайн бувну, хаварду сакин буллан, бувккумунил кут1асса мурад бусан, щия-бунугу, ссая-бунугу бусан ва м.ц. лахъхыин бан аркинссар. Махъва-махъгу, дуклаки оърч1ан ссал-бунугу ялув цала пикри бусан, бяс бан, бувч1ин бан, ссал-бунугу кымат бишун лахъхыин бан аркинссар. Ялу-ялун дуклаки оърч1ал бусласимунил лагругу хъунна хъанан дик1айссар.

Монолограл формалийсса саргъунсса гъалгъа бан лахъхыин буллаисса давурттал жуарардуну хъанай дур:

учительнал бувсъесса текстрал щаллуну мурад бусаву;

хавар сакин баву;

дурккусса ягу вич1и дирхъусса текстрал мурад суратрал ягу опорный (кумаг бай) мукъуртил кумаграйну бусаву;

дурккусса ягу вич1и дирхъусса текстрал мурад бусаву;

дурккусса ягу вич1и дирхъусса текстрал мурад, ци-дунугу даххана дурну, бусаву;

суратрайн бувну, хавар сакин баву;

учительнал дуллусса темалийн бувну, хавар сакин баву ва м.ц.

Дуклаки оърч1ан, чан-чанну т1ий, ссая-бунугу буслан лахъхын бан айкинссар. Масала, оърч1ру, суаллан жавабру дуллай, хавар сакин буллан бик1айссар. Яла гай жавабирттая хавар сакин байссар.

Дурккусса ягу вич1и дирхъусса текстрал мурад бусаву яла ч1яруну монолограл формалийсса гъалгъа магъир бавриву хъунадакъайсса даврил журану хъанахъиссар. Мурад бусаву лич1и-лич1исса жуардал дик1айссар: текстрач1ан гъансса ва цала мукъурттийну мурад бусаву. Гъалгъа магъир баврин хъунмасса мюнпат цала мукъурттий мурад бусаврил буссар. Га цараца куццуй къадуллан, дуклаки оърч1ахъхъун лич1и-лич1исса давуртту дуллан буч1иссар:

зула ц1анияту текстрал мурад бусияра;

душнил ягу оърч1ал ц1анияту мурад бусияра;

ч1ун даххана дурну (ц1анасса, ларгсса ягу дуч1ант1исса), мурад бусияра ва м.ц.

Хавар сакин буллалийни, ссая-бунугу бусайссар. Оърч1ал гъавалул тагъардануя, классраву хъусса иширая, дурсса давриясса ва м.ц. хавар сакин байссар. Дуклаки оърч1ан хавардануву агъанмур к1ану ккаккан бан, га бувч1ин бан к1улну бик1ан айкинссар.

Хаварду сакин бан лахъхын буллалийни, цаппара т1алавшиннарду дуруччин айкинссар:

учительнан ц1усса материалданул ва тикрал хъанахъимунил ялув пикри бан айкинссар;

агар хавар, дурккусса текстрайн бувну, сакин буллай бухъурча, текст ккалаккийни оърч1ал гиву агъанмур лич1и бувну, жям бан айкинссар ва бувккумунийсса цала пикри бусан айкинссар;

хавар сакин бан хъхьич1 учительнал дуклаки оърч1ащал ихтилат байссар ва гиву ишла бансса махъру ккаккан байссар;

учительнал ихтилат бувну махъ, оърч1ал цанная цаннал гъарца зат жям бувну, хавар сакин байссар;

дуклаки оърч1ан хаварду сакин буллан, ссая-бунугу буслан лахъхиншиврул, учительнал гъарца хавар сакин бан бюхъайсс, сант дагъесса ч1умал оърч1ру гай сакин буллали байссар.

Хъиривсса монолограл формалийсса гъалгъалул журассая-бунугу бусаву, ссал-дунугу сурат даву (описание) хъанахъиссар.

Бусаву ягу бувсун сурат даву ссая ягу щия-бунугу бусаву, ссая-бунугу биялну, щаллуну бусаву хъанахъиссар. Укунсса бусавуртту классравусса къайлуюя, жанавартрая, х1айвантрая, лелуххантрая; инсаннал ларххусса янналуюя, ганал сиппатрая; т1абиастьрая, гъавалул тагъардануя; суратрая вами.ц. дан бюхъайссар.

Ссая ягу щия-бунугу бусланнин, дуклаки оърч1ал хъхьич1 к1ива масъала бавц1уну бик1ай - буслант1исса зат ххал шаву ва га мукурттийну ккаккан дан бюхъаву.

Ссая-бунугу буслан хъхьич1, дуклаки оърч1ру ганин х1адур бан айкинссар: бусаву дан кумаг буллалисса суаллу х1адур бан, гиву ишла бансса махъру, бавх1умахъру тикрал бан, агар айкинну бухъурча, ц1усса махъру лахъхин. Ссая ягу щия-бунугу бусаву дуллалийни, цал аймну гания бусайссар, яла бусласимуния щаллуну, биялну бусан айкинссар.

Ххуйну буслан лахъхиншиврул, ва даву цал щала классрал арх1ал дайссар, яла оърч1ру цайнува цивппа дуллан бик1айссар.

Учительнал яла ч1яруну бусаву дан суратру ишла дайссар. Дуклаки оърч1ан, суратрайн бувну, хавар сакин бан 1-мур классрава байбивхъуну,

лахъхын буллан аркинссар. Суратрайн бувну, хавар сакин буллалийни, орчахъхун схема дуулунгу бучиссар, гиву укунssa суаллу булун бучиссар:

- 1) суратрал цла дизаву бувчин бан ягу ганин цла дизан;
- 2) суратрал композициялух къулагъас дан;
- 3) хавар сакин баврил план дан, гиву агъанмур личи банд; предложенияртту куннил хъирив кув дишаврил ялув пикри банд;
- 4) пландалийн бувну, хавар сакин банд.

2-мур классраву ниттил маз лахълахъийни, хавар бусаврил хъунмасса клану бугълагъиссар. Хавар-му сюжет дусса, сая ягу щия-бунугу бусласисса монолограл формалийсса гъалгъалул жуар. Дуклаки орч1ру дуллусса темалийн бувну, суратрайн бувну, бувккумания, ххал хъумуния бусласи бувну, ккаккан дурсса дайдихъулийн ягу ахирданийн бувну ва м.ц. хаварду сакин буллали байссар. Масала, гъинтихасса текст дурккуну махъ, орчахъхун дулайссар задание- гъинттул цивппа бигъалагаврия бусан. Гиву текстраву хъунабавкъусса махъру ишла байссар. Ва даву дуллалийни, дуклаки орч1ал мукъурттил луртан авадан хъанай дур, махъру ишла баву гъарта хъанай дур.

Хаварду сакин буллан личи-личисса, дуклаки орч1ал ормуулущал дарх1усса темарду дулаван бучиссар. Вай циняв давуртту орч1ан цала пикри лакку мазрай бусан лахъхин буллалисса, гайннал монолограл формалийсса гъалгъа магъир баву мурадрайсса дик1ан аркинссар.

Гъалгъа магъир банд ишла дайсса давурттаву яла агъанми жуардуну хъанахъиссар:

- 1) буккаву ва гъалгъа магъир баву;
- 2) гъалгъа магъир баврин хас дурсса давуртту ва грамматика лахъхаву;

3)дак1нихсса ва чичрулийсса гъалгъа магъир баврин хас дурсса дарсру.

Буккаврил хъуннасса агъамшиву оърч1ал гъалгъа магъир баврин дуссар. Ккалаккийни ц1усса махъру зумух ласун лахъхайссар, гайннул мянарду к1ул шайссар, гай ишла бан лахъхайссар, мукъурттил луртан авадан шайссар.

Буккаву гъалгъа магъир баврил ца щарашину хъанахъиссар. Луттирду буккаврил оърч1ал айкълу-пикри камил байссар, ц1у-ц1усса затру к1ул шайссар. Ганил кумаграйну оърч1ал мукъурттил луртан авадан шайссар, мазрал грамматика лахъхайссар. Ч1явусса луттирду бувлакийни, маз магъир шайссар, ци-бунугу бусаврил бюхъурду магъир байссар. Ч1явуну ккалаккисса дуклаки оърч1ан ххуйну буккингу, чичингу лахъхайссар.

Чирчусса текст - « му ккаккан бувсса, чивчусса гъалгъар», буккаву т1урча «чивчумур гъалгъалийн к1урабаян баву», «текст гъалгъалийн к1урабаян баву».

Буккаву дарх1уну дуссар лич1и-лич1исса гъалгъалул жуардашал: вич1и дирхъуну, маз лаласавришал, маз бувч1авришал, гъалгъа бавришал ва чичрулущал. Ккалаккимур бувч1аву ца агъамсса буккаврийссса т1алавшиннану хъанахъиссар. Цалчинмур дарсирая т1айла хъуну, ккалаккисса гъарца махъ дуклаки оърч1ан бувч1лай бик1ан айкинссар. Ккалаккисса ч1умал оърч1ан гъарца махъ, предложение, текстрал бут1рал мяна ва щала текст ххуйну дурч1лай дик1ан айкинссар. Буккаврил мурад - щала текст ххуйну дурч1авур.

Т1айлану буккаву ца яла агъамсса, чара бакъа дуруччин айкинссса т1алавшиннану хъанахъиссар. Дуклаки оърч1ан буккин лахъхин буллалийни, хъуннасса къулагъас аслийсса лакку ч1урду зумух ласаврих, мукъурттиву ударение т1айлану даврих дан айкинссар. Текст ккалаккийни оърч1ру саргъунну, айкинсса к1анай паузардугу дуллай, т1айлану ккалан айкинссар.

Ца агъамсса буккаврийнсса т1алавшиннану орфоэпиялул нормарду дуруччаву хъанахъиссар.

Лакку мазрал орфоэпиялул нормарду чувч1ав ккаккан дурну дақъар. Шяраваллил школалул курсиравугу ми ккаккан дурну дақъар, амма гъарца миллатрал мазраву ми къараллу дик1ан айкинссар. Эльдарова Р.Х1. «Лакку маз. Фонетика ва фонология. Орфоэпия. Орфография.»т1 исса университетрал филологиялул факультетрал студентътурансса учебникраву, маслих1ат х1исаврай, лакку мазраву дик1ан къулайну ч1алач1 исса нормарду ккаккан дурну дур.[18, л.83].

2-мур классраву дуклаки оърч1ая орфоэпиялул къараллу дуруччаву т1алав дуллан айкинссар:

1.яла ч1яруну хъунадакъайсса зумух ласавриву ва чичрулуву лич1ишиву дусса к1ану:

а) [ей]: канай[каней] ва ц.;

б) ай [эй] : ай [эй], байкын [бэйкын] ва ц.;

в) ий [и:] : зий [зи:] ;

г) ий [иь:]:дякъий [дахъиь:];

2.цач1у т1ирт1у х1арп ва в бусса мукъуву: а) ав [ов]: ласав[ласов] ва ц.

Дуклаки оърч1ан литературийсса маз лахъхыин башиврул, лугъатирттайн бувну х1асул хъусса гъалат1ру бухлаган баврил ялувсса даву дачин дан айкинссар.

Байбихъулул классирттаву пасих1ну буккаврил гъану бизан айкинссар. Учительнал буккаву пасих1 исса, айкинсса орфоэпиялул къараллу дурурччусса дик1ан айкинссар. Гъарца дуккин ккаккан дурмур ганал пасих1ну, дюхханну, оърч1ан ганих гъира бутанну дуккин айкинссар.

Пасих1ну, бюхханну буккаврил ккалаккимунил мяъна бувч1ин, лаласун кумаг байссар. Пасих1ну буккавриву айкинссар:

- 1) паузарду дуруччин; 2) логический ударение дурну, буккин;
- 3) ккалаккимунил мяъналух бурувгун, ч1у лагъ-лахъ бан; 4) бак1рал, каруннил ишанну ишла дуллан.

Дуклаки оърч1ан чичруулул лишанну дусса к1анай бац1ан, ц1уххай, оъвчай, бусай предложениярту т1айлану зумух ласун лахъхин бан айкинссар. Учительнал буккаву оърч1ан эбратрансса дик1ан айкинссар. Дуклаки оърч1ан ч1урду зумух ласун лахъхин байссар учительнал хъирив, ганах бурувгун, зумух ласлай. Гъарца дуккин ккаккан дурсса текстревусса дуклаки оърч1ан къак1улсса мукъуртил мяънарду дурч1ин дан айкинссар, гай махъру, т1айлану ч1урду зумух ласлай, буккин лахъхин айкинссар. Буклакимур оърч1ан бувч1лай бик1ан айкинссар. Га дурккуну махъ, дуклаки оърч1ру ганил мурад ягу гиву ссая гъалгъа т1ий буссарив оърус мазрай бусан бан буч1иссар.

Буклакимур оърч1ан бувч1уну бурив ххал бан, учительнал суаллу буляйссар. Гайннун жавабру дуллалийни, дуклаки оърч1ал ч1урду зумух ласаву ва гъалгъа магъир шайссар. Текстреву суаллан жавабру лякъин бангу буч1иссар, жавабру ляркъуну, гай дуккайссар. Ккалаккисса текст оърч1ан дурч1иншиврул, зах1матсса махъру, предложениярту дурч1ин дан айкинссар. Дуклаки оърч1ру куннащал кув диалогру, мюрщисса хаварду сакин буллали байссар.

### **Буккаврищал дарх1усса гъалгъа баврил компетенция хъун баврин хас дурсса давуртту**

Гъарца дарсирай гъалгъа баврил компетенция хъун бансса давуртту дик1ан айкинссар. Гъарца ниттил мазрал дарс - му маз лахъхин буллалисса, гъалгъа магъир буллалисса дарсну дик1ан айкинссар. Буккаврихъ оърч1ал гъалгъа баврил компетенция хъун бавриву хъунисса каширду дуссар.

Ккалаккийни дуклаки оърч1ал мукъурттил луртан авадан шайссар: гайннан ц1усса махъру лахъхайссар, гай гъалгъалуву ишла бан лахъхайссар.

Буккаврищал дарх1усса гъалгъа баврил компетенция хъун баврин хас дурсса давуртту лич1и-лич1исса дуссар: суаллан жавабру дулаву, суаллу булаву, план даву, бувккумунил мурад бусаву, мукъурттищалсса давуртту, дак1них лахъхаву, бувккумунил изложение чичаву.

Суаллан жавабру дак1них ва чичрулийну дулун бюхъайссар. Суаллу учительнал буляйссар. Гай оърч1ан бувч1инсса бик1ан айкинссар, текстрал мурадращал бавх1уну, гай куннил хъирив кув буллан айкинссар. Гай щаллуну жаваб дулун кунмасса бик1ан айкинссар.

Учительнал оърч1ан цала буллусса суаллан диялсса жавабру дулун, гайннун айкинсса махъру лич1и бан лахъхынин бан айкинссар. Гай суаллан жавабру дуллай, оърч1ан предложенияртту сакин дуллан лахъхайссар. 2-мур классраву суаллаву бусса махъругу ишла бувну, суаллан жавабру простойсса предложениялийну дуляйссар. Суаллан жавабру дуллалийни, дуклаки оърч1ан т1айлану предложенияртту сакин дан лахъхынин баврих къулагъас дан айкинссар. Шикку оърч1ан лич1и-лич1исса гъалгъалул бут1райн багъайсса махъру кунниц1ун кув бах1ин лахъхынин байссар.

Суаллан жавабру х1адур даврийну оърч1ан ккалаккимунил мурад курт1ну бувч1айссар, гъарца мукъул мяньна ачь дан кумаг байссар.

Суаллу булун жавабру дулуннияр зах1матссар. Дуклаки оърч1ан бувккумунийн бувну суаллу булун лахъхынин бан айкинссар. Гай булун буч1иссар дуклаки оърч1ал, яла учительнал къат1айламур бакынин байссар. Суаллу, ялу-ялун зах1мат буллай, булун лахъхынин байссар. Шикку учительнал суаллу булаврил интонациялухгу къулагъас дан айкинссар.

Бувккумунийн план дуклаки оърч1ал ва учительнал арх1ал дайссар. Чан-чанну т1ий, оърч1ан цайнура цала план сакин дан лахъхынин байссар. Байбихъулул школалий ч1яруну план суаллайну сакин дайссар, лавайми

классирттаву - бусай предложениярттайну. План дак1них сакин дайссар, яла га, дакъингу дурну, чичайссар.

Бувккумунил мурад бусаврил дуклаки оърч1ал гъалгъа магъир бавриву хъуннасса агъамшиву дуссар. Мурад бусан, чан-чани т1ий, 2-3 предложениялия сакин хъусса текстрая байбивхъуну, лахъхин буллан айкинссар. Бувккумунил мурад бусласийни, гайннал луттирай хъунабавкъусса махъру ишла байссар. Дуклаки оърч1ал мурад бусаву текстрач1ан хъинну гъансса дик1айссар. Бувккумунил мурад бусаву ч1яруну ишла дуллан айкинссар. Мурад бусласийни оърч1ал махъру зумух ласаву магъир шайссар, мукъуртил луртан авадан шайссар, гай предложениярттаву ишла бан лахъхайссар. Гъарца дурккусса текстрал мурад бусан бан айкинссар. Мурад бусаврил бувккумур ххуйну, биялну бувч1ин кумаг байссар, ц1усса махъру дак1ний битан кумаг шайссар ва гай гъалгъалуву ишла буллан лахъхин байссар. Мурад цал суаллал, яла пландалул кумаграй, махъва-махъгу дуклаки оърч1ал цайнува цала бусайссар. Ц1усса махъру ва гай ишла буллан лахъхиншиврул, гъалгъа магъир хъуншиврул, цара-ца текстрал мурад к1ия-шама оърч1ал бусан байссар.

Дуклаки оърч1ан мурад бусан лавхъхъуну махъ, мурад бусаву лицо даххана дурну, дайссар, масала, 1-мур лицорал ц1анияту бусласисса текст 3-мур лицорал ц1анияту бусан байссар.

Мукъуртищалсса давурттал хъуннасса агъамшиву гъалгъа магъир бавриву дуссар. Гъарца текстраву хъунабавкъусса ц1усса мукъул мяньнагу, гъалгъалуву ишла бангү лахъхин айкинссар. Гъарца ц1уну лавхъхъусса махъ дуклаки оърч1ал ишла бай мукъуртил луртандалувун буххан айкинссар. Ккалаккийни лавхъхъусса, к1ул хъусса махъ оърч1ан дак1ний лич1аншиврул, лич1и-лич1исса давуртту дуллан айкинссар:

- 1) ц1усса махъру словарьдай чичаву;

- 2) га ци темалийн багъайсса буссарив бусаву ва га темалийн багъайсса цаймигу махъру дак1нин бичаву;
- 3) лавхъхъусса махъ цайми мукъуртиц1ун бах1аву;
- 4) мукъуртищал жура-журасса предложенияртту сакин даву.

Ц1усса махъру лавхъхъуну махъ, гай дак1нихсса ва чичрулийнусса гъалгъалуву ишла буллан лахъхъин айкинссар. Учительнал дуллалисса циняв давуртту, ккалаккийни лавхъхъусса махъру гъалгъалуву ишла буллай, дуклаки ойрч1ру вардиш буллалисса дик1ан айкинссар. Укунсса давуртту дарсирайгу дайссар, мукунна шардайгу дулун буч1иссар.

Гъалгъа баврил компетенция хъун баву мурадрай дуллалисса давурттаву ч1унил интонация магъир шаврих, ч1у лагъ-лахъ баврил чулухуннай, махъру т1айлану зумух ласаврих къулагъас дуллан айкинссар. Дуклаки ойрч1ан предложениялул ахирданий ч1у лагъ бан ва аглан хъун айкиншиву бувч1ин бан айкинссар. Мура даву ойрч1ру бувккумунил мурад бусласийни ва суаллан жавабру дуллалийни дуллали бан айкинссар.

К1илчинмур классраву, ц1усса к1улшиву дулаврил программалийн бувну, дак1нихсса гъалгъа баврил компетенция хъун башиврул дуклаки ойрч1ан лахъхъин дан ккаккан дурну дур лув ккаккан дурсса давуртту:

- 1) дуллусса темалийн бувну, текст сакин даву;
- 2) предложениярттай, гай мяниалийну куннищал кув дарх1уну дирхъуну, текст сакин даву;
- 3) вич1и дирхъусса текстрал мурад бусаву;
- 4) дурккусса текстрал кут1а бувсса мурад бусаву;
- 5) дурккусса текстрал щаллусса мурад бусаву;
- 6) лич1и-лич1исса темардайн бувну, диалогру сакин даву;
- 7) учалартту дак1них лахъхъаву;

### **2.3.2.Дуклаки ойрч1ал чичрулийнусса гъалгъа баврил компетенция хъун баву**

Чичрулийнусса гъалгъа баврил компетенция хүун бан лахъхин бан зах1матссар дак1нихмурнияр.

Дуклаки оырч1ал чичрулийнусса гъалгъа баврил компетенция хүун бан дуллалисса давуртту лич1и-лич1исса дуссар: урувгун чичаву, мукъуртил диктанtru, диктанtru, суаллан жавабру дулаву, предложенияртту ва хаварду сакин баву, изложенияртту, сочиненияртту ва м.ц. Байbihxулул классиртал методикалуу маxъру кунници1ун кув бавх1усса чичрулийнусса гъалгъалул укунсса жуарарду ккаккан бувну бур:

буллусса суаллан гъартасса жавабру дулаву;

текстрашал дуллалисса лич1и-лич1исса давуртту: бувккумунил анализац1ун, грамматикалул материал лахъхавриц1ун дарх1усса; лич1и-лич1исса жуардай бувккумунил мурад чичаву; дуллусса темалийн ягу ахирданийн бувну, хаварду сакин баву; хаварду, назмурду ляхъан бувну, чичаву; эбратрансса текstral изложение чичаву; учительнал дуллусса текстру чичрулий даххана даву; жура-журасса сочиненияртту чичаву; бувккумуния, ххал хъумуния чичаву ва м.ц.

Дуклаки оырч1ал цайнура цаласса даврих бурувгун, саргъунсса гъалгъа магъир буллалисса давурттаву укунсса жуарарду лич1и бан бюхъанссар:

1)образецрайн бувну, дан ккаккан дурсса давуртту;

2)конструктивныйсса давуртту;

3)творческий давуртту.

Вай жуардаву яла хъунмур к1ану творческий давурттал бугъайссар. Образецрайн бувну дайсса давурттуну хъанахъиссар изложенияртту, журар-журасса текстру сакин даву.

Конструктивныйсса давурттуну хъанахъиссар учительнал дуллусса текст даххана дуллалисса давуртту.

Махъру кунниң1ун кув бавх1усса гъалгъа магъир баву - му гайннаву цаппара балжисса бюхъурду хүн бавур. К1иң1 лаганну махъру кунниң1ун кув бавх1усса гъалгъалущал бавх1усса цаппара бюхъурду:

Цалчин, тема дурч1ин, лаласун бюхъаву; язи дургъусса темалун аркинсса материал дат1ин к1улшиву, гивусса материал куннил хъирив кув дишин бюхъаву, ккаккан дурсса темалия чичин бюхъаву, чичлачимунийнсса цала пикри бусан бюхъаву.

К1илчин, му - материал дат1ин бюхъавур, яьни темалун аркинмур лич1и дан бюхъаву. Темалун аркинсса материал лич1и дайссар сочинение чичлачийни дакъассагу, изложение чичлачийнигу. Изложение чичлачийнигу т1айлану материал язи дугъан к1улну дик1ан аркинссар: агъанмур лич1и бан, лич1и дурсса материал т1айлану чичин бюхъан, предложенияртту т1айлану куннил хъирив кув чирчууну, текстрал мурад ккаккан бан бюхъан.

Шамилчин, материал куннил хъирив кув т1айлану дишин бюхъаву, пландалийн бувну, хавар бусан ягу изложение ва сочинение чичин бюхъаву.

Мукъилчин, ишла бан аркинсса махъру, бавх1умахъру, предложенияртту, текстрал бут1ри х1адур бан бюхъаву, зах1матсса махъру чичайсса куц ххал баву ва м.ц.

Ххюйлчин, щала текст сакин дан бюхъаву. Махъва-махъгу, чивчумур бакъин, буюч1ан бан бюхъаву, гъалат1ру бакъин баву. Ва т1алавшинна так чичрулийсса гъалгъалийн дагълай дур, дак1нихсса ихтилатраву гъалат1ру, т1айла бакъамур вич1и дирхъуминнал, учительнал ягу дуклаки оърч1ал бакъин байссар.

Вай бюхъурду гъарца махъру кунниң1ун кув бавх1усса гъалгъа бан лахъхын буллалисса давурттаву ишла бан аркинссар. Амма вай циняв бюхъурду арх1ал дузал бан къашайссар. Мунихлуну гъарца оърч1ан махъру кунниң1ун кув бавх1усса гъалгъа бан лахъхын буллалисса дарсирай ганил мурад ккаккан бувну бик1ан аркинссар.

Дуклаки оърч1ру сочинение чичин, хавар сакин бан х1адур буллалийни, учительнан га даврил мурад, ганил оърч1ан лахъхын

буллалимур ва цайми давурттаву ганил бугълагъисса к1ану балжину к1улну бик1ан айкинссар.

Оърч1ал к1улшиву ва буюхъурду чан-чанну т1ий, ч1иirimуния хъунмунийн, бигъамуния зах1матмунийн най, миннул дянивсса даҳ1аву ккаккан дуллай, магъир шайссар. Вай давурттал дуклаки оърч1ал гъалгъа авадан ва магъир бан, мукъурттил луртан гъарта дан кумаг байссар, грамматикалут материал ишла дуллан лахъхыин байссар.

Хъиривсса монолограл формалийсса гъалгъалул журга ссая-бунугу бусаву, ссал-дунугу сурат даву (описание) хъанахъиссар.

Бусаву ягу бувсун сурат даву ссая ягу щия-бунугу бусаву, ссая-бунугу биялну, щаллуну бусаву хъанахъиссар. Укунсса бусавуртту классравусса къайлужа, жанавартрая, x1айвантрая, лелуххантрая; инсаннал ларххусса яннашуя, ганал сиппатрая; т1абиастьрая, гъавалул тагъардануя; суратрая ва м.ц. дан буюхъайссар.

Ссая ягу щия-бунугу бусланнин, дуклаки оърч1ал хъхич1 к1ива масъала бавц1уну бик1ай - буслант1исса зат ххал шаву ва га мукъурттийну ккаккан дан буюхъаву.

Ссая-бунугу буслан хъхич1, дуклаки оърч1ру ганин x1адур бан айкинссар: бусаву дан кумаг буллалисса суаллу x1адур бан, гиву ишла бансса махъру, бавх1умахъру тикрал бан, агар айкинну бухъурча, ц1усса махъру лахъхыин. Ссая ягу щия-бунугу бусаву дуллалийни, цал аймну гания бусайссар, яла бусласимуния щаллуну, биялну бусан айкинссар.

Ххуйну буслан лахъхиншишврол, ва даву цал щала классрал арх1ал дайссар, яла оърч1ру цайнува цивппа дуллан бик1айссар.

К1илчинмур классраву дан буч1иссар лув ккаккан дурсса дуклаки оърч1ал махъру кунниц1ун кув бавх1усса гъалгъа магъир буллалисса чичрулийнусса давуртту:

урувгун чичаву;

суаллан жавабру дулаву (суратрайн бувну, дурккусса текстрайн бувну, ххал хъумунийн, ккавккумунийн бувну ва м.ц.);

хаварду ягу текстру сакин даву (суратрайн бувну, ххал хъумунийн, ккавкмунийн бувну, дуллусса темалийн бувну ва м.ц.).

жура-журасса изложенияртту чичаву (щаллусса, кут1асса, сочинениялул элементру дусса);

сочиненияртту: суратрайн бувну, ссая-бунугу бусласисса; дуллусса темалийн бувну, дурккусса текстрал, хаварданул чулухунмайсса цала пикри бусласисса.

### **Предложенияртту сакин даву**

Дуклаки оърч1ан предложенияртту сакин дуллан лахъхин дайссар. Хъхьич1 ппурттуву сакин дурсса предложенияртту бигъасса, кут1асса дик1айссар. Гай ялу-ялун зах1мат хъанан дик1айссар. Предложенияртту сакин дан лахъхин даву- му зах1матсса давур. Предложенияртту дак1них сакин дайссар, гай оърч1ашал ххал дайссар, яла доскалий ва тетрадирттай чичайссар.

Предложенияртту сакин дан бюхъаврил хъунмасса к1ану бугъайссар дуклаки оърч1ал дак1нихсса ва чичрулийнусса махъру кунниц1ун кув бавх1усса гъалгъа бан лахъхин бавриву ва га магъир бавриву. Так т1айлану предложенияртту сакин дан лахъхирчар, оърч1аша махъру кунниц1ун кув бавх1усса гъалгъа бан бюхъян т1исса.

### **Урувгун чичаву**

Урувгун доскалия ягу луттирая текст чичин.

Учительнал чичлачимур ххуйну ва гъалат1 бакъа чичин айкиншиву бувч1ин бан айкинссар. Текст чичланнин ганил разбор дан айкинссар: дуккин, гивусса мукъурттил разбор дан, дуклаки оърч1ру зах1матсса мукъурттих къулагъас дан бан.

### **Суаллан жавабру дулаву**

Чичрулий суаллан жавабру дуллан хъхьич1, га даву дак1них дурну

дик1ан айркинссар. Учительнал ойрч1ал жавабирттаву гъалат1ру бухьурча, гай бакын, бувч1ин бувну, чичрулийн х1адур бан айркинссар. Агар суваллан жавабру дуллалисса даву дак1них цил багъайкун дурну духьурча, му ч1умалли дуклаки ойрч1ал дак1нихсса бик1у, чичрулийнусса бик1у гъалгъа магъир шайсса ва грамотность ларай дайсса.

Дуклаки ойрч1ал чичрулийнусса гъалгъа магъир бавриву хъунмасса к1ану изложениялул ва сочинениялул бугъайссар. Изложение ва сочинение дик1айссар лахъхин байсса, учительнал кумаграйну дайсса, чичайсса куц ккаккан буллалисса, к1улшиврул ва бюхъурдал даража ххал буллалисса.

2-мур классраву лич1и-лич1исса изложениярту дайссар: текстрач1ан гъансса, кут1асса, язи дургъусса, текстрал ялун ци-бунугу ххибувсса.

Изложение - му чичрулийнусса бусавур. Му зах1матсса давур, ойрч1ру изложение чичлай вардиш бан айркинссар.

Программалул т1алав дуллай дур 2-мур классравусса ойрч1ашал 40-50 махъ бусса изложение дан. Изложение –му хъинну зах1матсса даврил журар хъанахъиссар, мунияту изложение учитель ялув авц1уну дуллан айркинссар. Текст бигъасса, ойрч1ал ойрмулуха лархъхъусса, х1азсса, дак1ний лич1ансса дик1ан айркинссар. Учительнал х1арачатрахъ хъунмасса бияла буссар дуклаки ойрч1ал изложение ххуйну чичавриву. Ойрч1ан ххуйну дурч1уну дик1ан айркинссар дант1исса даву, га биттур дансса куц ва ххуллурду, гай х1адур бувну бик1ан айркинссар чичрулул даву биттур дан.

Изложениялул план циняннал цач1у сакин дурну дик1ан айркинссар.

Изложение диктантрая сочинениялийн бук1лак1исса чурттуну хъанахъиссар. 2-мур классраву дуклаки ойрч1ан изложение чичин лахъхин баву дайдишин айркинссар бувкүсса ч1ивиссса, бигъасса хавар дак1них бувсуну, яла га чичлачи байссар. Га чичин лахъхиншиврул предложениярту сакин дуллан, текстравусса махъру къабивхъуну

къабивтсса к1анттурду буц1ин буллан лахъхайссар. Ц1убут1уй дуркүсса текстрава дак1них ца-ца предложенияртту чичин маслих1ат байссар.

Яла бигъамур изложениялул журал - му диялсса, текстрач1ан гъанну чичайсса изложенияр. Диялну изложение дуллалийни, ганиву авторнал циняв гъануми пикрирду бусан айкинссар, гиву ккаккан буллалисса куццуй, цаниил хъирив ца хъусса ишру, ч1ун ва м.ц. чичин айкинссар. Ва журалул изложениялул дуклаки ойрч1ал памятьрал даражада лавай байссар, гъалгъя магъир байссар, мукъурттил луртан авадан шайссар.

Кут1а дур изложениялул мурад текstral мурад кут1ану бусаву хъанахъиссар. Ойрч1ан текстраву гъанумур, агъанмур лич1и бан лахъхын бан айкинссар. Гайннан авторнал гъарца мукъул мяньна, ганал пикри бувч1ин бан айкинссар. Учительнал дуклаки ойрч1ашал щала текstral разбор дайссар, гай махъру баххана бан бюхъайссадаражалийн буцайссар, кув предложенияртту кут1а дуллай, мукъурттил низам даххана дуллай ва м.ц. Ва журалул изложение дан лахъхыншиврул ойрч1ан текstral кут1асса мурад бусан лахъхын байссар. Ганил дуклаки ойрч1ру кут1а дур изложение чичаврийн х1адур байссар.

Текstral ялун ци-бунугу ххибувсса изложенияртту шамилчинмур ва мукъилчинмур классиртаву дайссар. Ва журалул изложение лич1и-лич1ину дан бюхъайссар, масала, дуллусса дайдихъулийн бувну, текст къуртал дан, ягу текстраву бусласимуил чулухунмайссада пикри бусан ва м.ц.

Учительнан изложенияртту даврил методика к1улну дик1ан айкинссар, ккаккан бунну цаппара учительнал къулагъас дан айкинссада к1антту:

- 1) Учительнал хъхьич1махъ. Учительнал, лахъи лаган къабувну, кут1ану бувч1ин бан айкинссар даврил мурад ва га дансса куц.
- 2) Текст дуккин хъхьич1, дуклаки ойрч1ашал текstral ц1анил ялув, ганил мурад ххуйну бувч1иншиврул ихтилат бан айкинссар.

- 3) Учительнал дурч1инну, дюхханну текст дуккин айркинссар. Га дурккуну махъ, ойрч1ан зах1матсса махъру ва калимартту дурч1ин дайссар ва гай доскалий чичайссар.Мукъурттищалсса даврил хъуннасса агъамшиву дуссар.Учительнан буч1иссар яла агъанми, гъануми махъру, калимартту, предложенияртту дусса карточкарду х1адур дурну, хъхъарами ойрч1ахъхъун дулун.
- 4) План учительнал ва дуклаки ойрч1ал арх1ал дайссар. Мирщисса текстирдал изложение план дақъанагу чичин буч1иссар.
- 5) Изложение чичланнин, дақ1них ганил мурад бусан буллай, текст диялну дурч1ин дан айркинссар, яъни дуклаки ойрч1ру изложение чичин х1адур бал айркинссар.

Планну даврил лич1и-лич1исса журагарду дуссар: ц1уххаврил ва бусаврил предложениярттал журалий, заголовокрал журалий сакин дурсса. Чан-чанну т1ий, ойрч1ру лич1и-лич1исса журалий планну даврищал дус бал айркинссар.Дуклаки ойрч1ан яла бигъамур журану суаллал журалиймур план хъанай дур.Ганияту изложениялунсса планну дан лахъхъин буллалаву дайдишингу багълай бур.

Учительнал ойрч1аштал творческий изложениярттугу дан буюхъайссар. Укунсса изложенияртту бусласиманал лицо даҳхана дурну ягу цума-унугу ца геройнал ц1анияту дайссар. Вай давуртту дуклаки ойрч1ал цал дақ1них, яла чичрулийну дайссар.

Творческий изложениярттаву хъунисса даҳханашибуртту дуллан къабуч1иссар, шагърулул школалул байбихъулул классирттаву ч1яруссса даҳханашибуртту дан зах1матссар. Масала:

*Musa x1av лавгуна. Ганан бюрх ххал хъуна. Бюрх ливхъуна. X1av хъунмасса мурхъ бия .Муса бюрххул хъирив хъуна.*

Ва изложениялувун дуклаки ойрч1ал ца-к1ира предложение ххидан айркинссар.

*Бюрх мурхьирайн лавхъуна. Муса мурхьидал ч1араав щяивк1уна.*

Оърч1ахъхъун гайннан к1улсса магълул дайдихъу дулун буч1иссар, ахир гайннал ляхъан дан айкинссар.

*Ца кыни цулч1а бивк1ун бур хъинну ккашилгу хъуну, дуканмунил хъирив бувккун. Авлахърай ххал хъуну бур ца уттуллул парча. Бурувгун бур лагмавагу, уттуллул лув ххал хъуну бур къат1а.*

Чичрулийнусса гъалгъа дак1нихмунияр зах1матссар, гиву ганин хасъсса нормарду дуруччин айкинссар. Циняв давуртту дуклаки оърч1ашал цал дак1них дан айкинссар, так дак1них гайннан ххуйну лархъхъуну махъ, дан айкинссар чичрулийну.

### **Сочиненияртту чичаву**

Лакку маз пасих1ну лахъхъин бавриву, чичрулийсса гъалгъа магъир бавриву хъунмасса мюнпат сочиненияртту чичаврилгу буссар. Миннул мурад махъру кунниц1ун кув бавх1усса гъалгъа магъир баву, оърч1ан цала пикри, асар хъумур бусан, яргну ккаккан бан бюхъаву хъанахъиссар.

2-мур классраву чирчусса сочиненияртту лагрулул хъун дакъасса дик1ан айкинссар. Дуклаки оърч1ру сочинение чичаврийн х1адур башиврул, гай хъуни бакъасса хаварду, магъри бусласи байссар.

Сочинение - му оърч1ал бюхъу, пикри, маз магъир буллалисса давур. Га чичлачийни, махъру, гъалгъалул оборотру ва предложенияртту язи дугъайссар, орфография ххал дигъайссар.

Сочиненияртту, материалданух, х1адуршиннарах, жанралух ва мазрах бурувгун, лич1и-лич1исса дик1айссар.

Материалданух бурувгун, гай дик1айссар: 1)цанма ккавкмуния, хъирив бавц1уну к1ул хъумуния чивчусса; 2)луттиридая ларсъсса материалдания чирчусса; 3) лич1и-лич1исса к1анттурдая ларсъсса материал дусса (луттирия ва цува хъирив авц1уну к1ул хъумургу айкин байссар).

Лич1ину к1иц1 лаган багътай бур: сюжет дусса суратрая, учительнал дайдихъу ягу ахир дуллуну чичайсса сочиненияртту.

Х1адуршинна даврил методирттах бурувгун, сочиненияртту дик1айссар щала класссал цач1у х1адургу дурну, аымса темалия чичайсса ва цалалусса сочиненияртту.

Жанрдах бурувгун, махъру кунниц1ун кув бавх1усса текстру хавар бусласисса, ссал-дунугу сурат дуллалисса ва цаламур пикри бусласисса дик1айссар.

Темардах бурувгун, сочиненияртту лич1и-лич1исса дик1ан буюхъайссар. Программалий ккаккан дурсса букаврил темарду сочиненияртту чичингу дулун буч1иссар. Дуклаки оърч1ахъхъун лич1и-лич1исса темарду дулун буч1иссар: шинал ч1унну(гъи, инт, к1и, ссут), гъинттул оърч1ру бигъалагавриясса, ссуттилсса инсантурал оърмулия, х1айвантрай, буттал к1анттуюсса ва ц.

Сочинениялул мурад пикри цанил хъирив ца багъан бувну, махъру багъайкун, т1айлану ишла бувну, тема аьч даву хъанахъиссар. Учительнал сочиненияртту чичлан лахъхъин бан аэркинссар. Байбихъулул классирттаву яла ч1яруну хавар бусласисса, ссая-бунугу бусласисса сочинение чичайссар. Хавар бусласисса сочинение суратрайн ягу суратирттайн бувну, экскурсиялийсса дуклаки оърч1ал хъиривбац1авурттайн бувну, чичин буч1иссар. Оърч1ан сочинение чичин лахъхъиншиврул, гай дак1них хаварду сакин буллали байссар. Сочинение букаврил тема лархъхъуну махъ, чичин буч1иссар, масала, «Ссут» т1исса тема лархъхъуну махъ, «Мусил ссут» т1исса темалийн бувну, сочинение чичайссар. Дуклаки оърч1ал га тема лахълахъийни, махъру лахъхъайссар, предложенияртту сакин дан лахъхъайссар, хаварду сакин байссар, яъни гай сочинение чичин х1адур байссар ва лархъхъусса материал жям ва ц1акъ дайссар.

Оърч1ан ца ккаккан дурсса темалия ихтилат буллан, т1айлану предложенияртту сакин дуллан, хаварду буслан, темарду язи дугълан лахъхын буллан айкинссар.

Хаварду буслан лахъхъаврин магъри рольлай буккаврил, бувккумунил мурад бусаврил, назмурду дак1них дуккаврил кумаг байссар.

Сочинение чичлачийни укунssa к1анттурдах къулагъас дан айкинссар:

- 1) учительнал дуклаки оърч1ашалсса ихтилат;
- 2) сурат ххал даву;
- 3) учительнал сакин дурсса пландалул ялув пикри баву;
- 4) суратрай ккаккан дурмунил ялув пикри баву;
- 5) доскалий чивчусса ишла бансса мукъурттил ва предложениярттал кумаграй хаварданул бут1ри сакин баву;
- 6) суратрайн бувну ягу пландалийн бувну, сакин бувсса хаварданул мурад бусаву;
- 7) сочинение чичаву.

Дуклаки оърч1ан сочиненияртту чичлан лахъхыншиврул дулун буч1иссар даву: ккаккан дурсса темалийн бувну, хавар сакин бан, масала, «Ниттин кумаг баву». Шикку ишла бансса махъру ва предложенияртту дулун айкинссар. Гайннул кумаграйну оърч1ал хавар сакин байссар.

Байбихъулул классирттаву мукунна ссал-дунугу сурат дулалисса сочинениярттугү дайссар. Цалчинмур классрава байбивхъуну, мюрщисса ссал-дунугу ягу щил-дунугу сурат дулалисса сочинениярттугү дайссар. Масала:

*Ва жул класс бур. Классраву партарду ва к1антту бур. Классраву к1ива ч1авахъулу ва нуз дур.*

*Ва оърч1 ур. Ванан ү1а Xласан дур. Ванан 8 шинни. Ва 2-мур классраву дуклай ур.*

Учительнал ссал-дунугу сурат дулалисса сочиненияртту чичлан лахъхын буллан айкинссар. Ва журалул сочинение чичлачийни, учительнал

план сакин дайссар, дак1нихсса гъалгъалунсса суаллу х1адур байссар, ишла бансса махъру ва предложенияртту лич1и дайссар, гайннущалсса даву дайссар. Укунсса журалул сочинение чичлачийни, ч1явуну прилагательнирду ишла байссар, гайннущалсса даву дайссар.

Ссал-бунугу ялув цала пикри бусласисса сочинение текст дурккуну махъ дайссар. Шикку дуклаки оърч1ан ссал-бунугу ялув цала пикри бусан лахъхынин бан айкинссар. Ссал-бунугу ялув цала пикри бусласисса сочинение чичин учалартту ишла буллан буч1иссар.

Ч1явусса махъру кунниц1ун кув бавх1усса гъалгъа магъир буллалисса давуртту дан хъунт1иссар классраву дурккусса текстрац1ун дарх1усса, масала, урувгун чичаву, суаллан жавабру дулаву, дак1нихсса чичру, изложение, текстрал план даву, дурккусса текстрац1ун бакъайсса учалартту буцеву, текстрал ца бут1а оърус мазрайн таржума баву ва ц.

Байбихъулул классирттаву хавар бусан ва сочинение чичин х1адур хъанахъийни, чара бакъа план дан айкинссар. План- бусант1исса хаварданул «проектри», ганил хахри. Га дакъа махъру кунниц1ун кув бавх1усса гъалгъа бан зах1матссар. Мюрщисса сочиненияртту чичлачийни, т1абиаитрал сурат дуллалийни, план дан айкиншиву дакъассар.

2-мур классраву 3-5 пунктрака сакин хъусса простойсса план дик1ан айкинссар.

Сочинениялуха зузисса давриву шанма бут1а лич1и бан айкинссар:

- 1) материал дат1аву (хъиривбац1авуртту, суратру ххал даву, магъир литературанул произведенияртту буккаву);
- 2) лич1и дурну, материал цаниил хъирив ца дишаву (ххал дигъаву, агъанмур лич1и баву, план даву);
- 3) текст сакин даву, га чичаву, дакъин даву, гъалат1ру бакъин баву.

Сочинение чичлачисса дарс хъхъич1ра дурсса даврил жям дуллалисса дарсну х1исав хъанахъиссар.

Гъарца чичруулул даву цал цил багъайкун дак1них дурну дик1ан айкинссар. Агар ч1урду зумух ласун лахъхынин къабарча, зах1матсса махъру

иччин, лич1и-лич1исса жуарардал предложенияртту сакин дуллан лахъхин къадарча, дуллалисса чичрулул давурттая мюнпат бакъассар.

Ч1алач1и пособияртту ишла баврил дуклаки оърч1ал гъалгъа баврил компетенция хъун давриву хъуннасса агъамшиву дуссар. Ч1алач1и пособияртту ишла баврил агъамшиву ккаккан дуллай, К.Д.Ушинскийл чивчууну бур: «Мюрщи оърч1ал т1абиаьтрапл ч1алач1аву т1алав дуллай дур. Агар дуклаки оърч1ан цукунсса-бунугу 5 къак1улсса махъ лахъхин буллай, бан къахъанай, хъуннасса ч1ун харж хъанай духъурча, гай махъру лахъхин бара суратиртал кумаграйну; оърч1ан гай най буна лахъхинт1иссар»[15, л. 646].

2-мур классраву ч1алач1и пособияртту дарсирай ишла баврил иширайну ниттил маз лахъхин кумаг байссар. Байбихъулул классирттаву яла ч1явшуну ишла байсса ч1алач1и пособияртту жура-журасса суратру хъанай дур. Гайннул кумаграйну дуклаки оърч1ан бигъану ва ххуйну махъру лахъхайссар, гай дак1ний лич1айссар, цанчира мюрщисса оърч1ал урувгун дак1ний лич1айссса память ххуйсса дик1айссар. Учительнаща мукунма, суратру ишла дуллай, гай махъру дак1ний битавугу ххал дан бюхъант1иссар.

Ч1алач1и пособияртту ишла буллалийни, дарсгу х1азну лагайссар, дуклаки оърч1ал дарсирахсса гъира лавай шайссар. Гай ишла дуллалийни, ц1усса материал дурч1ин дан бигъану бик1айссар ва га ххуйну дак1ний лич1айссар. Ч1алач1и пособияртту ишла буллалийни, учительнаща ч1ун махъун щун дан, ч1ирисса ч1умуй ч1яруссса материал дурч1ин дан, тикрал дан бюхъант1иссар.

Ч1алач1и пособияртту ишла баврийну оърч1ан художественно-эстетический тарбия дулайссар, ишла дуллалисса суратирттах бурувгун, цала пикри бусан лахъхин байссар, суратрал кымат бишун лахъхайссар. Мунийн бувну, дидактикалуу ч1алач1и пособияртту ишла баву ца яла агъанмур принципну хъанахъиссар ва ганих хъуннасса къулагъас дан ккаккан дурну дур.

Хъиннурда хъуннасса агъамшиву ч1алач1и пособияртту байбихъулул классирттаву ишла баврил дуссар. Психологиялул элмулуву дурсса хъиривлаявурттал ккаккан буллай бур байбихъулул классирттаву ч1алач1и пособияртту ишла баврил хъуннасса агъашиву душиву. Агар учитель мудан ци-бунугу бувч1ин буллай ягу ц1ухлай ухъурча, дуклаки оърч1ру буххайссар, мунияту ч1явуну ч1алач1и пособияртту ишла буллан айкинссар.

Ч1алач1и пособияртту к1ива журалул бик1айссар: оърч1ал лагмасса затру, классравусса къай ва лич1и-лич1исса суратру, таблицарду, карточкарду ва ц.

Лагма- ялттусса затру, классравусса къай, дуллалисса даву ккаккан дуллай, учительнаща ц1усса мукъурттил мяънарду дурч1ин дан, гайннущал предложениятту сакин дуллали бан, лагма-ялттусса затирттая дуклаки оърч1ру бусласи бан бюхъайссар.

Грамматика лахълахъийни лич1и-лич1исса таблицарду, карточкарду ишла дайссар.

2-мур классраву ишла дан ккаккан дурсса суратру лахъхъин ккаккан дурсса темардайн дагъайсса дик1ан айкинссар. Цара-ца сурат ишла дан буч1исссар лич1и-лич1исса давурттаву, масала, а) ц1усса махъру бувч1ин буллалийни; б) суаллан жавабру дуллалисса давриву; в) диалограл ва монолограл журалийсса гъалгъа магъир бавриву; г) чичрулул давуртту дайни; д) грамматикалул материал ц1акъ дайни ва м.ц.

Дуклаки оърч1ал оърмулух бурувгун, суратру ишла даврил методикагу гъарца классраву цинна хасъсса дик1ан айкинссар.

Суратрайн бувну дуллалисса даву дик1ан бюхъайссар щаллусса дарсирай дан ккаккан дурссагу, масала, суратрайн бувну, сочинение чичин

каккан дурсса ягу дарсидала бут1а харж буллалисса, масала, бувкүсса хаварданун хас дурсса суратрайн бувну, ихтилат буллалисса.

Суратрай думур дуклаки оърч1ал лагма-ялтусса затиртташал, оърмулущал, т1абиаъттал тагъарданушшал, шинал ч1уннашал дарх1усса духьурча къулайссар. Масала, «К1и» т1исса тема к1инттул лахълахъийни, к1интнил т1абиаъттал сурат ишла дурну хъинссар.

Сурат ишла дан бюхъайссар дарсидала лич1и-лич1исса бут1рай: ц1усса материал дурч1ин дуллалийни, лавхъхъумур жям, ц1акъ буллалийни, оърч1ал к1улшиву ххал дуллалийни ва м.ц. Учительнал дарсидала пландалий каккан дурну дик1ан айкинссар: та ишла дан айкинссарив сурат, га ишла даврил мурад, сурат ишла даву цукун дарх1уну дуссарив дарсидала темалущал.

Суратрашталсса давриву лув каккан бувсса бут1ри лич1и бен бюхълай бур:

- 1) дуклаки оърч1ал сурат ххал даву («дуккаву»);
- 2) учительнал хъхъич1махъ;
- 3) суратрай каккан дурмунил разбор даву;
- 4) маҳъру кунниц1ун кув бавх1уну мурад бусаву (пландалийн бувну ва план дақъа);
- 5) мукъуртиштал ва фразеологизмардашталсса даву;
- 6) дақ1нихсса ва чичрулийнусса творческий давуртту.

Сурат ххал даврил дуклаки оърч1ру даврийн х1адур байссар. Учительнал оърч1ру яла агъанми, ганил идеинийсса содержание каккан дуллалисса к1анттурдах къулагъас дан байссар. Байбихъул классирттал оърч1ан цайнурга цала сурат дурч1ин зах1матссар, мунияту учительнал хъхъич1мукъуву суратрал агъанми к1анттурду бувч1ин байссар ва гайннаштал арх1ал суратрай каккан дурмунил разбор дайссар. Учительнал хъхъич1мукъул дуклаки оърч1ан сурат дурч1авриву, ганишталсса даву давриву хъуннасса агъамшиву дуссар. Хъхъич1мукъул ягу вводныйсса

ихтилатрал мурад оърч1ан суратрал мурад ва ганищалсса даву дан х1адур баву хъанахъискар. Ва даву дуллалийни, агар суратран ц1а дакъахъурча, дуклаки оърч1ал ганин ц1а дизайссар. Учительнал букъавч1айсса(суратрайсса затирттан ц1арду дуклаки оърч1ан къак1улсса духъурча) махъру бувч1ин байссар. Суаллан жавабру дуллай, суратрал разбор дайссар. Дуклаки оърч1ан бувч1инсса куццуй суратрал мурад, агъанмур пикри аьч байссар. Гай мукунма суратрайнсса цала пикри бусан байссар. Ганийнсса суаллу учительнал хъхъич1ва х1адур бувну бик1ан айркинссар.

Ца-ца ч1умал суратран ц1а оърч1ахъ къабусайссар ва гайннал суратран ц1а дизан айркинссар. Дирзусса ц1ардава яла лайкъмур, суратрайн дакъаймур лич1и дайссар, укунсса давурттал дуклаки оърч1ал логикийсса пикри баву магъир дайссар.

Суратрашалсса даву дуллалийни, щала классрашал арх1ал ва лич1и-лич1ину циняв дуклаки оърч1ашалгу зун айркинссар. Гъарца оърч1ал цала пикри, асар бусайссар. Маз ххуйну к1улсса оърч1ахъхъун зах1матми, хъхъарами оърч1ахъхъун бигъами суаллу булайссар. Суратрашалсса даву ганил мурад бусаврийну агар га дак1нихсса даву духъурча ягу сочинение чичаврийну къуртал дайссар.

Суратрашалсса даву дуллалийни, дуклаки оърч1ал лавхъхъусса махъру ва грамматикалул материал ишла дан айркинссар, цанчирча суратрашалсса даврил мурад оърч1ал мукъурттил луртан авадан даву, гъалгъя магъир баву хъанахъискар.

Суратрашалсса даврил махъру кунниц1ун кув бавх1усса, саргъунсса гъалгъя ва мукунма к1ия инсаннал буллалисса, диалограл формалийсса гъалгъя магъир байссар. Учительнал буллусса суаллан жавабру дулаву дакъассагу, дуклаки оърч1ру цивппа суаллугу буллай, гайннун жавабру дуллали бан буч1искар. Оърч1ру суратрай ккаккан дурмунил инсценировка

дуллали бангу буч1иссар, укунssa даврилгу гайннал гъалгъа магъир баврин хъунмасса хайр буссар. Ва даву дуллалийни, дуклаки оърч1айх рольллу дач1айссар, гайннал гъалгъа x1адур байссар, яла щала классрал хъхъич1 инсценировка ккаккан дайссар.

Суратру текстру ккалаккийни, грамматикалул материал дурч1ин дуллалийни ва чичруулул давуртту дуллалийни ишла дайссар.

Ккалаккисса текстрал мурад ккаккан буллалисса суратрашалсса даврия хъунмасса мюнпат буссар ва даву оърч1ан x1азгу дизайссар. Сурат текст дуккин хъхъич1, ккалаккисса ч1умал (ц1усса махъру ва калимарту ххуйну дурч1ин дан) ва текст дурккуну махъ ишла дан буч1иссар.

Текст дуккин хъхъич1 сурат ишла дуллалисса ч1умал, учительнал оърч1ру текст лаласаврийн, дурч1аврийн x1адур байссар ва ганил тема бигъану ачь дайссар. Суратрайн бувну, ц1усса, букъавч1айсса махъру бувч1ин бан ва текстрал тема ачь дан бигъассар. Ганил кумаграйну текстрал материал дак1них ишла дуллан лахъхыин дан, яъни текст дуккаврийн x1адур бан буюхъайссар.

Ч1яруну сурат текст ккалаккийни ишла дайссар. Ккалаккисса текст суратрашал арх1ал цач1у дирхъуну, ххал дайссар, гивусса лашанбавуртту ва лич1ишивуртту ккаккан дайссар.

Текст дурккуну махъ сурат лавхъхъумур жям ва ц1акъ бан, дак1нихсса ва чичрулийнусса давуртту дан ишла дайссар. Суратрашалсса даврил ва текст арх1ал дуккаврил дуклаки оърч1ал саргъунсса гъалгъа магъир байссар.

Суратрайн бувну, дурккусса текстрал мурад бусаврил, ганил мурадрал ялувсса ихтилат баврил, суаллан жавабру дулаврил, ганиха лавхъхъусса хавар сакин баврил хъуннасса агъамшиву дуссар, оърч1ал саргъунсса гъалгъа авадан ва магъир байссар.

Суратрал шагърулул школарттайсса дуклаки оърч1ан маз лахъхин ва магъир бан кумаг байссар. Дуркүсса текстрал мурад оърч1ал авторнал мукъурттийну бусайссар. Суратрайн бувну, хавар сакин буллалийни, гайннал лавхъхусса махъру, предложениярттал жуарарду ишла дайссар.

Суратрашалсса даврил оърч1ал махъру кунниц1ун кув бавх1усса гъалгъа магъир баврин хъуннасса агъамшиву дуссар ва ганил гъалгъа магъир бавтиву хъунисса каширду дуссар.

Текстрал мурад бусласийни, дуклаки оърч1ал авторнал махъру ишла байссар. Суратрашалсса даврил т1урча оърч1 хавар сакин буллали айссар, гиву цала пикри бусласи айссар. Укунсса даврил оърч1ан цала пикри т1айлану, куннил хъирив кув бусан лахъхин байссар.

Байбихъулул классирттаву ккалаккисса текстрал мурадрайн бувсса суратру ишла даврил хъунмасса мюнпат буссар. Цил багъайкун суратру ишла дулларча, дуклаки оърч1ал мукъурттил луртан авадан дайссар, лархъхусса грамматикалул материал цала гъалгъалуву ишла дуллан лахъхайссар, ч1урду т1айлану зумух ласун ва махъру чичин лахъхайссар. Вай гъарзат лахъхиншиврул, лич1и-лич1исса иширайнусса суратиртташалсса давуртту дуллан аркинссар. Гай давурттаву, гъалгъалул бут1ри лахълахъийни дуллалисса мукъурттишалсса давугу, лич1и-лич1исса журалул предложенияртту сакин дуллалисса давугу, махъру кунниц1ун кув бавх1усса гъалгъа бан лахъхин давугу арх1ал дуллан аркинссар.

Суратрайн бувну, лич1и-лич1исса грамматикийсса давуртту дайссар:

орфоэпикйсса давуртту (учительнал хъирив зумух ласлай, махъру т1айлану учин лахъхаву; калимарту, бавх1умахъру ва предложенияртту т1айлану зумух ласун лахъхаву; т1айласса интонация лахъхаву);

орфографиялущал дарх1усса давуртту (къариртсса x1арпру дирхъуну, чичлачисса давуртту, предложенияртту куннил хъирив кув т1айлану

чиручуну, текст сакин дуллалисса давуртту; слуховой, зрительный, объяснительный (бувч1ин буллалисса) диктанту;

мукъуртищал ва фразеологизмардащалсса давуртту (каккан бувсса гъалгъалул бут1ри ишла бувну, суаллан жавабру дулаву; лахълахъисса грамматикийсса конструкциярду, учалартту, калимартту ва м.ц. ишла дурну, суратрайн бувну ихтилат баву ва гания бусаву; опорныйсса (кумаграл) махъру, калимартту ва суратру ишла дурну, диалогру, махъру кунниц1ун кув бавх1усса калимартту, хаварду сакин баву; махъру т1айланнасса ва дахханасса мяъналий ишла баву, синонимру, антонимру, омонимру ишла баву ва м.ц.).

Суратрайн бувну, грамматика лахъхаврил методика каккан дан бигъану дик1аншиврул гъануну ласунну традиционныйсса гъалгъа магъир баврил классификация: мукъуртищалсса даву, бавх1умукъуртищалсса даву, предложениярттащалсса даву ва махъру кунниц1ун кув бавх1усса гъалгъалушталсса даву.

Грамматикалул мурадирттах бурувгун, мукъуртищалсса давриву лув каккан дурсса давурттал система лич1и дан бюхъайссар:

существительнирду ишла буллай, суратрай каккан дурсса затирттан ц1арду учин (чиchin);

прилагательнирду ишла буллай, суратрай каккан дурсса затирттал лишаннал ц1арду учин;

глаголлу ишла буллай, затирттал x1ал ва даву каккан дуллалисса махъру учин;

существительнирду ишла буллай, суратрайсса инсантурал яннарду каккан дуллалисса махъру учин (чиchin);

существительнирду ишла буллай, мурхъирдан ц1арду учин ва ц.

Вай давуртту ч1ун, аьдад ва ц. даххана дуллай, дан бюхъайссар, масала, суратрай ккаккан дурсса затру ца аьдадрай ва ч1яру аьдадрай учин (чиchin); ларгсса ч1умул глаголлу ишла буллай, суратрай ккаккан дурсса затирттал х1ал ва даву ккаккан дан.

Мукъуртищалсса даврийн лич1и-лич1исса лексикалущал дарх1усса давуртту дагъайссар: синонимру, антонимру буцаву, мукъул мяъналул журалу (т1айлланнасса ва дахханасса мяъна), мяънардал ккал к1ул даву (ца мяъна дусса ва ч1яру мяънарду дусса) ва м.ц.

Бавх1умукъуртищалсса даву дуллалийни, лич1и-лич1исса гъалгъалул бут1райн багъайссаса махъру куннищал кув т1айллану бах1ин лахъхайссар.

Мукъуртищалсса ва бавх1умукъуртищалсса даву, чан-чанну т1ий, предложениялущалсса даврийн к1ура даяйссар. Суратрай ккаккан дурсса затирттал ц1арду, гайннул лишаннал ц1арду увкуну махъ, гайннущал предложенияртту сакин дайссар. Дуклаки оърч1ан предложенияртту сакин дан лахъхын дуллалийни, лакку мазравусса предложениярттал лялич1ишиврух, гайннул жуардах къулагъас дан аьркинссар. Оърч1ру лакку мазраву подлежащее ккаккан байссаса падежирттах: гъаншиврул, дулаврил, шаврил, цач1ушиврул къулагъас дан бан аьркинссар, оърус мазраву ва лакку мазравусса предложениярттал лялич1ишиву дурч1ин дайссар.

Суратрайн бувну, лич1и-лич1исса журагул предложенийртту сакин дан бюхъайссар: бусай, ц1уххай, оъвчай предложенияртту; простойссаса ва сложныйссаса; ца журагул члентру бусса ва м.ц.

Суратрайн бувну, дуллалисса предложениялущалсса давурттаву укунссаса жуардугу ккаккан дан буч1иссар:

1. суратирттайн ца мукъюя сакин хъусса, ганил ц1а, лишан, хасият, даву ккаккан дуллалисса ц1арду дизан. Суратран ц1а бавх1умукъуйну ягу предложениялийну ккаккан дурнугу дик1ан бюхъайссар. Сюжет дусса суратирттан ц1арду овчай ягу ц1уххай предложениярттайнугу ккаккан дурну дик1ан бюхъайссар.

2. Предложенияртту диял даву, щаллу даву. Предложенияртту суаллал кумаграйну ягу суаллу бакъа диял дайссар.

*Дурк1унни (цукунсса?) к1и. Оърч1ру (цукунсса?) яннарду ларххуну бур. ва ү.*

Учительнал буллусса суаллан жавабру дуллай, гайннуя хавар сакин байссар. Суаллу доскалий чивчуны хъинссар, гай хавар сакин бансса план хъанахъиссар. Гайннул қумаграйну хавар сакин бан бигъассар.

Суратрайн бувну, хаварду лич1и-лич1исса грамматикалул заданиялущалгу сакин буллали байссар, масала, ц1анасса ч1умул глаголлу ишла буллай, хавар сакин бан; суратрайн бувну, дурккусса текстрал мурад бусан ва м.ц.

Суратру чичруулул давуртту дангу ишла дайссар.

Суратрайн бувну, лич1и-лич1исса диктанtru дан бюхъайссар. Масала, мукъурттил диктанtru дан хъунт1иссар лич1и-лич1исса жуардай:

- а) дуклаки оърч1ал цайнурा цала, ссих1 къадурккуну, суратрай ккаккан дурсса затирттал ц1арду чичайссар;
- б) учительнал ккаккан дурсса суратирттайсса затирттан ц1арду чичайссар. Ва даву цайми жуардайгу дан буч1иссар, масала, дуклаки оърч1ал ккаккан дурсса затирттал ц1ардащал предложенияртту сакин дайссар.

Суратрайн бувну, грамматикалул заданиялущалсса выборочный самодиктанtrугу дан буч1иссар: масала, так ч1яру айдадрал

существительнирду чичин. Гайннуйн бувну, лич1и-лич1исса творческий давуртту дуллан бюхъайссар, масала, суратрайн бувну, хавар сакин бан. Га хавар, прилагательнирду ишла бувну, чичин. Оърч1ру прилагательнирдал гъалгъа авадан, магъир байшиврух къулагъас дан бан айкинссар.

Суратрайн бувну, суаллан жавабру дулаву.

Учительнал доскалий суаллу чичайссар, оърч1ал, суратрах буруглай, гайннун жавабру дулийссар.

Яла ч1яруну дайсса суратрашалсса чичруул даву сочинение хъанахъиссар. Сочинениялул дуклаки оърч1ал гъалгъа магъир байссар, ганил гъалгъа магъир баврил даража ххал бангу кумаг байссар. Гиву оърч1ал маз к1улшиврул даража, гайннал цайнура цала даву даврил вардишру ва бюхъурду ч1алан бик1айссар. Сочинениялул дуклаки оърч1ал маз ишла бан бюхъаврил даража, пикри бусан бюхъаву ккаккан байссар.

Суратрайн бувну, чичлачисса сочиненияртту дик1айссар ссая-бунугу бусласисса, ссал-дунугу сурат дуллалисса, ссал-бунугу ялув цала пикри бусласисса, инсценировкарду. Грамматикалул заданиялущалсса сочинениягу чичин бюхъайссар.

Ссал-дунугу сурат дуллалисса сочинениярттаву дуклаки оърч1ал суратрай ккаккан дурмуния чичайссар. Га мукунна суратрайсса цума-унугу ца геройнал ц1аниятугу чичин буч1иссар.

Ссая-бунугу бусласисса сочинениялуву суратрай ккаккан дурмур дақъассагу, дуклаки оърч1ал цала пикри, хъи rivлявуртту ххидурну, чичайссар. Байбихъулул классирттаву оърч1ая суратрал хъи riv лавсса анализ т1алав дуллан къабуч1иссар. Ссая-бунугу бусласисса сочинениялуву цала пикригу бусайссар, укунсса сочиненияртту ссал-бунугу ялув цала пикри бусласисса сочинениярттайн к1урядайссар.

Сочинение-инсценировка дардату суратрал сюжет диалограл формалий ккаккан дурну дик1айссар. Укунса сочиненияртту чичлачийни, диалог цал дак1них сакин дайссар, яла чичайссар.

Сочиненияртту, чан-чанну т1ий, журна-журасса лахъхын буллалисса давуртту дуллай, чичлан лахъхын дайссар. Сочинение чичин дурч1ин бигъасса сурат язи дугъайссар. Дуклаки оърч1ал га чичин бюхъансса мукъурттил луртан дик1ан айркинссар. Сочинение суратрай ккаккан дурмуния ягу цума-унугу ца суратрайсса геройнал ц1анияту ч1ивисса хаварданул формалий чичайссар.

Лахъхын буллалисса сочиненияртту учительнал кумаграйну ва ганал каялувшиврийну дуллан айркинссар. Щала классрал учительнащал арх1ал план сакин дайссар, яла, га пландалийн бувну, сочинение чичайссар. Дуклаки оърч1ал ишла бан айркинssa махъру ва калимартту доскалий чичайссар. Оърч1ал дак1них хавар сакин буллалийни, га учительнал ва оърч1ал бакъин, т1айла байссар. Яла гайннал сочинение чичайссар.

Контрольный сочиненияртту дуллалисса ч1умал, учительнал сочинение чичин х1адур хъанахъийни кумаг байссар: ц1усса махъру бувч1ин байссар; суратрайн бувну ихтилат байссар; план сакин дайссар. Сочинение дуклаки оърч1ал цайнура цала чичин айркинссар.

Оърч1ашал грамматикалул заданиялущалсса сочинение дангу буч1иссар. Грамматикалул заданиялущалсса сочинение дуллалийни, дуклаки оърч1ан грамматикалул материал гъалгъалуву ишла дуллан лахъхайссар. Укунса давурттал оърч1ан лич1и-лич1исса грамматикалул конструкциярдашталсса предложенияртту сакин дан ва гай ишла дуллан лахъхын байссар.

Грамматикалул заданиялущалсса сочинениярттал дуклаки оърч1ал гъалгъа магъир баврин кумаг байссар, мазрал пасих1шиврул ярагъ ишла

буллан лахъхын байссар. Лахъхын буллалисса сочинениярттаву учительнал ишла дан айкинсса грамматикалул материал ккаккан дайссар.

## **2.4.«Лакку мазрал» дарсирдал махъ дуллан ккаккан дурсса даву**

Федерал паччах1лугърал к1улшиву дулаврил стандартирттай ккаккан дурну дур байбихъулул классирттаву дарсирдал махъ дуллансса дуклаки оърч1ру итххяххан баву мурадрай дан ккаккан дурсса давурттал жуараду. Шикку ккаккан дурну дур ххюра оърч1ру итххяххан баврил журардун: адаб-инсанпракт ялувсса, жяматийсса, аымну дуклаки оърч1ру итххяххан буллалаврил ялувсса, аымну дуклаки оърч1ру маданиятрап чулуха итххяххан буллалаврил ялувсса, ц1уллу-сагъшиврушал ва спортращал дарх1усса давуртту. Дарсирдал махъ дуллан ккаккан дурсса даврин ккаккан дурсса ссятру нюжмардийсса дарсирдал нагрузкалувун къадуххайссар. Вай давурттан аымну байбихъулул школалийсса мукърагу шинай 1350 ссят ккаккан дурну дур.

Дуккаврил идарапттал даражалух бурувгун, дарсирдаяр махъ дуллалисса даву дайссар актовый залдануву, библиотекалуву ва м.ц. идарапттай. Ва даву дан буч1иссар эксперсиялул, кружокрал, коференциярттал, олимпиадарттал ва м.ц. жуардай.

Школалул мурад хъанахъискар дарсирдал махъ дуллалисса давурттал кумаграйну байбихъулул классирттал дуклаки оърч1ан дуккаврил шарт1ру дузал даву, дуккавриву хъхьич1уннайшивуртту ласунсса шарт1ру дузал даву. Ва даврил мукунма кумаг байссар дуклаки оърч1ан школалийсса дуккаврийн айдат хъуншиврулсса шарт1ру дузал дан, гай итххяххан бансса, гайннаал айкълу-к1улши ларай дансса, дуклаки оърч1ал гъираах бурувгун, к1улшиву ласунсса циняв шарт1ру дузал дан.

Дарсирдал махъ дуллалисса даврил мурад махъун багълагъисса ягу ххуйну дуклакисса оърч1ашал зузаву къахъанахъискар. Га школалул к1улшиву дулаврил программалул ца бут1а хъанахъискар.

Занятиярттал жура дуклаки оърч1ал оърмулух ва даврил журалух бурувгун, язи дугъайссар. К1илчинмур классраву дуклакисса оърч1ансса дарс ягу мероприятие 50 минутраяр хъуннасса ч1умуйсса къадик1ан аркинссар.

Дарсирдал махъ дуллалисса даврин к1илчинмур классаравунюжмардий 5-10 дияннинсса ссятру ккаккан дурну дур.

Учительнаща дарсирдал махъ дуллан бюхъант1иссар жура-журасса давуртту:

- 1) лакку мазрал кружок;
- 2) факультатив;
- 3) лич1и-лич1исса кынирдан хас дурсса утреннику: «Ниттихъал байран», «Ххувшаврил кыни»; лич1и-лич1исса темардайнисса утреннику: «Маз - му миллатрал ххазинар», «Лакку к1ану» ва ц.;
- 4) конкурсу, олимпиадартту, выставкартту;
- 5) ч1ирал кказит итабакъаву. Ч1ирал кказитру, лич1и-лич1исса темардайн бувну, итабакъин буч1иссар: «Лахъхи вила ниттил маз», «Т1абиасть ххирранан», «Агъ, ттул буттал к1ануй, Лакку билаят», «Жул шяраваллил лагмасса к1анттурдан ц1арду» ва м. ц.

Лув ккаккан данну цаппара темарду учительнал дарсирдал махъ дуллалисса давриву ишла дан бюхъайсса. Вай дақъассагу учительнаща бюхъант1иссар жура - журасса темарду ларсуну, гай ххал дигъин.

1. «Интту ардай т1ут1аяр, т1ут1айх бичу, ниттил маз!

Зунттай зяй щаращаяр, зяй-зяй т1ут1у, ниттил маз!» (А.Гъапуров)

2. «Агъ, ниттил маз, вил ц1анил марц1шиву, гъелишиву...»  
(Х1.Муркъилинский)

3. «Маз - му миллатрал ххазинар»

4. Лакрал учалартту ва лувлякъурду.

5. Лакку мазравусса синонимру ва гай гъалгъалуву ишла баву.

6. Лакку мазравусса антонимру.

7. Бух хъусса мукъуртих лугланну.

8. Жула к1анттурдал ц1арду к1ул данну.
  9. Жуч1ара ххяххайсса ххяххиярттан ц1арду к1ул данну.
- 10.** Магъраву лабивк1сса прилагательнирду лякъинну.

### **Мисалдаансса дарсирдал планну**

**Дарсирал тема: Предложениялул цалчинмур даражалул члентру.**

**Подлежащее ва сказуемое.**

**Дарсирал мурад:** дуклаки оърч1ан, ялавайми классирттаву лавхъхъумунийн чул бившуну, предложениялул цалчинмур даражалул

члентирттайсса күулшиву дулаву; предложениялуву цалчинмур даражалул члентру лич1и буллан лахъхын бан; предложениялуву сказуемое ва подлежащее лич1и буллан бюхъан; предложениялувусса мукъуртил куннил куннищалсса бах1аву ккаккан дуллан бюхъан.

**Дарсиран айкинмур:** учебный пособие, таблицарду

**Дарсидал жура:** Ц1усса материал лахъхын дуллалисса дарс

### **Дарс нанаву**

**1.Дуклаки ойрч1ру дарсирайн х1адур даву.**

**2. Дуклаки ойрч1ру ц1усса материал лахъхъаврийн х1адур даву.**

**Даву 41.**Дуккияра.

Шатта ххярк тий бур.

Чавахъ гъузуй бур.

Челму лехлай бур.

Амудада дукра дуллай дур.

- Чичара, ккаккан дурсса куццуй, подлежащилун цу? ци? тисса, сказуемилун – ци дуллай ур? (бур? дур?) тисса суаллу бихълай.

**Образец** Дансса күц: (Ци?) Шатта (ци дуллай бур?) ххярк тий бур.

### **3.Учебникращалсса даву**

Учебникрая правило дуккаву ва ганил ялув гъалгъа даву.

**41-48 даву.**

### **4.Физкультминутка**

### **5.Рефлексия**

- 1.Дарсирай лавхъхъумунил жямру даву:
  - Цуманал бусанну х1акыну жува ци лавхъхъуссарив?
  - Х1акыну жува лахъхъарду предложениялуву цалчинмур даражалул члентру: подлежащее ва сказуемое лич1и буллан .

2. – Дарсирай зура дурсса даврин кымат бишара.

### **6.Дарсидал жямру даву.**

Шардайсса даву: даву 49

## **Дарсиral тема: Существительное**

**Дарсиral мурад:** дуклаки оърч1ан, цалчинмур классраву лавхъхумунийн чул бившуну, существительнираясса ва гайннул жуардаясса к1улшиву дулаву, гай дак1нихсса ва чичрулийнусса гъалгъалуву ишла буллан лахъхыин баву.

**Дарсиран аркинмур:** учебник, таблицарду

**Дарсиral журо:** Лавхъхумур жям дуллалисса дарс

### **Дарс нанаву**

**1.Дуклаки оърч1ру дарсирайн х1адур баву.**

**2. Дуклаки оърч1ру ц1усса материал лахъхаврийн х1адур баву.**

*Дуккияра текст.*

*Текстраву ссая гъалгъа тIий бур? Текстрэн цIа дизара. Текст дуккияра существительнирду бакъа. Существительнирду бакъа текст дурчIинссарив? Текстрава существительнирду чичара.*

### **3.Учебникрашалсса даву: даву 180-185**

**4.Лавхъхумур жям баву: учебникрая правило дуккаву ва ганил ялув гъалгъа баву.**

**Даву.** *Бургияра суратрах.*

*Цал – цу? тIисса суалданун жаваб дулейми, яла – ци? тIисса суалданун жаваб дулейми затирттан цIарду учара.Хъун бакъасса хавар чичара.*

**Даву.** *Буккияра.* Ца ххуттай цу? тIисса суалданухъхъун жаваб дулейсса, гамур ххуттай ци? тIисса суалданухъхъун жаваб дулейсса махъру чичара.

### **4.Физкультминутка**

### **6.Рефлексия**

1.Дарсирай лавхъхумунил жямру даву:

- Цуманал бусанну х1акыну жува ци лавхъхъуссарив?

- Х1акыну жува тикрал ва жям барду существительнирдал ци ккаккан буллай буссарив, ганил суаллу; дак1нихсса ва чичрулийнусса гъалгъалуву существительнирду ишла буллан.

2. – Дарсирай зура дурсса даврин кымат бишара.

## **7.Дарсиral жямру даву.**

### **Шардайнсса даву: 187 даву**

**Дарсиral тема:** «Мусил ссут» (суратрайн бувну, хавар сакин баву).

**Дарсиral мурад:** дуклаки оърч1ал дак1нихсса ва чичрулийнусса гъалгъа магъир баву, суратрал тема аьч дан лахъхын баву.

**Дарсиран аркинмур:** «Мусил ссут» т1исса темалийн дагъайсса сурат.

**Дарсиral журо:** Дуклаки оърч1ал дак1нихсса ва чичрулийнусса гъалгъа магъир буллалисса дарс.

### **Дарс нанаву**

1.Дарсиral темалуштал, мурадраштал дуклаки оърч1ру к1ул баву.

2.Суратраштал к1ул баву.

Учитель: Бургияра суратрах. Ци ч1алай дур зун суратрай? Суратран ци ц1а дизан хъунссар?

3.Сочинение чичин х1адур баву:

а) сочинениялуву ишла бансса махъру тикрал баву: ссут, ссуттил, къур, вац1а, ссуттилсса давуртту, жанаварт, мурхъру, хъахъи лаглан, к1интнийн х1адур хъун ва м.ц.

б) сочинениялул сакиншиннарал ялув пикри баву:

1) сочинениялул дайдихъу;

2) гъанумур пикри;

3) къуртал даву (хъиривмахъ).

4. Сочинениялул план даву.

1) Ци дахханашивуртту хъанай дур ссугтил т1абиальтраву?

2) Цукун х1адур хъанай бур жанаварт к1интнийн?

3) Ци дахханашивуртту хъанай дур гъавалул тагъардануву ссугтил?

4) Ци дахханашивуртту хъанай дур ссугтил вац1луу?

5. Сочинение чичаву.

6. Шардайнсса даву: «Зунттаву ссугу» т1исса темалийн багъайсса хавар сакин бан.

**Дарсиral тема:** Гъалгъя. Текст.

**Дарсиral мурад:** дуклаки оърч1ан инсаннал оърмулуву гъалгъалул бугълагъисса к1ану ккаккан баву, дак1нихсса ва чичрулийнусса гъалгъя магъир баву, буккаврил бюхъурду магъир баву.

**Дарсиран аъркинмур:** учебный пособие, суратру.

**Дарсиral журо:** Гъалгъя магъир буллаисса дарс

### **Дарс нанаву**

1. Дуклаки оърч1ал гъавалул тагъардания бусаву.

2. «Шяруллул оърч1» т1исса текст(даву 11) дуккаврийн х1адур баву:

а) мукъурттищалсса даву:

ц1усса махъру ва калимарту лахъхъаву:

3. Текстращалсса даву.

а) текст учительнал дуккаву;

б) Суаллу ва давуртту.

1. Текстрраву ссая гъалгъя т1ий бур?

2. Миясат циван х1уч1 увкуну бур?

3. Шяруллул оърч1ру щил ххассал бувну бур?

4. Текст дурккуну махъисса, текстращал дарх1усса даву.

а) текст бут1райх дач1ин;

б) бут1ран ц1арду дизан;

- в) текстрал гъанумур мурад ци бур?
- г) текстрал тема;
- д) текстран ц1а дизаншиврул ци дан айкинссар? (Текст, къулагъас дурну, дуккин ва гиву ссая гъалгъа т1ий буссарив бусан).

5. Текст дуклаки оърч1ал дуккин.

6. Физкультминутка

7. Луттиращалса даву: даву 12-14

6. Дарсиral жямру:

Жува х1акъину ци лахъхъарду?

7. Шардайнssa даву: 1) текстрал кут1а бувssa мурад чичин.

### **Дарсиral тема: Прилагательное**

**Дарсиral мурад:** Дуклаки оърч1ан прилагательниая аымssa к1улшиву дулаву: мяъна, суаллу; прилагательниирал существительниращалса дах1аву. Прилагательниирду дак1нихssa ва чичрулийнусса гъалгъалуву ишла бан лахъхъин даву.

**Дарсиран айкинмур:** учебный пособие, таблица.

**Дарсиral журa:** Ц1усса материал лахъхъаврин хас дурсса дарс.

### **Дарс нанаву**

**1. Дуклаки оърч1ру дарсирайн х1адур даву.**

**2. Дуклаки оърч1ру ц1усса материал лахъхъаврийн х1адур даву.**

**Даву.** 239. Суратрах бургияра. Ххал дувара къатри, мурхъ, нех цукунssa дурив. Бусияра, цумур зат цукунssa дуссарив.

Лахъсса мурхъ, хъуниssa къатри, щюллиsssa зунттурду, бюхттулsssa зунттурду, курт1сса нех, дяркъусса щин.

*Ци ккаккан дуллай бур дяркъусса, бюхттулssса, щюллиssса, лахъсса тIucca мукъурттил?*

Миннул ккаккан дуллай бур затрал лишан, га цукунсса дуссарив, ганил цукунсса ранг, лагру.

*Гъалгъалуву прилагательнирду ци мурадрай ишила байссар?*

### **3. Учебникращалсса даву.**

### **4. Учебникрая правило дуккаву, ганил ялув гъалгъа баву.**

**Даву.** Гай прилагательнирдащалсса к1ира предложение сакин дурну, чичара.

*Прилагательнирдац1ун бакъайсса существительнирду лякъияра.*

### **4.Физкультминутка**

### **6.Рефлексия**

1.Дарсирай лавхъхьумунил жямру даву:

- Цуманал бусанну х1акыну жува ци лавхъхъуссарив?
- Х1акыну жува прилагательнирдал ци ккаккан буллай буссарив, ганил суаллу; дак1нихсса ва чичрулийнусса гъалгъалуву гай ишила буллан лахъхъарду. Жунма к1ул хъунни прилагательнирдал жула гъалгъа магъир ва пасих1 буллай бушиву.

2. – Дарсирай зура дурсса даврин кымат бишара.

### **7.Дарсиral жямру даву.**

### **8.Шардайнсса даву:** 243 даву, правило лахъхъин

### **Дарсиral тема: Глагол**

**Дарсиral мурад:** Дуклаки оърч1ан глаголдания аымсса к1улшиву дулаву: мяъна, суаллу; глаголлал предложениялуву бугълагъисса к1ану. Глаголлу дак1нихсса ва чичрулийнусса гъалгъалуву ишила бан лахъхъин баву.

**Дарсиран айкинмур:** учебный пособие, таблица.

**Дарсирай жура:** Цусса материал лахъхын дуллалисса дарс.

### **Дарс нанаву**

**1. Дуклаки ойрч1ру дарсирайн х1адур баву.**

**2. Дуклаки ойрч1ру цусса материал лахъхаврийн х1адур баву.**

Даву 215. Суратрах бурувгун, ойрч1 ци дуллай уссарив бусияра.

Ойрч1 т1ут1айн щин рут1лай ур. Ойрч1 лу ккалай ур.ва м.ц.

Ойрч1 ци дуллай ур?

Жула гъалгъалуву глаголданухъ ци бияла буссар? Глаголданул даву ккаккан дуллай дур.

**3. Учебникрая правилартту дуккаву, гайннул ялув гъалгъа баву.**

**4 Учебникрашалсса даву: даву216-219**

### **5. Физкультминутка**

### **6. Рефлексия**

1. Дарсирай лавхъхумунил жямру даву:

- Цуманал бусанну х1акыну жува ци лавхъхуссарив?

- Х1акыну жува лахъхарду глаголлал ци ккаккан дайссарив, гайннул суаллу; дак1нихсса ва чичрулийнусса гъалгъалуву гай ишла буллан. Жунма к1ул хъунни глаголлал предложениялууву хъинну агъамсса к1ану бугълай бушиву.

2. – Дарсирай зура дурсса даврин кымат бишара.

**7. Дарсирай жямру даву.**

## **8.Шардайнсса даву: даву 222**

**Дарсиral тема: «К1илийнусса лавкъу ч1урду ва ларкъу х1арпру».**

**Дарсиral мурад:** к1илийнусса лавкъу ч1урду дак1нихсса гъалгъалуву т1айлану зумух ласун ва ишла буллан лахъхин, к1илийнусса ларкъу х1арпру чичрулий т1айлану ишла дан лахъхин ва гайннул ккаккан байсса ч1урду к1улну бик1ан.

**Дарсиран аьркинмур:** учебный пособие, суратру.

**Дарсиral жура:** Лавхъхъумур жям буллалисса дарс

### **Дарс нанаву**

**1.Дуклаки оьрч1ру дарсирайн х1адур баву.**

**2.Дуклаки оьрч1ру ц1усса материал лахъхъаврийн х1адур баву.**

Дуккияра назму.

*Ттул – ттуукку,*

*Ттууккул – ттатта,*

*Була, ттаттай, ттухъхъун ттуукку,*

*Бан гъаннача ттууккул ц1у.*

Р.Башаев

•Назму тетрадирттай чичара. Тикрал хъанахъисса ч1урдал луртту аьшру дуккияра.

•К1илийнусса лавкъу ч1урду бусса махъру буккияра.

- Цуми ч1урду тикрал хъанай бур назмулеву яла ч1явуну? Цуманал бусанну ссая гъалгъа бан т1ий буру жува х1акынусса дарсирай?
- Жува х1акыну гъалгъа банну к1илийнусса лавкъу ч1урдая ва х1арпирдая.

**3.Учебникращалсса даву: даву 159- 164.**

**4.Физкультминутка**

**5.Рефлексия**

1.Дарсирай лавхъхумунил жямру даву:

– Цуманал бусанну х1акыну жува ци лавхъхуссарив?

–К1илийнусса лавкъу ч1урду дак1нихсса гъалгъалуву т1айлану зумух ласун ва ишла буллан, к1илийнусса ларкъу х1арпру чичрулий т1айлану ишла дуллан ва гайннул ккаккан байсса ч1урду.

2. – Дарсирай зура дурсса даврин кымат бишара.

**6.Дарсирайл жямру даву.**

**7.Шардайнсса даву:169 даву.**

## **Хъиривмахъ**

Байбихъулул классирттаву лахъхъайсса лакку мазрал курсирал щаллу бан айкинссар ойрч1ан к1улшиву дулаврил, гай тарбия баврил ва итххяххан баврил цасса масъала.

Федерал паччах1лугърал ц1усса дуккаврил программалийн бувну, 2-мур классраву лахъхъин ккаккан бувну гъалгъалул бут1ри. Дуклаки ойрч1ан гъалгъалул бут1раясса аймсса к1улшиву дулун,

существительнирду, прилагательнирду, ц1анинк1анаймур        ва глагол лахъхыин ккаккан бувну бур. Хъуннасса къулагъас гъалгъалул компетенция хъун баврих, яни дуклаки оърч1ан пасих1ну, ххуйну гъалгъа буллан лахъхыин баврих дан ккаккан дурну дуссар. Федерал паччах1лугърал дуккаврил стандартирттай хъуннасса къулагъас дуклаки оърч1ан ц1усса материал лахъхыин, къак1улмур к1ул буллан, цайнурा цайра к1улшиву ласун лахъхыин баврин дурну дур. Байбихъулул классиртаву зузисса учительтуран хъуннасса къулагъас дуклаки оърч1ал дак1нихсса    ва чичрулийнусса гъалгъа магъир баврих дан айкинссар. Дуклаки оърч1ан литературийсса мазрал къарагаллу дуурччууну гъалгъа буллан лахъхыин бан айкинссар. Гъалгъа байбишин, къуртал бан, гиву гъалгъалул этикетравун багълагъисса махъру ишла буллан лахъхыин айкинссар. Гъалгъа, ч1умух, к1анттух бурувгун, бан айкинссар.

Ниттил мазрал дарсирдал хъуннасса агъамшиву дуссар дуклаки оърч1ру тарбия бавриву: оърч1ан адаб-инсапрал чулуха тарбия дулаву, Буттал к1ану ххира шаврил чулухунмайсса асарду хъун бавриву. Хъуннасса агъамшиву дуссар ниттил мазрал дарсирдал Буттал к1анттухсса, ниттил мазрахсса ччаву хъун давриву. Учительнал биялсса х1арачат ниттил маз дуклаки оърч1ан ххира хъун бан, ганил ххуйшиву, пасих1шиву ккаккан бан айкинссар. Мукунна хъуннасса къулагъас дуккавриву ц1усса педагогикалул технологияртту, ИКТ- технологияртту ишла даврих дан айкинссар. Учительнал биялалуву дуклаки оърч1ан лакку маз лахъхаврихсса гъира багъаву буссар.

### **Ишла дурсса литература:**

- 1.Агарков Н.Г.Формирование графического навыка письма у первоклассников на основе использования некоторых приемов умственной деятельности.// Сборник научных трудов «Обучение, воспитание и развитие младшего школьника», Л.,1976.
- 2.Бернштейн С. Вопросы обучения произношению. М., 1937.

3. Винокур Т.Г. О некоторых синтаксических особенностях диалогической речи. // Сборник «Исследования по грамматике русского литературного языка» М., 1955.
4. Гальперин И.Р. Грамматические категории текста (Опыт обобщения) // Известия АН СССР, - Серия лит. и яз.- Т.36, 1977, № 6
5. Желтовская Л.Я, Калинина О.Б. Обучение во 2 классе (*по учебнику «Русский язык» Желтовской Л.Я, Калининой О.Б*), М, 2014.
6. Капинос В.И., Сергеева Н.Н., Соловейчук М.С. Развитие речи: теория и практика обучения. 5-7 классы. М., 1994.
- 7.6. Львов М.Р. Методика развития речи младших школьников. М., 1985.
- 8.. Львов М.Р., Рамзаева Т.Г., Светловская Н.Н. Методика обучения русскому языку в начальных классах. М., 1987.
9. Методика начального обучения русскому языку. Под ред. И.В.Баранникова, А.И. Грекул. Л., 1984.
10. Методика развития речи на уроках русского языка. Под ред. Проф.Т.А. Ладыженской. М., 1991.
11. Методика обучения иностранным языкам в начальной школе. Под ред. И.В.Карпова, И.В.Рахманова. М., Издательство АПН РСФСР, 1949.
12. Мутаева С.Р. Байбихъулул классирттаву гъалгъа магъир баву. Махачкала, 2012
13. Политова Н.И. Развитие речи учащихся начальных классов. М., 1984.
14. Ситникова Т.Н. и др. Поурочные разработки по русскому языку (*к УМК В.П.Канакиной, В.Г.Горецкого*)
15. Сулейманова П.А. Словосочетания в лакском языке и их изучение в школе. Махачкала, 1989.

- 16.Ушинский К.Д. Собрание сочинений, т.2, М., 1968.
- 17.Чистяков В.М. Основы методики русского языка. М., 1947.
- 18.Рахимов К.Р. Лакку мазрал дарсирдай байбихъул класирттаву гъалгъа магъир баврил методика. – М., 1983.
- 19.Эльдарова Р.Г. Лакку маз. Фонетика ва фонология. Орфоэпия. Орфография. Махачкала, 2006.

## **Вив бүмүр**

Хъхьич1махъ-----

**I.Глава. 2-мур классраву «Лакку маз» т1исса предмет лахъхъаврил элмийсса гъанурду -----**

1.1. «Лакку маз» т1исса предмет лахъхъаврил элмийсса ва методикийсса гъанурду -----

1.2. Федерал паччах1лугърал ц1усса стандартирттайн бувну, сакин дурсса лакку мазрал программалул т1алавшиннарду -----

1.3. Лакку мазрал курс -----

1.4. Лакку мазрал учебникрал сакиншинна-----

1.5. «Лакку мазрал» дарсирал сакиншинна ва хасшиннарду -----

1.6. К1илчинмур класс къуртал буллалисса дуклаки оърч1ал ккаккан дан айкинсса результатру -----

**II.Глава.2-мур классраву лакку маз лахъхъаврил методика**

2.1. Тематический планирование-----

2.2. Программалуву дуллусса материал лахъхъаву -----

2.3. К1илчинмур классравусса дуклаки оърч1ал гъалгъа баврил компетенция хъун баву-----

2.4. «Лакку мазрал» дарсирдал махъ дуллан ккаккан дурсса даву -----

2.5. Мисалдарансса дарсирдал планну-----

Хъиривмахъ -----

Ишла дурсса литература -----